

Литература Дагъистан

16+


Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

*Сагал Дусла
Байрамличил,
гьалмагъуни!*

1/2020

январь - февраль





Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР
Мурад МяхИяммадович ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Кьурбанов (журналла редактор)
Кь. Мигърабов
Т.СягИдов

ЖАМИГИЯТЛА СОВЕТ
А. Гябдулманапова
И. Ибрагъимов
Ш. МяхИяммадов
Х. ХИябидова
Х. Юсупов
И. МяхИяммадов
М. МутГалимов
М. БяхИяммадов

1
2020

январь - февраль

Кел бази гьачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИРЛЕР:	
ДУГЪАБИЗ.....	3
БИБЛИОГРАФИЯ	
МяхИяммад ГИЯХИМАДОВ. ГИяхИмадхан Абу-Бакар.....	4
ПОЭЗИЯ	
Къасум-Бег МИГЪРАБОВ. Хиуша гъанни.....	8
Аминат ХИЯПИЗОВА. Гехел тугъла.....	14
ПРОЗА	
Ибрагъим ИБРАГЪИМОВ. ДецI урхIлацун хIебирар.....	21
Расул БЯХИЯММАДОВ. ГИямрулизир диубги.....	43
ДРАМАТУРГИЯ	
МяхИяммад СЯГИДОВ. Имацци.....	53
МУТИАЛИМ МУТИАЛИМОВЛИС 60 ДУС	
МутИалим МУТИАЛИМОВ. Назмурти.....	65
УРУСЛА ЛИТЕРАТУРАЛИЗИБАД	
Зубалжат ГИЯМАРОВА. ХИяжи-Мурад.....	68
ПОЭЗИЯ	
ХИябиб КЪУРБАНОВ. Сталинни шятIбяхъиб.....	76
Таусултан СЯГИДОВ. Гамушла къакъла лига.....	79
ГИяли-АсхИяб МЯХИЯММАДОВ. Элегияби.....	83
ПРОЗА	
МяхИяммад КЪАРАТОВ. ДиштIати хабурти.....	85
ОЧЕРК	
МяхИяммад ТАХСУРМАНОВ. Къияндешунас мукIурхIекIибси.....	92
ФОЛЬКЛОР	
ГИярабла халкъла хабурти.....	95

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №1 2020 г.

На даргинском языке

Выход в свет 2020 г. Тираж экз.
Заказ № Цена свободная.
Печать офсетная. Бумага офсетная.
Формат 70х108 ¹/₁₆.
Усл. печ. л. 8,4.
Усл. изд. л. 8,7.


*Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".
Адрес редакции и издателя: 367000, РД, г. Махачкала, ул. Даниялова, д. 55.*

Электронный адрес редакции:
litdag@mail.ru

Дугъабиз

ХИУРМАТЛА ДАРГАНТИ!

2018 ибил дуслa ноябрьла 9-личиб Урусла театрла халал заллизиб Дагъиста поэзияла классик, даргала поэзияла дудеи Гямарла Батирай акъубхейчирад 200 дус дикнилис багъишлабарибси шадлихъ бетерхурсири.



Дагъистан Республикала Халал Васильев Владимир Абдуалиевичли ва Дагъиста халкъла гьалар халати сархибдеиуначил ва республикала гьаларти халати къуллукъуначил декларбухъунти адамти ва илкъяйдали тарихла къадрила аңцубукъуни хъумхертахънила шайчибси республикала Халалла гьалабси Комиссияли Дагъиста писательтала Союзли, даргала районтала руководительтани, илди районтала халкъла собраниебан ва «Историяла-культурала букъурдеи» бикъуси жамигъятла организацияли гьалабихъибси сипта гьелбууциб ва Дагъиста халкъанала поэзияла хазнализиб лебгъел халаси пай кабибихъибси даргала поэзияла классик Гямарла Батирайлис багъишлабарибси памятник тлаибалтнила хлекълизибси хукму къабулбариб. Мяхъячкъала шагъарла администрацияли биалли ил памятник тлаибатахъес «Ленинград» гостиницалара Р.Хамзатовла уличилси Миллатла библиотекалара ургабси парклизиб, тах шагъарла байлаб, мер декларбариб.

Ахъушала районна Усишала шилизивадси машгъурси скульптор Шамиль Къанайхъажиевли Гямарла Батирайлис памятникла проект-макет балкъаахъурли сай ва жармализибад ил памятник ишдус тлаибатес чесили сай.

Пачалихъливан ахъи, халкъли тлаибатурси памятникла къадрира къиматра гьатирра халати дирутти сари. Гямарла Батирайлис памятник тлаибалтнеличил дархдасунти лерилра хъанчилиси хъажатдиркурти арцла сурсатуни халкълизирад сари дурчутти. Гяхъбаркъла баркъудилизир бутлакъяндеи дирутала лугъи Дагъистайзибра дусличи дус имцлабикъули саби. «Историяла-культурала букъурдеи» бикъуси жамигъятла организацияли ил мягъничебси баркъуди дурабуркнилис бекъидеи дарес сунечи чесили саби. Батирайлис памятник барахъес ну регъти 300 азир къуруш кадирхъулра. Дагъистайзибти баркъудила адамтира ил пергер баркъудилизир бутлакъяндеи дарахъес жибирулра. Гъарил дарган адамли вирар илизир бутлакъяндеи дарес. Ил мурадличил «Историяла-культурала букъурдеи» бикъуси жамигъятла организацияли Дагъистайзибси Россияла Сбербанклизиб абхъибси счетличи арц дархъес бирар. Банкла адрес:

Дагестанское отделение Сбербанка России № 8590/054

Г. Махачкала, ул. Магомедтагирова, 39 А\З

Наименование организации:

ДРОО «Историко-культурное наследие»

ИНН /КПП 0571003366/057101001

Расчетный счет: 40703810060320001281

Хазнализиб арц цаладиркниличил ва илди харжидирниличил тянишибисе дигутти лебтасалра ил барес имканра бирар.

Нуррхулра хъушала икъайчил ишдус Мяхъячкъалализиб Гямарла Батирайлис памятник тлаибатес ва ил чебаэс бажардидиркниличил.

Перзият БЯХЪЯНДОВА,
«Дарганти» бикъуси программала бекъ,
«Историяла-культурала букъурдеи»
ДРОО-ла руководитель.
Тел. 89882923019

Библиография



МяхІяммад ГІЯХІМАДОВ,
Дагъиста халкъла поэт,
ДР-ла писательгала Союзла
председатель

ГІЯХІМАДХАН АБУ-БАКАР

I

ГІяхІмадхан Абу-Бакар – нушаб бекІаагарті произведениеби гІелар датурли арякъунси цаибил Дагъиста халкъла писатель сай.

«...Ну Дагъиста литератураличила пикриухъунхІели, дила гъан-бикуназир Дагъиста дубурти мицІирдиубтиван гъаладилзан. Илдала дяхІла гъалав гІямултази ихъес, сатхІеркъибти ва дибгІянти хатІли лукІес асухІебирар. Ил бирес асухІебирар, сенкІун ишаб девла халаси хІурмат бирули саби. Гъарил девла къимат мургъилайчи абиркули саби. Дагъиста прозаличила пикриикІухІели, дила хІулбала гъала ГІяхІмадхан Абу-Бакар гъалаилзули сай.

Ил пергер прозаик лугІилашал халаси ва давлачебси советская литературализи умутчевли ухІнаверхур. Илини аргъахІиб Дагъиста литература поэзияличилцун ахІенну, – ил саби хаслира мягІничебси-ра – прозаличилра цІакъси биъни. Ил литературала ахъси дубураличи чевяхІахІиб, гъанна биалли Дагъиста цархІилти писательтира ил дубураличи чебяхІбухъес гІягІнити саби. ЦархІил тяхІярли биэсра хІебирар я дубуртазиб, я литературализиб», – 1971 ибил дуслизібал илкъяйда белкІун «Знамя» журналлизи Абхазияла халкъла поэт Дмитрий Гулиала урши ва пергер дубурлан Георгий Гулиани.

Илди дархъти ва уркІи-уркІиларадти дугъби дурибхІейчирад авцІали дусличир имцІали шалгІердухъи сари, амма ишбархІира мягІничертили кавлули сари, ва гъар дуслизиб илдала мягІна гъатІира мурхъбикІули саби.

Наб дигулра ГІяхІмадхан Абу-Бакарла произведениебазибад поэзияла бачи барес. Нушачил дарх муртлисалра кавлан пергерти «Даргала рурсби», «Чехъери» – нушала гІядатуна дицІибти, халкъла гІямруличил

уржили дархдасунти повестуни, нушани балула писательла «Ванза селичиб ташси?», биклуси жузра. Балулра, секъяйдали малхІямти, кабизалачебти ва дукелцІидухъести сабил ГІяхІмадхан Абу-Бакарла «ДяхІила адамти». «Гумайла духурилизибад» балулра, секъяйдали беХІбирхъусил гІямру лушуси жагъилла гъуни. «ГІянручІла васият» хІясибли нушани багъес дирулра, сегъуна бирусил рухІла гІямрула гъунар ва ахир. Илала «Къаркъубачилси кулеха» – сай ГІяхІмадхан Абу-Бакарла устадешла умцла биъни балулра. Балулра «Някъли белкІунси къуръанна дигІяндеш» – ил нушала тарихла ва нушала хІял-тІа-бигІятла дигІяндеш биъни. Писательла творчествола анхълизиб мурталра лебсири «ГІинцби дикъурси манзил». «ЦІуба сайгаклизибси» къяйк – ил пергер повесть акІахъубси авторла уркІилизи барибси къяйк сабри. «Чакала пукъалаб берхІи» лукІухІели, илини узес ва хІериэс илизибад гъав кайсусири. «Ит дуги дебкІес хІядурдикІухІели» биклуси повесть-личил илини рухІла ва сунела ула бебкІаагардешличила нушази буриб. «Варъала шурми» повестьли биалли нушала гІямрула тикрархІебируси тІем иргъахъули саби. «ВеГІла анкъила лами» биклуси жузличил нуша илини мурталра ванадирулра. «Урехила дякъли» нуша илала устадешла ахъдешличил леркулра, леркулра писательла бегІла гІергъиси ва бегІлара гІяхІси «Манана» биклуси романничи.

Ва ишбархІи, чевяхІси Расул ХІямзатовли ГІяхІмадхан Абу-Бакарла повестуни «Дагъиста прозала савли» сарливан къиматладарили гІергъи, нушанира тикрарбарес дирулра: «Илдазиб берхІи леб, ванаси пишбяхъни, дубурлантала масхурти лер. УчІанни илала произведениебазибад гъарли-марси тІягІям кайсу. Илини гъачамлис сунени камли балуси Дагъиста гІямру, пикруми, хІялани, малхІямдеш, къаркъедеш илала произведениебазирад ункъли дала».

2

ГІяхІмадхан Абу-Бакар литературализи малхІямси уркІила веГІ, давлачебси рухІла дунъяла ва пергерти хІяланала веГІ художник сайливан вакІиб. Адам, илизирти адамдеш, малхІямдеш, диги, яхІ, асилдеш ва чевяхІдеш чедидикахъес къасличил делкІунти сари илала дахъалгъунти произведениеби, илди мурталра бугадешличил, гъавличил, гъарзали пикриикІес балниличил декІардулхъули сари, илдазир гІямрула хІекъдеш чебиахъути анцІбукъуни гъарзали къаршидиркули сари, мургъиван лямцІдикІули сари илдази духІнакаибти багъираби, буралаби, айтуби, жагали каргъурти дубурлантала масхурти. Илдани сай писатель цархІилти лукІантаци мешусиахІенси ветаахъурси, учІес иштяхІидухъести детаахъурти илала произведениеби. Илдада кумекличил илини миллатла хасдешунира саркъахъили аргъахъес вирули сай, ил гъайла халаси уста виъни гІячихъли чебиахъули саби.

Критикуназивад цали хІясиббарили къяйда, «Абу-Бакарли сунела жуазир цадехІ анцІбукъуни ва сюжетуни жургъдикІахъес ункъли балули сай». Замунти, къисматуни, анцІбукъуни халати устадешличил ца гІяндлизи дилгъули сай ва някъиш лерси сурат алкІахъули сай. Илала произведениебазибси сюжетла рахажлизибад ца мява убасалли, лебилра жагаси сурат пашбелхъули саби ва тІутІукабирули саби. Илис саби бикІути писательдешла черяхІти устадеш. Адамла кабизалачердеш уряхІдирути секІал илини мурталра дукелцІиличи дирхъусири, мурталра камсилизиб халасира чебаахъес бажардиирки, ца секІайчила бурили, гІямрулизир кършидиркути дахъал секІал гъаргдарес ункъли бажардиирки. Ил – халаси миллатласи художник виънила лишан саби.

3

Адамтала гІямру ва бузери, илдала пикруми ва илдас челукъути, пикруми ва хІялани, разидеш ва дардани, байрумти ва гІядатла бурхІни, ишбархІила гІямру ва челябкъла, халкъла ибти гъар секІайчи диги – хІера илдани саби ГІяхІмадхан Абу-Бакарла игитуни гІядатла адамтас, дагъистанлантас дигахъутили бетарахъути. Илизиб саби илала творчествола ва адамдешла дикъурдеш. Илала гІядатлати, дурусти, къантІти, мягІнади духІнадицІибти, къркъаличи дарибти някъишван саркъибти дугъба ва илдала цалабахъуна, гІямрула ва къисматунала гІядатлидиубдешли, анцІбукъунани ва заманали ГІяхІмадхан Абу-Бакарла произведениебала игитуни писатель дугъаилзуси учІанна бархкъябили бетарахъули саби, илди белкІаназиб учІанничил гъайкабикІули саби, иличил пикри цалабирхъули саби.

ГІяхІмадхан Абу-Бакарлис имканбакІиб сай хІерируси ва лукІули калунси манзилла адамтала баркъ-бацлизир, дагърилилизир ва пикрумазир кадикибти мурхъти дардешуни саркъахъили сипатдарес. Ил биалли гъамадти масъултазибад ахІенри.

«Даргала рурсбачибад» бехІбихъили, «Мананаличил» таманбиа-йчи ишхІелла заманала гІямру сипатдирухІели, автор я дусмазив, я анцІбукъуначила бурнилизив, илдас къимат бедлугнилизив бекІлил хатІахІейкиб или умутличил бурес вирар, илхІелира ил хабар бурнила шайчив чевяхІси усталира кавлули сай, ил разиси хабарчира сай, гІямрула къркъеси хІекъдеш сипатбирухІелира сунес сай марли кавлули сай. Ил барес гъариллис имканбикІуси ахІен. ГІяхІмадхан Абу-Бакар илгъуна пагъмуличи вегІиубли сай, илис тІабигІятлира сахаватли пагъму бедилри. Ил халати гъабзадешличил декІарулхъуси писатель сайри. Къяна, виргІяургни, усалдеш дакІудирни илини сегъуналтра анцІбукълизиб ва даражализиб къабулбирули хІейри, мурталра бархъагардешличичи кършили дураулхъи, азадси художникла баркъуди сабри ил, ил адамтас гъаргси сайри, ил чилилра асесра хІейри. Писатель – ил пагъму сай. Ва халкъ – илала пагъму къиматлабирантира илис суд бирантира саби,

халкъли саби илала пагъмулис дурусси кьимат бедлугусира, сенкӀун халкъра цахӀнабли касибхӀели, бархти пагъмукарти саби.

ГӀяхӀмадхан Абу-Бакар мурталра халкъличил сайри ва даимлис илдачил варх кара калун.

4

ГӀяхӀмадхан Абу-Бакарли белкӀун: «Литература вавалибяхънила шайчирти нушала лерилра сархибдешуни нушаб кӀиибти нешла мезли детаурти черяхӀти урусла мезличил уржили дархдасунти сари».

Дагъиста поэтунани ва писательтани чула произведениеби нешла мезли лукӀули саби, гӀур илди произведениеби урус мезличи шурдалтули саби. ИлхӀели Дагъиста литературара урусла литературара давлачердирули сари. «Нешла мезли нуша нушала хъулир сарра гъайдикӀути, дунъяличил биалли нуша урус мезли сарра гъайдикӀути», - викӀи ил. Илбагъандан ил кӀидехӀ мезли цаван къугъали лукӀи: дарган мезлира урус мезлира, илини сегъуналра анцӀбукълизиб сунела сириличибадси бежӀбихъуд хъумхӀерти:

«Ванзала чебкад арцурли саби гардла далай, ва илини чилра паргъатли, авараагарли хӀелта. Илини нуша пикрикадулхъахъара: нушазир чебяхӀсиличи ва шаласиличи, малхӀямдешличи ва хӀялимдешличи жидикӀути пикруми алкӀахъу. Нушаб уркӀи-уркӀилабад дигула берхӀилиуб лебилра адамтас ванали ва шалали биубли, берхӀила мургъи-ранг нурли гъариллизир гӀяхӀти хъулани ва малхӀямти хӀялани алкӀахъули.

Ва нушани нушази илхӀели хъарбиэхӀе: сен илди далуйтауб халабаибти адамти чурхтили, къяркътили, гӀясикартили, ца итиллис вайтили бетаэс бирути, закла хъанцӀа къуббалауб лебтасалра мер хӀебиухӀеливан?» – белкӀун Абу-Бакарли ва гъариллизи хъарбиули вири: «Иргъулрив хӀуни ил сихӀрула далай?»

ИшбархӀи нушани пахруличил эс дирехӀе: «Нушани иргъулра хӀела сихӀрула далай, ГӀяхӀмадхан!»

Ил адамтала уркӀбазиб дахъал дусмазиб кавлан.



Поэзия



Дагъиста халкъла писатель
Къасум-Бег МИГЪРАБОВ

ХІУША ГЪАНИИ

(КъантІбарисси поэма)

Нура цархІилти къяйда,
АкІубра чІярбяхъили,
Лебтанилра ну акІни
Дигусиван бакъили.

АрцІила ва аршила
ХІянчиличи авлахъла
Ну варх викути бурхІни
Дири, дурхІниван бахъла.

СенкІун гъаннаван дурхІнас
ХІедири садикуни.
ХІянчира къиянтири
«Лукути някъликули».

Гъар хъучир камХІедири
Галгуби гъар журала.
Илдачи сурдатурли
Гардайтири дурхІнала?

Пукъниван дири илди
Иршан чякна дарибти,
ЦІуэрили ва дягІли
Гъар шайчи «гарддирути».

Рахли ца хъула дублав
Ца дурхІя чевсаргъалри,
Илини чебиргъахъи
Лебил ургуба чІярли.

ВиштІайчи хІерэс халал
Левсила игъбар сабри.
Нура, гъанбиркур къалли –
Чуйнара укибсири.

СенкІун нуша диштІати
БегІтала верхІел лерри.
Ца – къакъличив, ца – някълав,
Нешли бихули рири.

ИшбархІи, гъандикалли
Итди дила дурхІядеш,
БегІ гъалар гъаларилзан
Дила ряхъхъа гІязиз неш.

ХІера, хапли хІечира
ГіебшнидакІиб, дила неш.
Ил хІекъдешла бикъри ну
Агарсиригу шакдеш.

Итцад жагаси, жагъси,
Къямрилзни чис хабарри?
Ил хІекъдешла бикъри ну
ЛехІлира, гъай агарли.

КІел улкъайла тавханир
ХІерли сарри хІу набчи.
Чедиули дила дяхІ
Лаг-катхІел башутачир.

Чехебаири хуни
ТалихI риштIахIелира,
БиххIебихи разидеш,
Яниливан, хIеблира.

Дургъба чулахъварили,
Чарвариб халал узи.
Ил децIла цIали ригуб
ХIела халаси рузи.

Багъла-багълали дергъли
ГIергъиси симкъ абатур.
ВатIа гIяхIти гъубзнани
Агарбариб душма къур.

ХIела вархкъя хIункърачил
Ваши дубри, диркъани:
ВерхIел дурхIя абикъес
Къиянни сабри къалли.

Чум хъу дирширил, чум мах
Хирил хъули къакъличир!
Манзил гъанбиркур гъачам,
Рашуси хъяйхъиличил.

Шинкъалар декъ дукъади,
Бугади дег дургIелаб.
Цалра хIянчи кахIелун
БархIебарили гIелаб.

ХIера гъанна бакIили
ХIукму итди дусмала:
Чарх-биркIан къацIдуцибси
КачIуба излумала?

Агара гъанна мякълав
ГIямрула валхъя вархкъя.
Къадарбиубну хапли
Ахиратлизи архIя.

Сегъуна цIакъла чIиллай
БучIадил хIуни гъаман:
«Гъар инсай дуркIаб гIямру
Агарли хIила душман...»

Гъинта къяйда рашуси,
Сен багълалирил гъанна,

Гъарил ганз чIяр сабину
ВярхIя дунъя багъандан.

Ну къалли, неш, ахIенра
Урши пахрубареси –
ХIу набчи карцIриайчи
гъаман хIечи хIешуси.

Ца сабаб, ца багъана
Ну мариэс дургулра.
Балулра, хIела балгна
Шандайзи ну ургулра.

«ГIяхIялваналра хIу ша
ХIешудгу...» – ири гъачам.
Сегъуна диван лебал
Илди дугъбазиб, неш, наб?

Ге, азирна рархълири
ХIу, набзи се рикIадра,
ХIериубрану жагъдеш
Кавлутиван мурталра.

Вирхулра, рахъ малхIямси
ХIу чурххIерирниличи.
Се бараслира, «ватIи,
Наб гъай хIебурниличи.

Хабурти-рагъамтази
Вархили цIумикIули,
Назмурти лукIира хIед
Улгули, гапикIули.

Назмурти делчIи, набзи
БикIи: «Агъ, хIед хIялалди!»
Ну лехIкайхъира къалли,
ГIяхIдилзули гап илди.

Черрерхи хIейкIаслира,
Балулра, хIу черрурхни.
Нуни севан дуркIути
ГIур хIу агарти бурхIни?..

ХIела дяхI, хумар хIулби
Мурталра дирар набчил.
ХIебалас се бирисал
Илгъуна танбихIличил?

Итцад гьалав гІяшикъси
Гьанна гІебшни хІейгулра.
ГІязиз нешличир илди
Чейули, ну игулра.

ХІебла чатІала кани
Наб чебаэс дигулри.
Гьаб-гьаб тІама бакьадли,
Къавгьа дирар бикІулри.

Щуба кани чебаэс
Къайгьи бири дурхІнала.
Чебаили викІира:
«Палтар диркур архІяла».

Наб иргили бигьунси
Шалбар иби абали,
Чум хІясадли хІербикІил,
ХІисаббири хІулбани.

Агь, бахь гІяхІил биригу
ХІейалри хьула хІянчи,
Нешани хІебашалри
Ила чула дурхІначил!

Яни, лерилра нуша
Дарх дирутири хьулир:
Дудеш бархІехь чарулхьи,
Нешра рири акьули.

ГІергьити дугурбазиб,
КъантІдиахьес дигули,
Дудешли далай бучІи ,
УркІила децІ игуси.

... ИбкІмебкІаб гІяхІна гьвобза, –
Эллира тулла душман.
ИбкІали гІяхІна гьвобза,
Разиарар вайгьабза,
Гумай бацІбухьун или,
Зулму шибасиб или.

Хьадмалгьаб вайна гьвобза,
Элла варх варкъиб узи!
ИбкІали вайна гьвобза,

Янилизналра чарх
ХІела хІебуцахъиша.
Ва дунгьяла яхІ-хІяя,
ИмангІялила ГІяйшат!

* * *

Пашманирар гІяхІгьвобза,
ЖамигІят камбиб или,
ДурхІни ятимбиб или,
Хьунул гамъадиб или.

ГІурра мебкІаб гІяхІгьвобза!
УбкІул бархІи гІяхІгьвобза
Балли урчира бибкІаб,
Дилара арц лер или,
Исуну ца вархІяан.

ИбкІмебкІаб гІяхІна гьвобза!
УбкІул бархІи гІяхІгьвобза
Далли гьалмагьра дибкІаб,
Нура суб сайра или,
Архьуну ца хьунчаан!

Дахъал дучІи илини
Илди, уркІи гІяхІхІели,
Юлдашуначил шадив
Кали чарухъунхІели.

Чум-чуйнара наб чирагь
Абалкун, ада дила,
Къанни биалра хІечи –
Кагьар иш саламтала.

СейкІиша, хІу къяйдали,
Хала дудеш хІела ну?
Азирна чевверхи
ХІейубли калунрану.

ИшбархІи нура, хІуван,
Хала дудеш сайхІели,
Севан иргулрал хІела
ДецІ ва уркІила хІели?

Гьигьбарахъиб Афга дягІ
Гьум гьудурли арцурси,
Бержахъиб Чернобыльла
Атомра, чарх буцІуси.

Гъанбиркуру, бакІили
ХІела хъулира хури,
Дудеш сен арукибал,
Ленин гъанни серхурил?

«Къачагъуни балхули,
Колхоз булъулри» или,
Сен инжитварибал ил,
Дигъи някъби, бирхъули.

ЦІали бигуб лугиван,
Гъигли чарухъун дудеш.
Севан дисирал нуша:
Лерилра дурхІни ва неш?

ХІела дудеш цІумхІейкІи...
Дири цІумхур хургърала...
Ил чархла агъи сабри
ВатІа иман агнила.

«Иманагар хІякимли,
Чедушили бугътанги,
Мигъраб, вигубри къалли
Батурли наб ятимги.

Зулматла цІяб хІябра хІед
Ааб назбалиш буруш.
Бунагъагар чархличи
Урзаб Зам-замла урунж.

Вирхен, хъяйхъира кайсис
Дуразра нуни хІела.
ЧІумали саби гъанна
Къуват хІела дурхІнала.

Ца секІал аргъес хІейуб
Ил гІяхІгъабза хъубзарли.
Ишцад дигул улкалис
Се барибси заралрил?

«Аравираб Исталин!»
ИбхІели бикІар гъачам,
«Ил чебяхІси у майхъид!»
Или – къачагъван.

ГІяйиб агарси гъабза
ЛехІкахъили уару?

Бархъдеш гъаргХІебиубли
ДигІянали буару

ВатІа жасус ва верша
ВиъХІейъни багъурХІели,
Азадватур ил, амма
ВихХІейхулри къяшмали.

ТІашли буръул галгаван,
Ца бархІи веръуб тамай,
ВецІал дурхІяла аба
ЖумягІла бекІиб далай.

ДурхІнас цІуръа-ятимги
ХІеахъили шантази,
Узули халатачил
Диркъанив, дубуртазив.

ХІялимли хІяйдатеси
ХІебаши бахъХІи бархІи,
Азбарла духІнар калун
Ицла ва ганзи дахъХІи.

УрчІемал узи-рузи
Паргъатбарри хІябрази.
Чум дус дизулрил хІулби
ХІела нешла нургъбазир?!

Амма децІ бубкІахъади
Узули дуги-хІери,
ХІечиб багъана лебли,
Селра кахІелун хІерли.

Чуйна бузесаирил
Батагъалаб байдаркІа.
Чуйна ил чарбаририл
БицІили бялихъуна?

БайдаркІа хІед се сабри –
Бабаюртла къанавчис?
КъелХІе-кІатІа някъларли
Ускавлуси зяхІматчис?

Бара халаваила
ЦархІил дукІли вабгири,
«Бездетный» налогуна
Жагъкайубли варгири.

Чуйна-чуйна ахъирил
Гъундури вацГурбази!
Чуйна уркИ гъаргбаррил
ДуцАр дуцГрум цурицБази.

Шаха хъяр, къяржи гИнциби
Дерхъили дакИбси дус,
ХИякалис гулби асес
СирХИязибяхИ бири дуцИ.

Дугили гузетличив
Вирази хИу унцала.
Кумекчили калунри
Урки дирул устала.

Гур чум сага, чум гъабгъа
Дацунрил, дудеш хИуни!
Чуйна бицирил сандук
АнкИ-мяхИярла гъели!

Хабар тИнтИбиуб гур шаб
ХИела гъунартачила:
ШуцИали бархала хъу
Бацес виъниличила.

Марли хИуни дабгибти
Унцала хИенкъ каалри,
Жамавла илхъи балли
БиштИаси хИенкъван бири.

Маргъаначир сагнала,
Гъаршаназир хъумала,
Дурсри касири хИуни
ЯхИ-хИяяла, адабла.

ХИянчили ва духмани
КъахИилихъар хъуцГруми,
ДукИ-дураз чедаадли,
Цухдилзан хИела туми.

Гъанна дудеш, лугърала,
Талхъунтала авидлав
Чейула сяхИбатличив
ЖихИерибси гИхИялван.

Гъарш кайуси агара,
Агара байрахъ кайсул.

ВерхИцИали душла тарих
Агара я гъанбуршул!

ХИела биалли уркИ
Биэс урхИмешуагар,
Селра балтхИебалтадну
Адабла дардла дураб.

Сегъунти гИяхИли бирил
Башули хИечи гъаман?
Хунжачил урчиличив
Ну урхъира Таркама...

Пяхъуби чягъирлара,
Шишни гИяркъилара,
Нешла хинкИ сабаайчи.
Хили, ну чарулхъира.

БехИбирхъи тухъси сяхИбат,
Чархараби зайдикИ.
БяхИличибси вецИлихъла
Чирагъла чял лапИбикИ.

ХИела далайра урци,
Гапдирули гъабзадеш:
«Дели дурашар хабар,
Дисур гИяхИгъабзала неш...»

Къяркъти, къутИкъути анцИкъи
ХИедашуси вирхИейрар...
Амма ЧевяхИилличи
Бири хИела игъдибар.

Иличила адабла
Инсайчира гъаннара,
Вирхули вашулни хИу,
Къардванулхъули бара.

ХИела балга хъумхИертис
Буресра дигула наб:
«Чилалра камаберхаб
Насаб шаб ва дурашаб!»

Иш дунъяла адапти
ХИугъунти биаллири,
Иримла анхълизибван
ГИялам хИербиэ бири.

ИкI дила уркIла ав,
БелкIунмад кабихъира
ХIед белкIунси саб или,
Нуни дудешла гъала.

МяхIкамли белкI сасили,
НабчивяхI ил хIеризур:
ГIур, бекI ахъIебуцили
Поэма белчIун абзур.

ХIулбира нургъба дицIни
Багъурра – лехIлирину.
Илди дигIяндирули,
БекI ахъIебурцулрину

Багълали илала дяхI
Гъаладизур наб илхIейс,
Илиниван имайчил
ХIеръибси инсан хIелас.

«СейкIиша? – иб илини,
Газета кабирхъули,
Набчира хIеризурли,
ХIулбира чедирхъули:

– Нешлис белкIунси къалли,
Урши, наб бахъ гIяхIбизур.
Сепайда, лихIби гIянцIли
Ахъли белчIес бетхIеур .

Мурхъли пикриухъалли,
Деза ил саб нешанас.
Манзил-манзил кайсули,
Ил нуни гъаман бучIас.

Нешлизибси ил гъунар
Чебаэс виубси хIу,
Гъанбиркур ургуд или
Далуси цIакъти сихIру.





Аминат ХИЯПИЗОВА

ГЕХИЕЛ ТУГЪЛА

Дагъистан бикIуси нарт,
ХIечира ну гIяшикъси,
Мургъила хатIли лукIас
Сурат хIела гIячихъси...

ХIела гъарил шахIрила
Тарих лер уркIилизир,
ХIела гъарил дяхъила
ХIянби сари чархлизир...

* * *

Щудар хатI, цIуба капIи –
Чекайсу се белкIадра...
ЛямцIбикIаргу мургъиван,
Бирцалли, язла тIасра!

Амма бархъдешцун саби
ЧерикIла бархкъя, бузи,
«КъутIкъути шараб» сари
ДикIули мури-бизи...

* * *

Усалси гапварайчи,
Беръаб къаклизиб лезми!
ВархIячи хIерризайчи,
АтIаб хIулбази занзби!

ВатIайс ламарттриайчи,
ТIутIудиаб биркIунти!
Нуни къяна бурайчи,
МиъдяргIяб тумазир хIи!

* * *

Хамдешла дуклумачиб,
ЧIакначил абзбикили,
Ца къяна къаршибикиб,
ХIурхъачи ахъбирули.

Къабулбарая, чIакни,
ХIушачил абзбикибси,
МабакIаб хIурхъас бархIи
ГIяхIялдеш гIяшдикибси!..

* * *

ЧархIедулхъан тIакънази
Гъачам дугIдерхур мирхъи,
Гушти буцIази биркур
Веги агарбиуб илхъи...

Илкъяйда саби ВатIан,
Я паркъ, я баркъ агарли,
Ур лерти тарих дуи,
Челябкъла хIебалули...

Гямал-дарман дуунси,
Гярзрулхъас назмуртази,
Илдани ралтахъара
Гямрула гязабтази.

* * *

Руркъура чекасахъес
Бяхъянира къисматла,
Яхличил дяхаахъес
Карцайра мусибатла...

Уркѝ бурес гязиз неш,
Я гякълу бурес дудеш,
Агархѝели, аргъира
Нуни гямрула декѝдеш.

* * *

Хѝу цунхѝелицун бирар
Къисмат къяркъсили биэс,
Гъургъашингъунти нургъба
Уркѝи, бицѝули, бисес.

Хъа гъалаб рахажлизиб
Леб дила биштѝал кеца –
Ухули сар хѝулбазир
Инсайчи дигила ца.

* * *

Баткаадра чарбулхъан
Сунела улгулизи,
Азаддеш кебасибси,
«Дигила» рахажлизи.

Хѝеригубси цундешли,
Игулра ну бацѝдешли,
Адамла адамличи
Тѝякъиулра къяркъдешли.

* * *

Бурямван цакъдикѝули
Сари кахти хабурти,
Халкъличи къацѝдикѝули,
Дарсдикѝути къанунти...

Уркѝи зимбухъахъуну
Гъунидублаб занзили?
Хѝеризи, бирусину
Занзби ургабра вава...

* * *

Чиналра архѝекури,
Хѝязлис уркѝила жили,
Аркъян даимдешлизи
Гѝяхѝдеш барибси бархѝи.

Къугъати диаллира
Къугъни хѝедала вавна –
Бегѝлара бекѝ къухѝтала
Уркѝиби сари варъала...

* * *

Мешули саб вавначи
Къяба даргала рурсби,
Илисгу шурмар Ватѝан
Тѝембикѝуси варъали...

Цѝябси хъали саб Дунъя,
Чум Берхѝи адалкалра, –
Агарбиалли шала,
Адамтала дигила!

* * *

Хѝи дяргѝибси чарх саби
Шинишбикѝуси ваца,
Шипѝдяргѝялли арцанти
Агарли вичѝиръала!

Вари, адам, ватмалхъад
Ургъур някълабли или,
Айгъирла къугъал уркИ
Гъачамлис гІаярлину.

* * *

Вари, гъариб, гапмайкІуд
Гарас гъаргалаб или,
Гарасличиб гІярчатІа
Унрубас бучІулину...

Юрт цали хІебигубси
ЦумхІейкІуси виалри,
Ихцад мурхъли цумдикІив
Ваца чІянкІличир буци!?

* * *

УрхІли мас хІебигІунси
ВисхІейсуси виалри,
ИкІцад марайли бучІив
Гегуг, шурличиб гугли?!?

Дунъяла давла бучес
Гъалакти гъалмагъуни,
Гъарбизаб хІушалара –
Хъулкнад хІякъули гІергъи.

* * *

Давла агни багъандан
Гъалмагъуни балтути,
Гъарбизаб хІушалара –
Баргили хІушагъунти.

Халкъ гъарали лутІули,
Гъармукаби саб тухъли,
ВатІан урхІлис буртІули,
Бузути саби гушли...

* * *

Багъни сари зуздитІи,
Зубрази адаили,
Мас ахІи, базуртачир
Халкъли хІяя дирцули...

* * *

АхъхІибад уди
кІел хІербикІулри:
Цали удир нясра
чятра чейулри,
ЦархІилли биалли,
забла кІувразир
Зубарти ва чихъси
зак чедиулри...

Чила уркІи марсил,
чидилла къалпсил,
Сепайда, иргъулра
мурталра къанни...

* * *

Агъ, хІебурибси дев!
ХІезирти сихІру!
ХІейгъубси хІярхІяли
адам кахІершу!
ЧичІай агъу бурчу
гулваначибра,
МирхъиликІун варъа –
шуркъличибадра!

* * *

Дурала улкнала
гъурша кагъуртас
Бархъдеш, къаравашван,
къукъмусбиркалли,
ЗягІипси неш ватІа
хІуйзи атІунси,
Занзи абилтІусив
чидил гъабзали?!

* * *

ГІегудилис лугуси
ГІякълумала къачІара,
Батира, гІямалбирис
Ил гІяхІдеш агарлира.
ГІядабси биаллира,
Цундешла гІярадали,
КІибяхІян гъалмагъливан
КІибайхІебиру уркІи...

* * *

ВацІурбазир рах-рахли
Улкан цІа сари-сарил:
Чили бала, дургъбазиб
Алхунтала рухІ сарил?!
ЦацахІели шурмира
Дирар вавнадирхъули:
Марли калун хъунрала
Дургар илди хъулани!

* * *

ХІеблизиб хІяжла чатІас
Гъала аркъуси уркІи,
ХІела сапарла мурад
Бархтани аргъес, вара?!
Ца гъуни саб хІяжлизи
Мунапикълисра хІедра.
БейгІес вара, хІязлизи
Илцад дурхъаси архІя?!

* * *

Лер дубурти ну карцІти,
Лер арцанти ну къясти,
ГІянжили кІапІдарайчи,
ХІулби хІясратти мусни!..
Марли, назмурта лукІес
Даибтив, гъари, илди?!
Вирусив гІямру дурес,
Цайкъяшмачив хІешули?!

БекI гIиниз дила хьалли
РубкIулира милигли,
Аждагьали дуцибти
Шинна пай хIебиули...

* * *

Ши вацIала дайлабкьи,
Анкьи бяргIили саби,
Къаплай ари буцибси
ВацIала унза къяпIли!

КъантIси манзилла ца зим –
Инса гIямрула гьимир:
Даимдешра, шалара –
Лерил сари илизир.

* * *

ЦабехIла давла кавлан,
ДурхIнас мах бетаурли,
ЦабехIла пагьму кавлан
Наслубас къибламали!..

Дила сари дубурти,
Дунья жагабарибти,
Къяш кацIес мер агарли
Дарма къарли дуцибти!

* * *

Аслу-минала дарган,
Ну илдала рурсира –
Ибагьандан рииша,
РегIла талихIчерсира!..

Дубуртала саб уршби
Гьабзадешлис машгьурти,
ДацI някъбачил къапланти
Дуцес гIяярбашанти!

* * *

Нартли къяш кацIибихIи,
БекI кабихьес хIядурси,
Ну илдала рузира –
АхIенрав давлачерси?!

Дубуртала саб рурсби,
Мардеш машгьурдарибти,
Умудешла шалали,
Бацли – шавлабирути!

* * *

Дубурландеш, акIубмад,
Ниъличил дарх дерхьибси,
Ну илдала рархкъяра –
АхIенрав дунья регIси?!

ВатIан – жуз хIебелчIунси,
РехIрихьиша чинарад?!
ВатIан – жуз, хIебелчIунси,
РехIрихьиша чичирад?!

* * *

ХIела кIапIри садяхьес,
Мер агара тIашризес,
Къясдешла хьябхьялиуб
Бурх агара уриэс...

ВатIан белтIун ва бехьуб –
Лерра хIябра язихьи,
Рукули, садакъалис
Душмай гибси азихьи!

* * *

ГIялам, цIурья рягIятван,
Буар или, мукIурли,
Бициб ВатIан сягIятван,
ВакIили, ца кIуркIурли!..

Базарла базриганта
Исули саби пачни,
АхъихИ рухИ ардякъи,
Бетаурли начурби...

* * *

Москвала метролизир
Дирцули сар дипломти,
Гизрагил малайкуни
Саби гъанна тухтурти...

ХИябилра гIямал буи
Лерра, гIялам, ишбархИ,
Къачниванра гIяжизли,
Лугъути къутал дисли.

* * *

Бехъуб пукъала гъалар,
ЛасдикIули, чIатIниван,
Шурагъала шинхълизир,
ШардикIули, бутIриван...

Бусуси шарализиб,
Бишун Бацла ишара:
Чис-сарил дигай дишун,
Чис-сарил дикиб шала!

* * *

Шара... Бацла ишара...
Илди сар гIямру инса!
Аркъути-лябкъутачи
Шакра хIебиркур Дунъя!..

...Бунагъагарра майкIуд,
ГIябидли акIадлира,
Ваваличиб аръаван
Умули виадлира,

* * *

Варкъибсирину хIура
Адамли ва ХIявали,
Алжунта дугIаибти,
ШайтIаис биргIябиубли!

Мужаллат хIясибли жуз
Исули саб бахъалта,
Дарма къар къирдирули,
Датдихили сар хъалта...

* * *

Мар чинила кичIаван,
Саби уркIи назикли,
Бархъдешлизи чейгуси,
Гъарил пIинкъли бялчIули...



Проза

Ибрагим ИБРАГИМОВ



ДЕЦИ УРХИЛАЦУН ХІЕБИРАР

(Повестъ)

- Хіера ит, къакъакад аркъули?
– Чи ит?
– Халид Пашаевич.
– Хіурматла мугІяллим?
– ГьатІи чи левси нушачив дурхІначил ГІямру деркІибси?
– Ил гьанна узули ахІен бикІаргу?
– Пенсияличив сай, амма школализира вашули вирар.
– Ге, пергер адам сай нушала Халид.
– Арали ватаб сай!

Илгъуна ихтилат бехІбирхъулри шантани, къакъакад вахъІила мугІяллимла къаралди дакІубухъалри. Халидхъали ил шилизиб бахъал бири, илбагъандан, иличила гъайбикІухІели, ухъна Халид, Халид-ази, нушала мугІяллим или адамтани гІячихъбири.

Хіера, ил бархІира савли-жявли илини сунела хуху Хибайра эскибиубси юрта дархъатур, ласбулхъунар лагра ахъили, диркъбикличибси халаси цІуба юртличивяхІ вагихъиб. Илала гунзри багълатири, тѣп дуйгІухІеливан кайцІули. Ахъси, назикси къаркъала бараван къямбизурлири ва, някъбира гІеладуцили аркъухІели, ил дебали вамсурли инжитиубсиличи мешуиркулри. Шала пІякъдикилихъар, гъачамлис шанти чебаргъили ахІенри. Хямкдирули къапур, хІенкълизи къули кайути хъунул тайпала бикъулри. Илди цаличил ца савлила сагати хабуртазияхъес къалабалири, амма шалгІевулхъуси Халидличилара хъумуртули ахІенри. «ВелхІунрив, Халид-ази? Гъунби гІяхІдираб!» – или, гъалабухъи, салам лугулри. Халид Пашаевичли жаваблис къадин бекІ гъакІбирулри.

Диркъси майдайчиб ахъси школа хабарла кІялгІяван декІарбухъи саби. Юртла авалра шайчир царугли дубурти, жагъти ахътерекуни сари, сарира гІебшила рангли някъишдарибти. Ца шайчиб, даршал ганзла тѣйдилди,

хъярла зурба галгара леб. Тякькабухъунси камла бегI, делсунти къантIа къялубар. Иличир цедеш ахIенну, кIарира камли сари, сенахIенну, чили бала, чум хъяшали иличи чябхъинти дарибал? Галгаличи хъярбихъахъи барибси уркълала скамейкара леб.

Халид галгала удив тIашизур, хъабхъси камличибад хъат чедиберкIиб: «Эгъ, бухънабиулри къалли хIура? Заманали хIечира уркIецIихIебирули балан? Ге, лебри хIелара манзил! УбатурхIели гъярцIа мурчIгъуна сабри, дягIли уфбарили сунес дигуйхIи булкIахъуси. Гужли алкъуси зягIипси дурхIяличи мешули ахIенрив хIу итхIели? Гъачам вайберх къачали хъурсбухъи кабикахъибсири, кIинайс чиларил ца пинцIукъли байлизибад бячунсири. Амма хIезир жан рурхъулри, мицIирбиэс, гъаваличи ахъбиэс цIакъ лебли буилри ... »

Халид скамейкаличи кайиб, цIуба юртличи хIерра атIахъи, сунесцун гIячихъти пикрумала дунъялизи арякъун. Чили бала, се гъанбикунли лукъулрил илала бекIлизир? Белики, илини цIуба юртла мерлаб муртрил тIашбатурси хIеркIла журуга къаркъала биштIаси хъали чебиули урги? Цайбси мактабла хъали, сунезирра илини алипуни делчIунси, гIур бузерила гъалар-гъаларти гунзри кацIибси. Яра илис гъанарули бурги бай дугели ил хъалила чедиб ахъбиубси лами. Се хIебири ит къаркъси манзил? Вай барес, дурхIни хIебучIахъес хIукуматличи къаршити къачагъунани ил цIали бигубсири.

Дубурла гIелабад берхIи уруз-хIяцIли гъаббакIиб, цIуба юртличи нур чахъдухъун, хъярла галгала къялуби шаладиуб, ухъна Халидла дяхIличи гилдидухъун. Савлила лехIдеш дурхIнала тIама-гъамали ва дукелцIили буун. Камси гъатIи, школала юрт мирхъила тIакъаван зайили бучIесбииб.

Халидли скамейка бархъбатур, хъуцIрумачи гIяба балбариб.

ГIур, вакIибси дякъкад, гъалавван къалабахIейкIули, ганзухъун. Чарулхъулри Халид-ази хъули, сунела гъар бархIила чебла ахъибсиван. ЧIянкIли илхIели илала ахъси къаралди гъатIира къямбизурлири, чIукъати дяхIличир шяхIрумиди гъатIира мурхъдарибтиван. КайцIути гунзри гъатIира багълатири. Юх, ил гIелавяхI ласирхъули ахIенри, чизивад-биалра урухкIули ахIенара или гъанбикесли биалра. Белики, ил урухкIули урги ахъибси дякъличи ласяхъес, гIямрула шям кабурхули ахIенара или пикриухъес. Сен биалр, гIямру чинилра тIашаэс хIейрар.

Дубра ватурли, Халид белкунси къалтла дивайчи хъарихъун.

Столличибси дяхIимцIайзи хIеризур: муцIурличир бурбуниван гъез гъардакIилри.

ДиштIати чарх-бекIла регI илала хабчаб Хибайли къям-кIуцIул умудирулри. Читла гIянайчи кариили, гъайхIерикIули сунела хIянчи бирулри. Иличир цIудара хIевара чуткъара сарри. Дусмани урцIакарарибси Хибайла дяхIличиб чехъерихIелла цацун лишан сабри калунси: ляжубачиб хIунтIендешла лямцI, – илизира хIила гъярцIа тумани хъанцIдеш гъудуркадарилри.

KIел бухъна адамли яшав бируси хъали я бацIли эс бацIли ахIенри, я илаб селра имцIаси бугаги. ЧIябарличиб – балала чIянкIа, гIямзилаб – мегъла пичъ, лацIла бяхIличир - чумал жявхIелла сукура, диван, стол, KIел ута. Гъайла къантIа, чус хIяжатдиркути гIядатла гIягIниахъала. Халид хъарихъунси дивайчи чекабаили жузала къасира лебри.

Хъулибси лехИдеш Халидли буун.

– Газета-мага белЧес биалри, дила хуху, ишкьяйда анцІкьи челяркьутиван саби.

– Гъя, тамай гІякьлу барсбирули калигу? – бекІ ахъбуциб Хибайли. – Гъаргаларад хъули арацІайчи пикрибарибси хъумуртулра. Астагъпируллагъ! Гъари хІеръа къасиличи!

Халидли жузала къасиличирад дергурти газетабира кагъарра касиб.

– Кагъар чила саби, хуху?

– Нуни сели багъиша, дила Халид? Камлив гъатІи хІечи кагъар бархъести? ХІела мутагІялимти гъанна шими-шагъуртази тІутІукабиубли хІябрабегІ бургар.

Ухънани шишала хІулби къянкъличи гугдатур, хІябмузан муцІурла бегІ мухча хІербариб.

– ГІярмицла кагъар саби. гъари чи саял набчи лукІуси?

Азир баркалла диабгу ну гъаникахъибсилис! Илини кагъар хІулбачи гъамбариб.

– ВяхІ! ИшкІун гІядатла ахІен. Дурала улкализибад, Афганистайзибад, бархъибси саби. Манапов Малик ... Манапов ... – пикриулхъули илини андаличи хъат чебуциб.

– Загъидатла урши хІейалли? – рикІар Хибай. – ХІябал бархІи гъалар чераира, кІантІиракІили лерри, урехила улкализи урши арукили сай рикІули. ХІебалас, сен дургъби таманхІедирутил?

– Дургъби тІашдизурси манзил лебси ахІен. Нушачир хІедиалли, цархІилти улкназир дирар. Вайти адапти лебли илди гІурра тІашхІедилзан. Гъари, сейкІулил Малик! Сунес хІялалдиъ, дебали духуси урши вири.

Халидли мухча гъаргбариб. Хибай, къям-кІуцІулра дархъдатурли, лехІахъес хІядурриуб.

«Ассаламу гІялайкум, хІурматла Халид Пашаевич! ХІедра саламти диаб, Хибай-аба! Чердерхирая иш кагъар хІушачи бархъили или, сенахІенну гІядатла салам-каламличил цалра гъалаб белкІес дила гІякьлу хІебаибну. Чевверхи, дила ахІерси учитель, эгер ну хІушаб диргалаухъи виасли. Бархъли бурасли, вахъхІи калунра пикриикІули, белкІишара хІечи иш кагъар яра лехІкахъили уишара викІули. Амма шилизив дила дард буреси ца неш ахІенси гъамси адам агара, илра зягІипли кІел дус ухъалар сари. Хъаллариубси рузи Салимат, хІушанира балуливан, шагъарлизир сари. ДудешличилакІун селра хІебурасра, Халид-ази, хІунира гъар секІал далулри: нуша дархъдатурли, урус хъунул кариили, Украинализи арякъунна бархбас лебси ахІен. Дила децІ аргъеси, наб кумекбареси хІу сайри левси, хІурматла Халид-ази. Асубири илди дугъбачил хІечи лагхІейзесра, рахли иш балагъла мерличиб къуллукъбирули хІейасри. Ишаб кахси аги саби. Хабуртазибван ахІи, хІулбала гъалаб кабуршутти ва бирхъути юлдашунни чебиулра. Афганиста душмантани ламартла хІярхІуби челкъули саби. Даг дила бегІла гІяхІси юлдаш къумукълан Мурад кавшиб. Савли авлахъкад дуцІдарибхІели, илала хъантІализи хІярхІя чегиб. Дила хІулбала гъалав набчил чумилра дуги ихтилатикІули калунси юлдаш жаназаличи шурухъун. Юх, гъанмабикаб хІед, Халид-ази, бекІализивад урухкІули илкьяйда викІуси сай или. БекІа гъар инсайчи башуси биъни балулра. АнцІбукъ цархІил саби. Баягъи ил хумарси

бархIехъ нуни шилизибад кагъар касира. Бахула рурси Магъиятличибад. Селис хIезибад дигIянбируси? Ил дила гелешмеш сари. Нуша дарх дучIира, дарх ца парталичи кадира, диштIали лерай цалис ца дигахъира. ГехIел класс тамандарили, ил Магъият медучилищелизи ручIес карерхурсири. Ну биалли иличивад гъарахълира. Магъиятли гъаларра набчи кагъурти дурхъутири, амма илала бегI гIергъиси кагъарли дунъя цIудар-цIяббариб. Сен викIадли, бегIта ил бекI тухтур Мансурла урши Набис гужли хъалларарес пикрибарили саби. Магъиятлис Наби хIейгахъни балулра, илис шери рукъесичиб илини бекIа гъалаб чебиу. Амма, Халид-ази, илини набчи белкIи сари бегIтала амру таманбарес чевкъули саби или. Сен Магъият илкъяйда рикIусира? Сен ил сунес хIейгусилис рукъес рируси? Дудешлизибад урехили ахIенара? Юх, наб нуни жаваб лугулра, сенахIенну Магъият илгъуна рурси ахIен. Наб ураркьибси хIериалра, нуша декIардиркухIели, вягIа барибсири. Чисалра хъаллахIериэс илини гъай гибсири. Цалра рурсиличи хIулби хIерхIедарес нунира чесибсири.

Ил кахси хабарли дила дяхъурбачи зе писдирули саби, михъирлизиб уркIи карилаб бехIцIариван буцIули саби. Дергълизив кIийна вяхъилра, кIел баз азарханализив калунра, я ил секIал нешлизи хIебагъахъурра, амма илгъуна къутIкъудеш хIебиуб. ХIебалас, жагIял се хIерлил. ХIу викIуливан, вегIичи челябкъуси балуси виалри, адам хIериэс хIейри.

ХIурматла Халид Пашаевич! Дила цаибси учитель! ХIу шилизив гъай бузуси адам сайри. ХIела хIурмат буэси чи-биалра лев бикIулихъар, вирхаэс хIейрус. Тилади саби, ахIерси Халид-ази, наб кумекбара. Рерцахъа наб ахIерси Магъият гъанагарси балагълизирад! Ил агарли нуни гIямру деркIес хIейрус. Илцадра наб дигуси сари Магъият. Вирхаи Халид-ази, илгъуна бусравличил хIечи дугъайзес наб гIядабли саби. ГIур се биру? Урезили игулихъар, уркIили хIелтулра. ЦархIил селра вирули ахIенра. Ну варкьибси нешла дила мурад барес ахърихIебикIур. Иличи Магъиятла бегIти лехIра хIейхъур. ХIуни бахълис гIяхIдешуни дарри. Мабалтад мусиб дила тиладира. ХIедра хIела Хибай-абасра гIямру керхайчи суждаикIес хIядурлира. Арали датабая!

ХIурматличил хIела мутагIялим Манапов Малик».

Халидли шишала хIулби черасиб. Хибайли хIевала хъарличил хIулби ушкулри. – Абас ват, секъяйда децIлизиикилил?

Хабчабла дугъби Халидли сунеласун аргъиб. ХIязлис ахIенригу илини вецIну шура дус цIудара палтар дарсхIедирути? Илис чула урши, чула цайли ца левси Амир гъаникилри. Илини къалли, бархъли буралли, уршиличила гъеч хъумуртулира хIерурги. Бахъ гъанагарси бяхъли бара хъилизирти Амирла гIямру дайдахъибтири. Ил шагъарлизив учIусири. Курс таманбируси бегI гIергъиси дус чиларил цIадикибси юртличи къаршиикилри. ЛамбикIуси хъулибад кIел дусла ва авал дусла дурхIни берцахъили, сунела жан къурбандарибсири... Сецад дусми ардякъи диалра, хухула дяхъи сагъхIебирулри. Рахли шилизив жагъти гIямрула чи-биалра вебIалри, Хибайли бялгIяличир сунела Амирлисгъунти биса-яс дирутири.

«Сабурбара, дила Хибай, нушаб къудратла вегІли илгъуна бурги белкІунси, – маслигІятикІи Халид. - Бисали мицІирварибси левси ахІен, яхІбара. Ванзаличиб акІубси гъарил мицІир жан жявли яра къанни ванзализи кахІеберхес гІямал агара...»

Хибай аризур, капарра гъяжбарили пикрумази илхІунси ухънала мякъла дивайчи карииб. Мурхъли гъигърухъун.

– Гъу, се бирида? Халид? Ил уршиличи дила уркІи къакъабакІиб.

– Селра. СейкІусил, хуху, пикрибарес гъамадли ахІен. Илгъуна тиладилчи чилра набчи дугъаизурси ахІен.

– Абас ват, секъяйда къакъавакІилил? Нешлизи буресра виубли ахІенгу?

– Ухъаларси Загъидатли-декІар се бареса? Ураркъибси рурси дила уршилис ратирая рикІес хІерирар. Бисалира шишимтанира къацІурцу.

– Баху къалли вайсигъуна кахІерилзан, вачар-чакарлизи пархилихъар, Аллагъличи рирхуси сари. Белики, ил селра хІерикІес?

– Юх, дила пикрили, хуху, илини гъар секІал делчІи бекІдарили сари.

– Рурсила дудеш Гирай ахІену гъари?

– Гирай сай, колхозла бригадир, варскъа адам сай, ца гъайличи чекалзуси. Илизи аргъахъесличиб, хІила душмайзи гъамадли вирар.

– Сен или викІуда? ГирайкІун дила тухумлизивад сай.

– Тухумдеш, рухъна, илини бячунси кІалтІализи халхІейру.

– ГІур се бирусира? Сен адамти илкъяйда къяркъти бетауртира? ВегІла дурхІни талихІчебли сен хІейгутира?

– Гъанна бахъалгъунтани талихІ мас-хазнализиб яра даражализиб саби чебиуси.

– ИлкІун бархъси ахІен, Халид? ГІямру деркІайчи рурси гІязабтазир кавлан.

– Сепайда гъатІи, Бахура Гирайра илкъяда пикрибикІули хІебиалли?

– Я, Аллагъ, сен лебилра гІяхІти уркІбала бегІти атхІекІубтил.

– Някъличирти тІулбира цагъунти ахІен. Адамтала тІабигІятунира декІарти сари: ца малхІямси, ца къяркъси, ца сабурла вегІ, ца къалабаикІуси, ца гІякълучевси, ца тамяхІкар... Гъар инсан биали бекІлил вагъес хІейрар: чедивад ванати яхши-хушла вегІ, къайгъичевси, гъанбикесли бирар, хІяжатбикалли михъирлизибад абитІи уркІи гъабурцу или. Гъамли тянишиубхІели, ириъла къабакъван ухІнавад шянкІиубси яра чІичІалаван агъули туикІуси.

– Аллагъли чула уркІби гІяхІдараб! Ягъари, Халид, ил уршили сегъуна-сабил дигІяндешра гъанбуршули ахІену?

– Се дигІяндеш?

– Гъари, гІурра хІеръа кагъарличи, се сабил хІергъили убкалунсиван билзули саби.

Халидли сагали шишала хІулби даршиб ва кагъар чедибяхъиб.

– Иш хІебиэс, хуху, хІу рикІуси: «Илини набчи белкІи сари бегІтала амру таманбарес чевкъули саби или... »

– Аллагъличира, ил саби ну рикІусира. Рурсила гъай хІясибли, илини бегІтала амру уббяхъес рирули ахІен.

– Илкјун гјядатла анцбуќ саби. БегІгачи кършили гъайбикІути рурсби камли кършибиркур.

– Юх, дила Халид, ил гјядатла анцбуќ ахІен. Магъятлис Малик дигахъули сари. Илкјун ребкІес хІядурли сари. Юх, юх, ишаб се сабил цІябсира кавлули саби.

– Асубирар, амма бареси балули ахІенра. Илала дурабадра, хуху, нуни гъачамалра сукникъядеш дарибти ахІен. Илгъуна сапарличир дурес гІягІнити гъайра хІедалас.

– МугІяллимли хІедалути гъай дирутив?

– ХІябилра дургар! ХІуни бура, ну чичи аркъусира? Гирайличи? Бахучи? ХІушала рурси Мансурла уршилис малугадая или? ДукарбирхІур!

– ХІебиалли, нуни Бахучил ихтилатбирис.

– Ил гІяхІсив гъатИ? ИлхІели ну мучлахІерира или, Гирай кърдаван калзан. Хъунул ахІенну, ну сайра дила кулпетла бекІ или. Аргъибти сари нуни илала чахусан гъай!

– Мансурхъали-декІар се адамти бирути? Чула урши хІейгуси рурси гужли леркути? Шилизибкјун жагатира гІяхІтира гІянтІикІаби леб. КамхІерири чучи мешуси, чула уршилис къабулси.

– Илдала чула гъанбик бургар. Чили балуси? УрхІла пикруми -цІябси вацІа саби.

Халидли газета абхъиб, серил макъала белчІес алавухъунгу, илхІяйзиб бархъбатур.

– Юх, къалабадикІес асухІебирар. ЦацахІели адам, гІяхІдеш бирулра или, гІямру керхайчи хъумхІертеси вайдеш бирули увулхъан.

– Ну се рикІиша? Амма ил секІал хъумартес хІерирус. Набра гъамадли ахІен. Маликра язихъилзули сай. Сен биишира, дила Халид, гъала-гъала Магъят чераэс биалри? Илкјун духучан рурси сари. Белики, илини Маликла кагърлизисби дигІяндешра дакІубарес?

– Марлира, ил вайси ахІен, хуху. Гъаригу кабуха дила гІяба! Даршал девличиб кацІисби ца ганз гъалабулхъули бирар.

Халидли диван бархъбатур.

* * *

Дураб гІягІямла ванадешри. БуцІарбикІуси, адамла чарх-бекІ ванадируси. БушкибхІеливан гъагултазибад умуси зак урхъуван хъанцІлири. БерхІира гъачамлис бай заки хІебаилри, илбагъандан, тяхІуси гъава гъигъбарес гъамадлири. Шила къакърбазиб, рах-махли хІязтабиркъути хъяшни хал-хІебаралли, адамти камлири: хІянчиличи башути савлил дурабухъи бузерилизи ахъилри, калунти хъулиб пяхъбикилри.

Тухтурла юртличи виухІели. Халидли гІябала хъапІни арзиб, дуклума даткаиб: михърличиб тяхІуси цІуэри гилдибухъун. ХІеблизир илдигъунти бурхІни дахъал-декІар хІедашар. Гъамли заб-марка дахъдиур; илхІели хІябцдешра, чятра, бяргІисби дягІра дакІудирар.

Тухтурти бузуси ца дерхІла юрт халаси хІебиалра, гІабигІятла къугъаси мерличибри. Илала гъалар жярла зумати къадуби сарри, илдачирад тјяйдили мер-мерлар зурла ва цІулерцІла жагъти галгуби дакІилри, сарира духъутІа ахъти кърли алавдарибти. Бамсриахъес дигутас кІел скамейкара лерри:

ца-жярла къадали бетаахъурси дяхІцІилиуб, итил-берхІила нур дархъли кайгуси гъаргси диркъаличиб.

КъутІдяхъили Халид шаласи кабинетлизи ацІибхІели, илала хІер виругІев чІярикІуси виштІаси уршиличи бархъбизур. ДяхІигъуна халгІятчерси чехъерили илала балуй някъ пардавлизи ласбирулри. Уршила бекІличибад хъатра хІяршбирули, ургарти гІямрула хъунул адамли ил паргъатирулри: «Цахли бирарну, къайики гъари! Сабурбара, хІед иш зизили бацІбиубси дармунтала шишара луга ... » Илав гІур я цархІил тухтур я зягІипси угаги. Тухтурти бахъал лебти ахІенри. Ца ухъна тухтурра, акушеркара, кІел санитаркара. Ашкарли, илди чи-биалра хъябшикибсиличи арбякъи бурги.

Къайгъиличил сунела хІянчи бируси чехъери Халидли рагъур.

Ге, ил сарри Магъият, гъамли рузес ракІибси, сунени бегІ гъалар алипуни дяркъяхъурси, Афганистайзиб къуллукъбируси жагъил Маликла уркІилизи цІадушибси тухтур рурси. Шилизиб иличила кункси някъла регІ риъниличила бусягІят хабар тІинтІбиубсири. Сегъуна исбагъи ретаурлил? Бархъли буралли, вахъхІила мугІяллимла хъунул адамти хІулбачил умцуси хасият жагъхІелира лебси ахІенри. Белики, сунес ахІерси Хибайла исбагъидешли дахъал дусми гъалар лебил хъунул тайпала къуймурдешличи дяхІцІи кагибси бурги? Сен биалра, ил чехъерила я дяхІ-някълизиб я куц кабизлизиб сипат букъбулъуси жагъал баргес хІейри.

«Гъу, гъанна секъяйда гъай дехІдирхъути нуни Магъиятличил? – пикриухъун Халид. – Се пикрибирули илини? Маликла кагъарличила гъанбуршусив ахІену? Белики, илис набзи селра бурес хІейгулиахъес? Рурси урузкІули рирар. Сунела ралликъянази яра чи-биалра хъунул адамлизи биалри, анцІбукъ декІарсири. ДакІугъаргли ихтилатрулхъи. Валлагъ, хІябилра набчи лайикъхІебикибси архІя дураберкІира. ДугІли нуни Хибай хІерархъибсири. Ашкарли, ил гІяхІил бажардиррки. Хъунул адамтани хабар-вягІдара кункли дургули бирар. Амма нуни Маликла бусрав батес хІейрус. ХІейрус, сенахІенну ил ахІмакъ уршилис кумекбарес дигухІели... »

– Чевверхи, Халид Пашаевич, хІу хІерли ватес чебуркъибну, – рикІар Магъият, уршира нешра гъуниббатурли гІергъи.

– Селра хІебирар, рурси, ну чиналра къалабали ахІенра. Ну хІечи вакІибсира... – Се изахъурли? Яра Хибай-аба зягІиприкилив?

– АхІен, ахІен, дила Хибайра вайтІа ахІен: мегъла къякъван ара-сагъли сари викІасли хІу рирххІеруд. Бархъли бурасли, гІинзирад наб шин дихули сари. Шукру Аллагълизи, кІилинра яшав бирулра. ХІу кари, рурси, иша, дила мякъла. Дила хІечил ца ихтилат леб.

Магъият гъинчІризур. Набчил дила учителяла сегъуна ихтилат бирусира рикІухІеливан, Халидла мякъла гугрииб, иличи васвасли хІерризур.

– ИшбархІи хІела хІянчи чебаибхІели, рурси, ну дебали разивубра. ГІямрулизиб хІуни хІела мер бархъли чеббикІилри. ХІечи шантI разили саби. Илдала хІурмат сархес бикни халаси игъбар саби. ЦацахІели адамли лерилра гІямру харждарилихъар, илгъуна хъул бетхІебурхули бирар.

– Халид Пашаевич, ну гапрарес жявли саби. Нуни бируси хІянчира гІядатла тухтурла хІянчи саби.

– Гъай аман гъай, лебтанилра чула чебла илкъяйда ихъуси биалри. Ягъари, Магъият, ну мекъличи живарес хъумартурли ахІенрира?

– Се?! – уркІрухъун Магъият. – Чила мекъличи?

– Хіела. Набчи илгъуна хабар баиб къалли. Чи саю ил игъбарла вегі урши?

Жаваб хіелугули Магъиятли бекі къухібуциб.

– Дила масхара саби, рурси, черрерхи. Школализир ручіуси манзил хъумуртули хіерииши?

– Асубиару гъатіи, Халид Пашаевич? Ит къалли гіяхіси замана сабри.

– Риштіахіели хіябилра сакіубси риради. Уршбачил жалрикіес чудна рукесван дигахъади. Чи сайри гъари ит, гъаман хіуни паргъатли хіелтуси?

– Маликличила викіулрив?

– Ге, ге, Манапов Малик. Гъанна илини Афганистайзиб къуллукъбирули сай. Духуси урши вири, ахіенрив?

Магъиятли хіулби гіашдуциб. Серил гъанбикиб! Илала дяхіличиб хумардешла лишан дакіубиуб.

– Бархъли бурасли, дила рурси, наб ихтилатбарес дигусира иличила саби. Черрерхи, эгер хіед хіейгули риадли, гъайра хіеили ралтари. Нура хъули чарулхъас.

– Юх, Халид Пашаевич, сен хіейгібилзуси? Малик гіяхіси урши вири.

– Нура иличи дебали разисира. Хіу шақрикіули рургуд?

– Селичи?

– Ца ити ахіен, Магъият, нуни Малик гъанушибси. Нуни гъар секіал далулра. Урузкіес гіагніли ахіен набзирад. Ну гъанна хіела учитель ахіенра, хала дудешла гіямруличивси хіела шан ухъна сайра. Набчи Халид Пашаевич или дугъарилзесра гіагніли ахіен, Халид-ази рикіадли, набра гіяхібилзан. Маликла бегігачил дила тухумдеш лерти ахіен. Амма ишбархі нуни ил уршиличибад кагъар касира. Маликли набзи уркіила дигіандеш гъаргбариб.

Магъият лехілири. Гъярціа тіулбира делсахъи, къяшмала гъала хіеррикіулри. Дяхі ціубдухъири, пикруми дархилри.

– Хіуни балули къяйда, дила рурси, Маликличи хіеруди бареси нешла дурав гъамси адам агара. Илбагъандан, ил набчи дугъайзурсира сай. Илис гъанна гіадабли саби. Ге, ге, нуни ил секіал балулра, балулра, бархіилис гіергъи дуги лябкъниван. Пикрирухъен, итаркіун гъарли-марти дявти сари. Итабси дергъ гъатіира урехила саби: дяхі-дыхіли душман чейули-ахіен, ламартла хіярхіуби чейгули сари ...

– Гъанна гіяхідеш агара, Халид-ази, чилра набчи лехіхіелзан.

– Сен или рикіуда? Бегіти?

– Бегітани ну цархіиллис гъайрарилра. Гъар секіал мекъличил тамандирар.

– Юх, илкяйда уркіагарриэс асухіебирар. Яра хіуни Малик хъумартурлирив?

– Хіерила бухінаб ил хъумартурси цалра минут лебси ахіен. Ил наб дигахъуси виъни я бегітазибад я шантазибад дигіанхіебирис.

– Эгер хъумартадли, нура хіечил ишкъяйда гъайхіейкіира. Нуни дурибти насихіятунира дугіла дуилри къалли или деціиги. Чіанкіли нуни иргъхіергъути дахъал лер.

– Хіезибад, Халид-ази, дигіандеш агара. Наб хіейгулихъар Мансурла урши Набис шери рукъес чевкъули саби.

– Сен? Бегітазирад урухкіулрив?

– Ахіенра, хіятта бегітала хіурматхіебаресра гъамадли хіебиалра.

– Чи саю имцАли кършиси? Неш?

– Неш кялли илцад къркъси ахЕн, дила пикри гЕббуцесра хЕядурли сари. Дудешли наб дигуси гъанбушахъесра хЕралгара. Нуни бурибси, гъай къянахЕбирис виклар.

– Чизи бурибси? Илини Набила дудешлизи жявлил гъай бедибсив?

– ХЕбалас, кЕел баз гъалаб ураркъес бакИибхЕели, дудеш илдачил вягИдалавиуб. Ил кали сай.

– ХЕези хъарра хЕбаили?

– ХЕурматла Халид-ази, хЕуникЕун валуси сай дила дудеш?

– Ге, черрехи, рурси, хЕкъли варскъа адам сай. Амма гъанна гужли хъаллабуриси манзил ахЕн. ХЕу кършили дурарухъес гЕягИнибиркур. ВеГла талихИ багъандан бегИтачилра варсяхъес асубирар.

– Бургар асубирутира, ну биалли рарсряхъес хЕерирус.

– Сен? Се бетаурси?

– Дила анцЕбукъ декларси саби, Халид-ази. Наб цархИил гъуни агара ... Юх, сегъуналра гъуни агара ...

Магъят кЕантИиракИиб, хЕулбазирти шинкЕадеш дигЕяндарес или, аризур. Столличибси стакайзирад шин хупЕдариб. Сурслизиб чЕумаси гЕянд каурсиванри. Халидра айзур, рурсила къутКкъуси симкъ аргъили вииши, гъамиубли илала хъуцЕарличи хъат кабихъиб.

– Вари, дила рурси, илкъяйда марикЕуд. ГЕямрулизиб арзхЕерзеси суал камли бирар, иличи бархъли бихуси гъуни баргес гъамадси хЕебиалра.

Илис Маликла кагърлизиб бекИ гъанбушили ахир хЕебурибси дигЕяндеш гъанбикиб. Ил секЕал Магъятлизи бурахъес гЕягИнилири. Белики, илхЕели илгъуна, бархибдешлизибра шаласи лямцИ багърбиэс? Сецад лера нушала духЕнар къиянти суалти? КЕелра цакъяйда къакъабакИибхЕели бииши, Халидлис ил гързаси ва шаласи тухтуртала хъулиб къакъаварибхЕеливан бизур.

– Раши, рурси, дурадулхъехЕе. Их хЕушала азбарличи ишбархИи нура гЕяшикъкайублира.

Марлира, гЕбшнила бархИили лерилра жагадешуни ванзалис эркинни гъадуцибсигъунари. БерхИили челис-че цЕа челкъулри. ЦЕуэрла гъигъра аги, тят дуцЕарти дуцЕрумлизибгъуна хъипЕдеш багърбирулри. Галгубачирти кЕарани бурги сурдатурлири. Чебаэс хамси кабизла бегИ жарлира сунела духЕянти чурми мукЕурли даткаибсигъунари. Арцанти дяхИцЕурбау дигЕяндикилри ва чула агурби заманалис гЕашаилри. Гъеч къайхЕедиркути цЕурцЕби сарри цЕяр-цЕярдикЕути, дерубти кърличир гЕяхИдикЕули гЕашхЕедилзути. Илдачил жалдизуртиван имиулира сакЕублири, сари кЕелгъунти цЕукра хъусдарили, чула улгу-минализи, журуга халаси къадаличи, хЕуреба барили датдихъилри.

– Ге, чумилра адам цЕумбухъахъунси дунъя саби иш, дила рурси, – викЕулри Халид, жарла къадала дяхИцЕилиу кайили. – Адамли талихИла ургъур сунела някъбазиб чЕумабарес гЕягИнибиркур. КЕинайс, гър секЕал диубли гЕергъи, газа някъбачи къацЕвашнилизибад гЕяхИдеш лебси ахЕн. ХЕед гъанбикес асубирар, дила ва Хибай-абала гЕямру гъамадти дурги или. Вари, вари, дила рурси, азир адамдизибад вецЕал чеббикЕес хЕейрар гЕямрула къутКкъудеш чЕямхЕебарибти. Нуни хЕушази дахъал хабурти дуру-

ли вираси. ХІедурибти сецад лера? Дила жагъдешла, дила дигаЙла хабурти ца Аллагълира, Хибайлира, нунира ахІи далуси гъанна мицІиртазив агара. ХІуни аргъибсив нушала шан букІун ГІяличила?

– Юх, Халид-ази, букІун ГІяличила аргъибси ахІен.

– Ил Хибайла дудеш вири. ХІябилра къяркъси, 'амма бархъдеш дигуси дубурлан вири, гІяпабаркъабну сунела. Хибайличи гІяшикъиубхІели, шилизив нугъуна мискин-пакъир гІур хІейэсра асубири. Ятим, цадехІцун кабцла дабрила вегІ, цацун бурдибси хІябсурла вегІ. ИтхІели нушагъунтас гъалаб мас агарти, гІелаб даража агарти или уркъубирхъусири. Чина хабарри итхІели велкъунси ГІялила Хибай наб къадаррирар или?

– ХІушабра диргалабулхъути биубу?

– Илди се заманалра лебти саби, рурси. ХибайкІун балугъхІераили, лерай шила Советла председатель Дабайла урши Бадирхайс гъайрарибсири. Дярхъла зехниличир суррухъи гІяндриркус, амма Бадирхайс хІякъяс или, – хъямариркъули рири Хибай набчил цугрикибхІели. - ХІуни дила дудешличи хІела гъамти бархъа. Белики, дудешла михъирлизибси миъра бацІесну? Пикриухъесну? Ну илис дигахъусира, ну дудешла цацун рурси сарра. Шел узила ца рузи. Наб вайбиубли дудеш хІевъар ...

АхІерси Хибайла гъайли ну-декІар паргъатли валтирав? Хъярхъикира дудешла къариган ГІусман-азичи. Иличив гъамси адам гІур шилизив аги. Ил лехІизур, пикри-пикриухъи иб: «Председательла уршилис гъайрарибси рурсиличи ну сукни урхъулрав?! ХІу мехІур-мага виублирив? Яра ну мехІурлизи халирулрав? ИлиникІун нуша шинна кІантІван дунъяличирад къел-хІерзи агарли детихъахъура. ХІедлайикърикеси рургехІену, паргъатии!»

Чарухъунра бацІси хъули, тят мутІрусли уркІи къис-къисбарибсиван. ГъатІи чила кумекличи аркъусира? Агара гІур уркІи аргъеси, наб гІяхІдеш бареси адам. Ца анцІбукълизиб азир урхІла насихІятличиб, вегІла ца пикри гъалабулхъули бирар ибти дудешла дугъби гъандикиб. Ва ну лямцІгъуна гъанбикли хъулилад гъавяхъира. Чина арякъунара или гъанбиркура хІед? Ге, гІе, баягъи букІун ГІялила юртлизи. Ил дила гелешмешла чІумаси дудешличил дяхІ-дыхІли къаршиикес. «Ил хъуливалра варгасри, къудратла вегІ Аллагъ» – улгулри ну,сенахІенну илкъяйда къасличил адам дураулхъуси гъачамцун вирар. ИшбархІиван гъандиркур букІун ГІялила зурба къаркъала, цІудара берхъибси муцІур, ургиван бугаси хІулбала хІер. ГІялила хІулбани набзир хІярхІубаниван тІярхъуби далтули дургар или гъанбикеслири.

– ХІурмала ГІяли-ази! Наб хІела рурси Хибай дигахъулра. Илис- нура. Дила хІечи вархъеси адам агара. Илбагъандан, ну вакІилра. Дигалли хъяблавяхъяба, дигалли дила мурад бара. Хибай агарти гІямру нуни гІямрулизи халхІедирис!

Дурира илди дугъби. ХІебалас, ахълирил гІяшлирил. Дила хІулби ГІялила дяхІличирад сари-сарил ириличи баршибси ханжайчир тІашдизур. ХІерлири, мурт илини някъ ханжа арличи архул. Камси манзилла лехІдеш илцад бухъянбитІун, хІятта хІяйна бархІи-дуги дарсдиуб дургар или гъанаур. Рахли ГІялила тІама къукъуван зайбухъун:

– Эй! Караахъа иша Хибай!

БукѲула кѲанали дайхъу дяхѲ кѲапѲдарибси, урехили каркарли руржуси Хибай араѲиб. Дудешла гъала, аллай-баллайла къяжаван бекѲра къухѲбуцили, тѲашризур. Бархъсив иш гѲулухъала хабар? – къяркъли хъарбаиб ГѲялини рурсилизи.

«Се иру Хибайли? Рирару бархъдеш дудешлизи гъаргбарес? Биубсира илгъуна анѲѲбукъ гъаб-уб? ГѲур се биру ил къяркъси адамли? КѲелра кадуршурав?» - ѲѲумбикѲулри дила урѲи.

Ну хѲерли левли, хапли Хибай дудешла гъала ѲѲябарличи къукъмусрикиб.

– Бархъси саби, дудеш, амма дила ари хѲезиб кавлан, – аргъира нуни Хибайли шивѲѲивдарибти дугъби.

– ТалихѲчерти диаб, жагъилти, хѲушала гѲямру!

Илгъунари кайзурси букѲун ГѲялила наб гъанагарси хѲукму...

Магъиятли багъур хѲяна учительли жагъдешла хабар ца ити бурибси хѲебиъни. Ил иличил урѲиѲгъаргли, сунела рурсиличилван гъайкавхъири. Ил вакѲнира гѲядатла адамли хѲебареси баркъудири. Вири къалли Халид-азира паргъатли Хибай-абала мякъла виаркаѲэс. Саригъунти бучѲанти илала гѲямрулизиб даршанира азиртира биуб. Амма ил урѲѲличи урѲѲиизуси адам сай. Чис-биалра гѲяхѲдеш барес бикалли, бикѲули бирар иличила, Халид-ази дубураѲад виуси сай.

Магъият, хъисхъала душилизи тѲентѲван, пикрумази рархилри.

– Чебиулрив, рурси, се бетарулил? ХѲечиѲун ахѲен дигайла анѲѲкъи лагдизурти.

– Халид-ази, ну къабуллира хѲечил, я Набис шери рукъес къас агара. Биалра, нешли бурибси хъумартес рирули ахѲенра.

– Нешалра се рикѲара?

– Нуша, рикѲар, ахъес хѲейрусѲи чеблалиурра Мансурхъала. Илини дила жан дерѲахъибти сари.

– ХѲерагу ца, ил секѲал нуни балусѲи ахѲен.

– Ну итхѲели бара шел дусла гѲямрула рурсѲири. Дудешли мазала дурзамличил рарх дуки рукибсири. Ит нушала шиличи бяхѲчиси КъапѲа шурла бяхѲлизи гѲяѲкадиубти маза ласдарес араѲибсири. Къардрухъунрал, се бетарурал хѲебалас, къадала бяхѲкад геррухъунра ... ГѲур бегѲ гѲергъисѲи гъигъличир больницализи раахъира. Баягъи бекѲ тухтур Мансурли бебѲлала къялшубазирад рерѲахъили калира. «ХѲу гъачам нешли раркъири, кѲинаѲс Мансурли жангибти сари. Илдала урѲилис шери ахѲенну, илис къурбанриэсра лайикълири», –викѲар дудеш. Халид-ази, илгъуна чеблалиуртира нуша Мансурхъалас.

– ГѲе, иргъулра, рурсѲи, балусѲилис гъарил гѲяхѲси баркъуди чеблаван кабилзан. ЧѲянкѲли анѲѲбукъ ца шайѲибаѲѲун хѲербѲирес асухѲебирар. ЗягѲипсѲилис ва дяхъи-хъаслизи викибсѲилис хѲеруди барни тухтурла чебла саби. ИлѲѲун илала хѲянѲира саби! ГъатѲи сѲилис гѲягѲнѲити тухтурти? Юх, ну къабуликес хѲейрусѲи.

– Нура илкъяѲда рикѲира дудешлизи. ЛехѲра хѲехъиб. Валлагъ, викѲар, нуша ѲѲахмадирабану, къабулрики. Шантанира лягѲнатбуршу нушачи.

– НехѲакъ или викѲусѲи сай. УрѲѲла балагъличиб вегѲла талихѲ лушусѲи хѲебирар. Мансурлира, илѲѲун гѲякълучевсѲи адам сай, ил пѲкрилизи касес гѲягѲнѲисѲири. Масала, хѲу Набис шери аркъяд. Илала ва хѲела бегѲтала мурад бетурхар. ХѲед сѲван бирара? ХѲебиалли, Маликличиб се гѲяѲиб леба? СѲн

ил талихІлизивад мяхІрумируси? Сен иличи анцІкѝи хьурадирути? ХІу рерцахъес хирург ветхІеъни багъандан? Илала Набилагъунти бегІти агни багъандан? Юх, рурси, ил бархъси ахІен.

– Илцун биалри, Халид-ази? Маликла бегІталара дила дудешлара ургар душмандеш лерли кали сари.

– ДугІла гъай сари. Се душмандеш дирути байхъу даршдуслис гІергъи? Нуни илди далути сари. Далутицунра ахІенну, дила хІулбала гъалар детаурти сари илди къалмакъар. Маликла хала дудеш Магъдили хІела хала дудешла узикъар ХІябибуллагъ кавшибсири. Хъунул адамлис бурибси дев багъандан. Илгъунари замана. ХІела хала дудешли чеббицІибсири ва ханжай шинкъанир Магъдила чархлизи авцали дяхъи дарибтири. Дяхънушани Магъди сагъварибсиригу, вахъхІи кахІели вебкІиб. Илди жъавхІелла гъими-къясла палда гъанна уфдирес асухІебираргу?"

Хапли Халид, бурусира къябаили, рурсиличи хІеризур.

– ХІу къалабали хІериши?

– АхІенра, Халид-ази.

– ХІебиалли, рурси, лехІризи. Набзи дила хала нешли, сунела бунагъ-хатІа урдуц, вацІализи дургбачи укибхІели бурибси хабар гъанбикиб. ВацІала дублаб гъятІбиълумачи шуркабухъунси махъи леб. Илаб хІеркабирули калири кІел дубурлан. Хъалибаргуначил, мицІирагличил, хъу-къадаличил, даршули, ца къумур-алав кабирули, бархІехъуназир буркъунзаби дурадуркІули. ХІера, илдазивад цала уршили дуки дукибти къачна итилла хъу берги саби.

«Ягъари, илкъяйда бирару гъатІи? Сегъуна зарал барили хІела уршили нушаб? – сабур хІебаили, вачавархили сай хъула вегІ.

«ГІур се биру, узи, хатІа нушачиб сабину, зарал чарбирехІе», – викІули сай итил.

Ца баз дикибхІели, баягъи ил дубурланна рурсили шадир рякъунхІели унрубала къапу гъаргли датурли сари. Савлилис азбарлаб бецІли кабушили эмхІе баргили саби.

«Чебииду хІела рурсили се барилил?» – чевхъи сай иш яргалис ил хъула вегІличи.

«Къапу дягІлира гъаргарес бири, сен къаркъли челхъусири?»

«ДягІли ахІенну, хІела рурсили вай барес гъаргли датурти сари. ХІушаб баресира камхІебирар...»

ДехІдихъили сари кІелра дубурланна ургар къиж-къуж, къалмакъар. ГІур къалмакъар хъалибаргуначира даили сари. Душмандеш биалли, тѝп дерубти хъачлизи алкунти цІаван гІяйдикІар, эгер чи-биалра гІякълучевси адамли тІашхІеалли. Гъачам къанси дуги сунела дурхъибад унц бигІи аркуси унрала уршиличи хъа вегІ чевакІили сай ва бурхІили ханжай ил кавшили сай. Уару гъатІи паргъатли илала дудеш? Ца дила кавшибхІели, кІел хІушалара агарбирис или, илини аршила маргъличибти кІел дурхІя кабушили сай. Ил анцІбукълис гІергъи кІелра дубурлан цализибад ца алхи саби. ГІур ил махъилизив кІелра хъалибарглизивад цалра къам даимбареси кали ахІен.

Чебииду, рурси, илдигъунти сари душмандеш. Набзи итхІели хала нешли бурибсири: «ХІед вайбарибсилис хІу чеббицІес къалабамайкІуд. Ил хІези чевверхнила тиладиличил вакІахъес виадли - ил саби хІела чедибдеш,

хЕла гІякълула мурхъдеш.» ХЕла дудешлира, Магъият, эгер гъими-къяс гъандуршули виалли, халаси хатІа бирули сай.

Халид лехІахъиб. Илини газа някъличи гачбикІуси жярла кІа къяббариб ва хъатлаб гъяжбарили лайбакІиб.

ХЕрила замана биулри. Халид-азира Магъиятра лебси дяхІци бацІибсиван къантІабиублири ва гъанна илди кІелпра берхІила нурли ясирбуцилри. Халидли гІурра серил бурес или мухІли абхъибгу, валкъхІеур. ХІярила мякълав цайкъяшмар, урши вагъариуб.

– Зизи Магъият, нешли дармайчи вархъилра!

– БусягІят ляркъясну, тІашизи, – иб илини, Халидличи се бариша или хъарбиухІеливан шурряхъили.

– Рукъен, рукъен, рурси, набра арукъес замана баили саби ...

* * *

– Азир баркалла диабгу, Хибай, нушаб гІяхІдеш дигули ракІнилис, – рикІулри Загъидат, сунечи хабурти дурес ракІибси Халидла хабчаб гІянайчи карирахъес. – ГІяхІти адамтира камбирули ахІен къалли? Чумал бархІи пІякъбикеслин бекІ изулри. ИшбархІи савли ахІи хъали умубарес хІериубра. Ца игъбар, Салиматли иш Написат набчир кумекбарахъес ратнилра. ХЕбалас, гъатІи се гІямал бирусирил? ВецІал дус риубси рурсила рурси хала нешла мякъла гугкариилри ва балала гъимиртазибад динди бумхулри. Чучи ракІибси хухучи рах-махли шала хъанцІа хІулбира хІердирули, къайгъиличил диндилизи вава някъишбирулри. Илис хала нешли сари гаприрухІели гІяхІбилзулри.

Чераэс Загъидат хъябшлисарисехІейри, дицІибтихамха-бекІливацІерхъти дяхІ-някъли рухънадецІа лишанти дигІяндирутиванри. Амма рицІибдеш демдри сарри, къяшмала лигуби пІякъдиркутиван изутири ва, чумал ганз кацІалри, ухъаличи хъаррилхъусири. ДуцІрум шадир ракІибси Салиматлис нешла кабиз гІяхІхЕбизур. Илис кумек хІяжатлири, сунечи шагъарлизи геч-риэс къабулхІерикибхІели, иличир рурси ратурсири. Написатли, шилизисби школализира рашули, чаррухъунхІели хъали-цІала хІянчира дирулри: шин дихулри, азбар-гІяя умудирулри, цацун къачас ургубаларад къар дихулри. Акъуси замана хала неш иличил хабуртази ихъи. Написатлис хала нешличиб гІяхІбизурли бишиши, шагъарлизи нешхъалачи чаррухъес хабар аги. Иличи хъарбикисби ца гъатІи хІянчи лебри: жумягІли гъачам гІярмиялизивси адавзи Маликличи кагъар лукІусири. ИлхІели хала неш гІерругъусири, ил лукІусири. ХІуни дурути ит кагъарлизир лертири къалли, хала неш или, ил сураврулхъигу, Загъидатли, гІякълуми чуйна дуралра дуркъдирути ахІен или, кагъар даимбирахъи. БархІехъ Написатли телевизор бузескайи. Хала неш пурхуррикІес рехІирхъи: «Бунагъла секІайчи хІермарикІудну, дила хабуртачи лехІирхъен». «ХЕръа, хала, неш, гІяхІси кино леб. ХІуни урус мез хЕдалухІели, или рикІусири» Написатли, гъайгъай, се багъандан гъалар чучи хІерашуси хуху ракІибсил балули ахІенри. Илала шалати дяхІра, ванати дугъбира, сунела адавзи Маликличила гІяхІти гъайра иргъухІели, ил хала нешгъуна малхІямси хъунул адам риъниличи рирхулри, ва илдани бурусила мягІна аргъес къайгъилизирри:

– Маликка кагъар белчІунхІели, хІуни селра балули хІерургар или гъанбикиб. - рикІулри Хибай. - иличила нешлизи бурибси ахІен викІулригу?

– Рирхаи, рузи, бурибси ахѐн. Хѐуникѐун нешла уркѐи балад, чилилра хѐбурилихъар, ну шакрикира. Жъвлѐил, школализив учѐухѐели, илди цалис ца дигули биъни багъурра.

– Уршилис дигуси рурсиличила сен чизилра гъанхѐбушили руадив гъари?

– Чизи бурусѐири? Нукѐун Гирайхъалани унабурхѐличира атхѐрицѐахъаси.

– Магъиятличил гъатѐи?

– Магъият сари лерри набчи ракѐили. Жан мургъили делкѐабну сунела, рахъ ахѐмакъ рурси каризур. Уркѐи сунечил арбухиб.

– Ил хѐечи ракѐибу гъари? .

– Ге, хѐябал бархѐи гъалар лерри. Ил гъарибличи уркѐецѐидухъун, дила Салиматличир гѐахѐризур. Чис гѐахѐерилзана гъари, вегѐла урши дигуси, иличи къайгъилизирикибси чехъери?

– Сен хѐечи ракѐибсири, рузи? .

– Уркѐила дард бурес. Набис гужли хъаллариурла рикѐули, симкърикѐескарииб. Набчи хъябруцрикили лерилра хабурти дуриб. Нунира биса тѐашаэс хѐериубра. Сен асухѐебирусил ил дила Маликлис къадарриэс?!

– Магъарла къел чилилра белгибарес хѐейрар, Загъидат. Чили балуси, къудратла вегѐ сейкѐулил? Белики, Маликра Магъиятра барх бетаэс?

– Гъай аман, биалри! Илкъяйда хѐебиалли, дила уршила уркѐи бялчан къадин, – кѐантѐирикѐулири Загъидат.

– Вари, рузи, вайси гъанмабиркахъид. Дила Халидра илдигѐевли сай. Бархъли бурасли, илдас икъалабарес савли дуравхъунси сай.

– Я, Аллагъ, аралѐи ватаб сай! Хѐела Халид гъари шѐла багъа сай. Игъбарла регѐ сарри, рузи, илгъуна адамличил дарх гѐямру деркѐес къадарбиубси, набчигъуна мусибат чехѐебѐикили.

– Ит Манап бѐхъибси дугѐрухъли кумек-мага хѐебирулив?

– Чина хабара? Хѐукуматли алиментуни или арц лугули саби. Илди арцла-декѐар се хайри бирара? Я уршилис я рурсилис, цадехѐ палтар дархъес хѐейубгу? Хѐу пѐкрирухъен, Хѐибай, ну хѐейгули ил аръякъи виэс, дурхѐни къалли сунела саби, шери аркъухѐели барх хѐебукира. Илди сен урхѐлаван лайкабѐкути? Илдачѐиб се гѐяйиб леба?

– Уркѐецѐила вегѐ гѐеввиур илис.

– Сепайда, къанни, гѐеввиулигу! Раргили мятушкара гъавухъун. Гурдала макруличил риргѐярѐирѐира. Илгъуналис бургар «мухѐли-гурда, гамуш-бецѐ» бѐкѐути.

– Наб хѐуша хъалладиубти бурхѐни гъандиркур, Загъидат. Цаличи ца разитигъунтиван дѐлзутири. Урхѐла талихѐра цѐябси кургъуна кали саби.

– Салиматра Маликра акѐайчи ил набчил вайтѐа хѐейри. Хѐу дѐгахъулри, хѐу агарти бархѐи-дуги деркѐес хѐейрус или бархѐилис верхѐна хъама-цѐама виркъи. Дацѐти гъай, наб гъан чина биркусири, мурт-биалра илини бурдѐибси хѐева къяйда лайкарикура или?

– Ил хѐяжар чинар раргибсири, Загъидат?

– Гѐярасайлизи ялчнад вякъунхѐели. Ил ахир хайрила мабиабну сунела!

– Ге, вайти хъунул адамтира леб бѐкѐар. Урхѐла муйли чусбарес дармунтани балхули саби бѐкѐар. Лягѐнат бакѐабгу!

– Хѐебалас, рузи, се бетаурал, мар саби, итхѐели дила арадешра усалбѐикѐлири.

– Юх, илкъяйда хЛебиру гьабзали: арахЕели - дигахъули, зяГипхЕели – лайикЛули. Ламусра биэс гЯгИнилигу?

– Ламус-хЯя чинарти ламусагар хяла! Черрерхи, рузи, наб иличила гьайрикЕес гЯдабли саби...

Загьидатли аризурли хутЛа печьличибси гавлибиркъуси чайник касиб. Музурбар стакантази чай картГиб.

– РитГакИи, Хибай, ца чайла-мага бержес, нахIа хурегличи хЕрухъунра.

– ГЯгИнили ахЕн гъари, ца ити хЛу чераэс дигули гьарракИбсири.

– Азир баркалла хЕед, нуша багъандан кацИбси ганзра уркЕецИла вегИли хЯж-гъазализи кабелкIаб!

– Амин, я Аллагъ, гьариллис гЯхIси къадарбираб...

Илдани ца-ца чайла бержиб. Написатра, диндра бархъбатурли, беркайзиахъиб, бехIцарла бутIара къацIбирули, ахъли хупIрикЕесряхИб.

Загьидатла ва Хибайла ихтилат убла бетуцлизи чарбухъун. Хибайли илизи сеннира Магъиятла бегIтачи, яра сари гьарракIахъес, яра чи-биалра вархъахъес маслигIятбирулри. Загьидат разихЕериркулри. Шилизиб бузахъуси гЯдат буэс, ураркъибси рурсила бегIтачи тиладдумачил рашес ламус хЛебиур рикЛулри.

«Илала дурабад, Мансурхъали-декIар се бикIара? – пикририкЛулри ил. – Нушаб урга бетухъес, нушала урши цахварес пикрибарили саби или, гьимикъяс дехIкадирхъу. Шилизиб илдала агьлу бахъал саби. ХIурмат халаси саби. Райбольницала бекI тухтурличи хЯжатхЕеркуси адам шилизив ахЕнну, унра шилизивра хЕргар. Нуша чи сарра? ДугIрухъ муруй лайкадакИбти ялгъуз халкъ. Нуша чисалра хЯжатли ахЕнра. Давла-мас агара, арц агара, хЯкимдеш агара. Уршира паргъатварили, духуси риалри Загьидат ухъала пяхърикили руи...»

Хибайла пикруми ургЕртири:

«Чина викибара дила Халид? Магъиятличил ихтилатбариб вара? ХЯбилра гЯхIси барра иш Загьидатличи гьарракИни. Гьалар сен пикрихЕрухъунсирил? Илала хЯл-гIабигIятра дилайчи мешути сари. УркИгъаргси, пикрумазиб хЕгъ агарси, черхЕеругъуси. Яшав мискинси биалра, илала уркИи сахаватси саби. Эгер аллагъли алжана чис-биалра лугуси биалли, Загьидатлисра бедлуга. Сецад уршиличи къакъаракИлил? Амма паргъатли руэс къайгъилизир сари. НуникIун чебиулра, балулра, шакрикЛулра. Чи паргъатли уалра, неш руэс хЕрирар. ХIулби-алав хъанцIдешра лер, ашкарли, дугели гьанкIи ихъули хЕрургар. КъутIкъути нургъбала хЕрзи сари. Сепайда гъатИи, иличив мурул калунси виалри. ГЯгИниикибхЕели къакъбяхъеси адам хЕйалли, гьамадли бирару? Манапли хъалибаргла багъа-ярга дукъдульули ахЕну? Гирайхъалани хЕела уршира дудешгъуна дугIрухъ саял чинл балуси или дяхIлабяхъес асубирар. Нушала рурсира лайракИли, чина гьарулхъанал ца аллагъли багъаб или буру. Баху къалли иличила гьанхЕебушили хЕруар. Я, Аллагъ, хЛуни хъуммартид ишди!»

– Улас, рузи, Мансурхъала Наби шагъарлизив ахЕну? - хъарбиули сари Хибайли.

– Илав сай, бикIар. Дила Маликличив шел дус халаси сай. Гьанна ил гЯлим ветаэс учЛули сай.

– ГЯжу рирар, къакъалар цугрикалли, хЯбилра гап-чяхIрикЛули.

– ВегIла дурхIнас вайти хЛебикIар.

– Хлебиклалра, рузи, илала бархъси ахIен. Сай хIейгуси, сайгъуна цархIил уршила гелешмеш гуж-гужли сунес кес хьулухъунси. Илгъунти бирару гIялимти?

– Дила Маликли илгъуна хIебири. Нуни балули, буребала бехIцадра илини чисалра зарал барибси ахIен. Гъанбиркур гъачам нушала азбарлабад гIяргIя бетахъали. ИтхIели Маликли школа таманбарибси заманари. Ну лагрикира, катхIел рикира, унрубачил гъайлизиризура: я чебаибси я балуси атхIехъиб. БигIи бургар рикIули суктурикIесряхIира. ИлхIели Малик викIули сай: «Гъугу, неш, диур вяв-гъав! Нуни саби нушала гIяргIя бигIунси» «ХIуни? – уркIрухъунра ну. – Се барес? Мурт?» «Нушала вечерлис юлдашуну лебри чила-биалра гIяргIя билгIяхIе» или гъанбуршули. Наб ил гIяхIхIебизур. ХIярамсикIун, неш, хIедра хIейгахъид. Ва нуни илдази нушала цIерхъси гIяргIя лебну, лебхис или чесибсири. Рахли хIу разихIериркуд викIули, бархIехъ дигIянни арбухира. Черрерхи, неш, гIур илгъуна хIебирис». Ит анцIбукъла гIергъи, Хибай, ну Маликличи рирхусира.

– Ягъари, Загъидат, рашигу ца секIал бирехIе, – рикIар хапли Хибай.

– Се?

– Дунъя булъули хIебиэсну, ца бархIи Бахучи гъардикIехIе.

Илра пачяхI хIериэсну, Аллагъли акIахъубси нушагъуна хъунул адам сари. Яра иличир кIел бекI лерлив?

– Баркалла, Хибай, амма ну иличи ракIес хIерирус.

– Сен? Ягъари селис илизирад урузкIутирав? Илала мас кебасес аркъули хIедишагу?

– Баху хъулир камли рирар, илала вачуртала архIяби дура шимазир сари.

– БархIехъ хъулир рирар. НуникIун чериулра?

– Юх, дила къяшмани ну илдала юртличи хIекура.

– ХIебиалли, ишкъяйда бирехIе: Написатра рарх кили хIу нушачи ракIи, Баху биалли нуни леркис. ИмцIякъ адамти агархIели, уркIигъаргли гъайкадулхъехIе .

– Ил релкъунси хъунул адам сари, мажахIят нушачи лехIризес.

– Сен биалра, илала къасани далехIе. ЛехIкахънилизиб-декIар се гIяхIдеша? Бахули рурсила арзу-хIял далули рургар. Белики, гъар секIал нушаб дигуливан детаэс? Гъу, се рикIуда?

– Се рикIусира? Балули ахIенра, рузи, дила бекIлизир мехIе дакъунтиван сари.

– Балулра, Загъидат, къакъаракIнила лишан саби. ХIебиалли, ну хIерли рирус?

– Баркалла, Хибай ...

– Вари, хъуммартид, рузи! Эгер хIед хIела Малик дигули риадли, ну рикIуси бара. ВегIли хIебаргибси урхIли лебхIеху.

* * *

– ХIуни хIергъили рургуд, ГIяйшат, сагаси хабар?

– Чичила?

– Бахула рурси Магъиятличила.

– Сагаси бирару Мансурхъали мекъличи хIядурбикIни?

– Гъай Мансурхъала уршиличила ахIен. Нушала хIурматла мугIяллим Халид Пашаевич тухтуртала юртлизив чеили сай.

– Се биубли гъати?
 – Се биэса, ил Магъятличил гъайкавхъес вякъунси сай.
 – Селичила?
 – Э-э-э, рузи, хІу камли шичи рашули калири, эгер гъаннара селра хІебалули риадли? Ухъна Халидли Бахухъалара Мансурхъалара ургабси бархбас пашбехъахъес къасбарили сай бикІар.
 – Къунба маругъуд, Халид Пашаевич илдигъуна ахІен.
 – Нура или рикІусири, амма, дила бекІличира, илини Магъият гІярмиллизивси Загъидагла урши Маликличи хъулрарили сай.
 – ХІябилра гІеркъаси лезми леб хІела! Нура сукъур, гІянцІа ахІенра.
 – ГІянцІа хІериадли, лехІриси шантани дурутаци. Карушасра Набис шери хІякъяс или, каризурли сари Магъият.
 – Астагъпируллагъ! ИлкІун ураркъибсири?
 – Гъаннала чехъертани, рузи, гІядатуни сигбиубси гІябуйзи дирули ахІен.
 – Сен илкъяйда рикІуси Магъият? Яра илис Наби хІейгахъусири?
 – Илгъунтас дигай се сари? БерхІи бухъунихІи дяхІихъути мучигъунти сари.
 – Ца игъбар, дила рурси адхІекІнилра!
 – Нура илкъяйда рикІулра ...
 ХІязлис ахІен гъай бурухІели, лацлара лихІби лерти сарину, сахъли диирая бикІути.

Ухъна Халидли ва илала хабчабли кацІибси ганз шилизибти мезлукъунани чус дигуси тяхІярли булкахъулри. Халакабирулри. Барскабирулри, Маликличибад кагъар касила шалгІердухъунти кІел жумягІ диалра, гъай-мезла урхамти тІашбизагарли лукъулри. Лукъулри гІинзурбала мякълар, гумайлар, къакъурбазир, шинкъбала урхамтиван жургъдикІахъули. Амма шутІни-къунби тІинтІдируси цалра адам я Халидличи я Хибайличи ит-иш или лагбизес хІебиуб. СенахІенну илгъунти адамти хІурматла Халидла дяхІцІилизира агартири. Ил цугикибхІели, ляхъабиван гІяхІулабирули, пишбирхъи.

Къанни яра жявли сагати хабурти Гирайхъалачира Мансурхъалачира хІедаэс гІямал аги. Бахули гъар секІал гъаларал далути диалра, рурсиличил ихтилат бетаурла, муруйзирад дигІяндирулри. Жиндралаируси, чухусанси Гирайла вяв-гъав хІейгулри. Хъалибарглизиб се вайси бетаалра, илини хъунуйчиб гъими билши. ДецІагести дирглума Бахула бекІ къагъбирахъи. Рахли бержили къаршиикалри, някъ ахъбуцесра гІелумхІелзи. ИлхІели Магъиятра биштІати кІел узира нешлис гъала кабилзутири. ЧІярбикІули, дудеш, нушала неш рати, илини хІед вайси хІебариб или! ТиладибикІи. Хъаллабиубли авъэсил бархІи Гирайличирад ил бегІ гъалар гъаррухъунсири. ГІур биалли дусли гъачам ца урхънази, ца хІурхъази лайбакІибтиван, декІарра бирки, цахІнара бирки. Илгъуна анцІбукълис гІергъи, чевсаргъиб-хІели, Гирай тиладиикІули, бусравикІули Бахула бегІгачи ваши, рахли гІур тІул нясбарасли урхІли кавшасгу ну или хъяра бири. Ил хъя марбируси биалри, илис чумдехІ жан хІяжаттирил, чили балуси? Бахули гъими-къяс дахъхІи хІедуи. Ил черкарурхи, дурхІни язихъбарили, паргъатрирки.

Гирай бузери дигуси сайри, илини кІел адамлигъуна хІянчи бири. Бригадир виалра, хъубзурачил варх хъу балцули, колхозла авлахъличиб бархІи буркІули вири. Тамашала адамри! ХІейгахъи илис хабар-вягІда, масхурти.

ДацІ гъайличир гъал чуду гІяхІти дирар или, рахли чили-биалра хабар вѣшбаралри, тѣйдиирки, папрусра алкахѣи, сунела пикрумази мурхѣирки. Илис хъунуй бузахъуси санигІятра дебали децІигусири, сенахІенну тухумли, хъунул вачар-чакарлизи рархахѣили, шими-шагъуртикад кѣйѣцІрикІахъули или, гІуркѣбирхъули бири.

«Нушаб гІяхІбиубли, нушала даража гІяхІбухѣи хІейгути саби хІези или бикІути, –рикІули рири Баху муруйзи.

– Бура, чи багъандан сарра ну кѣакъаракІибси? Хъалибаргличила ахІенрав? Шукру аллагълизи, ца дила кани бахес халаси лебдеш хІѣжатхІебирки. ХІуни колхозлизибад кайсусиличиб-декІар нушала гІямал бетарару, Гирай. ХІед папрусунас дедесра хІедиур. Чевверхи, хІед децагахъес ахІен буриси. Нушала дурхІни леб, илди халакабиули саби. Илдас сагати палтар, берк-берж сецад гІягІнити? Магъиятлис сецад мас гІягІнисил хІебураслира, хІунира балад».

Балулри Гирайли гІергъиси замана чула яшав гІяхІбулхъули биъни. Амма сай хъалибаргла бекІ виъни хъумуртули ахІенри ва ил секІал гъайлизиб биалра чебаахъес багъандан, замана-замана Баху урухрарес алавулхѣи.

Ит бархІи ил дебали вамсурлири, колхозла мурала гІебни лушули абзур бархІи узули калири. БархІехъ уртахъуначил цІакъталара къртгаили, хъули чарухѣири.

– Жав! Се гъай сари ишбархІи набзи дурибти?! - лѣвкъукад ѣвухъун Гирай, унабурхІиличир халати чакма чердалтули. Илини сунела занта къркѣайчибси пѣпѣйкІара бекІличиб шайчибикибси, дубани делкунси чирчара хъа гІямзила лайдакІиб.

– Гъуя, дила Гирай, сейкІусири хІу? – малхІямлн гъунираиб илис Баху. – Кайи гъари, гушиубли ургудну... БусягІят хурегра лебхис.

– ХІейги наб хурег! – хункІ пІакъасахъиб илини столличи.

Зер-зербухѣи вавни духІнабси хъаба шайчибикиб. Шин чІѣбарличи чяхІдухъун. – Чинара Магъият?

– Хъулир лер. ГІела хъулир сумахъли рушули. ѢвмайкІудну, паргъатли гъайикІен.

Илини хъаба ахъбуциб. ЧІѣбарличибад гІяга хІѣршбариб. Гирай уталличи кайиб.

Дудешла гІама-гъамаличи гІелабси хъулибад Магъиятра кІел уршира дурабухъун. Халалгъуна урши вецІну кІира дусла гІямрула сайри, виштІал иличив хІѣбал-авал дусла никІасигъунари. ДурхІни дудешличи хІерли гІашбизургу, илини лишанбарили илди хъули бархѣиб.

– Ишди се гъай сари, рурси? Ну цІахварес кѣасбарилрив? Магъият дудешличи гъамриуб.

– Чи саю, дудеш, хІу цІахварибси? Сен или викІуда?

– ХІу сарри, хІу! Иргъулрив?! Илди се авара сартив?

– Дудеш, нуни селра хІебарра хІу урузиэси.

– Ит Малик бихѣибси шаддикъличи кагъурта лукІуси хІу ахІенрив? СейкІиба хІези ухъна Халид? Набзибад селра дигІанхІебирид. ВалкІа Баширли бурибхІели, наб секъѣдалирил хІебалулрив, рурси? Ванзала ухІна керхес хІѣдурлири!

– Илизиб се вайси леба? ХІуни набзи хъарра хІебаили, Набис ураркѣахѣира...

– Се?! – вявбяхъиб Гирайали ва рурсиличи хІулби къураиб. – ХІед дигу-хІейгути се лертив? КъапІа чеббикІахъес гумайла рурхъусирив, нажас?! ХІела нуни бекІичиб ханжултала ца абилкъас!

Магъият, кІанала дубли дяхІра кІапІдарили, симкърухъун.

Гъачам муруйчи гъачам рурсиличи хІеррилзули, мякълар Баху гІашлири. Мурул левгІев жиндралавиэсгу или, ургала гІяхІбарес къасбариб.

– Сабурбара, дила Гирай, паргъати. Гъанна иличи вявикІни лайикъси ахІен. Дила пикрили, Магъиятли хІед децІагеси хІебиру.

– Иш къагъбекІли се дигара биру?

– Вари, вари, Магъият илгъуна ахІен. МансурхъаликІун мекъличи хІядурбикІули саби. Илди хІурматла адамтачил тухумдеш дарни муэрлизибсигъуна талихІ саби. Набигъуна ахІмакъ урши, дила рурси, ши убил-чебаралра, варгес хІейрар.

– Наб ил дигули ахІенра, – ляжубачирти нургъби ушкули, иб Магъиятли.

– Сен, дила рурси? Илизиб се вайси чебаири хІуни?

– Ил нуни бекІлил валуси ахІен.

– Вагъурли-декІар селис гІягІнили? НушаникІун валуси сай. Пагъмучевси гІулухъа, гІялим, хІурматла бегІти... Яра хІед гъанбиркули бургар нушаб хІед вайбиубли дигули саби или? Юх, рурси, хІела дудешлис хІу талихІчерли риахъес дигули сай. ХІед гІяхІдешлис сай гъимуркІусира.

– Наб гІяхІдеш дигули гІергъи, ну чина къалабарирусира? Аргъа, неш, наб хъалларіэс дигули ахІенра!

– ХъалицІа агарли рурси, гІямалхІебирар. Жявли дуцибти хъалицІа баркатла дирути сари. ЦІахдеш ахІену Мансурхъали гъимбукІалли? Ил мургъила някъбар адамли хІела жан дерцахънира хъуммартид.

– РебкІахъес ратасри, набчи иш мусибат хІехили.

– Мусибат! Ца хІеръаягу ишичи?! – сабурлизирад ухъи гІурра вявухъун дудеш. – Тамай мехІурриублигу! Валлагъил гІязимрагу, хІела нуни лезми дурабилтІас!

Гирай рурсиличи чІяпІулхъулигу, нешли илала михъирличи някъби гъадуцили гІашиули сари, вахъ къалабамайкІудну сабурбара или, уталичи кайрахъули сари. ГІур рурсилис бекІли лишанбарили, ил гІела хъули рурхъули сари.

– Вахъ терсмайкІуд, Гирай. Се дирути ахъти вяв-гъав? Унрубани дакъалли, чебдукарбирхІур. Ил бекІбяхъ рурсили ляв гІяхІил иргъу.

– Гъаннала гІергъи ляв хІедирар. Ца гъигъличирад черрухъабгу, къурумсакъ, бяхъили геркайис!

Гирайла дяхІ дамкъурлири, гІясили цулби къярждирулри, столличи кайхъибти хункІи сари-сарил чІумадикІулри. Сунела лугІянти някъбира хъуцІрумачирад хІяршдирули, Баху маслигІятрикІес даимриублири. Мурул дебали кепли хІейгъни балулри, ил сунела гъайличи гІашилзниличи ва ряхІятирниличи рирхулри.

– Ягъари, дила Гирай, ил Башир-декІар се гъабза вируси, хъунул адамлагъунти шинкІати мезличил хІечи лагизурси?

– Иличи къалли дилара гъимидухъун. Сайцун виалри, сурс хІебуцили хІелтира, жаргамухІ! Хъунул хъямхІнад рашахъули, урхІлис .насихІятуна угъули сай, сунела бекІ чеббикІа, усал суб. Нушала рурсиличила къайгъилизиикни Халидлара бархъси ахІен. Наб къалли ил шила багъагъуна адам гІякълучевси сай или гъанбиркусири.

– Илизира аргъахъес чебиркур.

– Ну пикриикГулра, Халидли чинар далути нушала Магъиятла арзу-хІял. Загъидатла тухум-хІейэс?

– АхІен.

– Ашкарли, дила мурул, Загъидат илдачи рякъи рургар. Ну пякъир, дила цІуръа урши, хІуни кумекбара или тиладирухъи рургар. Ралуси сари илра.

– Чини бала? Гъанна адамтачи вирхес лебу? Вайбарес бикалли, кани гушли биалра авара агара.

– Баху хъулирти диркъу-далтутази ахъиб. Амма илала пикрумазирад рурси уррилзули ахІенри; «Улас, се баралли гІяхІсира? ХІязлис буили ахІен биштІати дурхІни - диштІати къайгъни, халати дурхІни-халати къайгъни бикІути. Гъеч гъанхІебирки цаибил хъаллариуси рурси багъандан набчи ишдицад шишимти чевкъар или. Магъият нугъуна ахІен, илала тІабигІят дудешлагъуна саби. ЧехІерииду, жиндралаиубси дудешличилра жалряхъес урухкІули ахІен. ЧехъерихІели набзи бегІтани хъарра хІебаили, Гирайлис шери редибсири. ГІур къалли хІябилра пашманриубра, держлукъ, гІясикар мурул къадариубли чис дигахъу? ИтхІели, бархъси, наб дигусира левси ахІенри, набчи гІяшикъиубсира Гирай ахІи, шилизив гІулухъа ахІехъиб. Бархъсира, Аллагъ, гъанна нушани Магъиятлис бируси? Се-биалра, дила рурсилис Загъидатла урши дигахъули сари, сайра авараагарли хІейри. ГІярмиялизи укайчи къакъалав цугикалри, набзивад урузирули вири, хІунтІенирули вири. Сепайда, хъалибарглис дигайла къугъати дугъбицун даибти ахІен къалли! Загъидатла уршила се леба? Багъуди агара. Набилагъуна сагаси юрт агара. Хъулиб мас-хазна агара. Дила рурсилис давлачебти, хІурмат-хатирла бегІти Мансурхъали къадарбиъни гъарли-марси игъбар саби. ХІябилра чехъерти бургар шилизиб гъанна Магъиятличи къяскабиубти. Чи сейкІалра, ну муруйчи къаршили каризес хІерирус. Рурсила анцІбукъра багъла-багълали гъунчибиркур. ЧІянкІли Мансурла урши Набичи дила уркІи циила хІебирхули къадин. Магъият ураркъили гІергъила бархІи шадив вакІибсири. ГІур дакІуухъи ахІен. Марли, Магъиятли илала бекІ жургъхІебухъахъуну?»

Гъур-пушикІули Гирай гъанна сунела хІянчилизи ахъилри. Илала хІянчира-декІар дахъал хІейри. КисалабадцІударкабиубси, дубани ласдиубти тетрадьра дурасили, зяхІматчибани гъамли дарибти яра дарес гІягІнити колхозла хІянчила наряд хІядурбири. Илкъяйда хилтІикІули вархибхІели, мурхъти гъигъана алти, къиянси хІянчи бирули вамсурсиличи яра гІядабси масъала арзес хІейрули инжитиубси гІялимличи мешуирки. Гирай хъубзура-ла къамлизивадри, амма ванзаличиб хІячми мурхъдикили калунси ца ил сайри. СенахІенну хІябалра халати узи жура-журала санигІятунала адамти бетаурлири. Батир къисла уста сайри, Къасум хІенкъула виублири, Жамав шила почталъон сайри. Узбачил Гирайла бархбас хІярхІсири. Паргъатти хІял-тІабигІятла бегІти хІябалра узи иличибад гъарахъбаши, варскъа, къалмакъарчи, сунес дигуси ахІи хІебируси сай или сунела мерличив валти.

ГІергъити дусмала дарсдешуначи Гирай разили ахІенри. Колхозла яшав урцІакабирулри, ванза хала бегІтаван чебетаахъили хІебузахъулри. Хаслира илис хІейгилзулри фермертала хозяйствоби алкІахъни. Собраниеличив ил ишкъяйда гъайухъунсири: «Селис гІягІнити нушаб фермертала хозяйствоби? ЦабехІ давлачеббарес, цабехІ гъатІира мискинбарес. Пикрибарая нушала ургуба! Техникаличил лерил хІянчи хъараахъес вирару? Унц-уркура агарли хъубзарла гІямал бизсара? Дила пикрили, хІебирар. Ванзала ари декІар-

декларти адамтази бедалли, колхоз бехъалли, унци чили хердирути? Яра илди агарлира хъуми дузахъу диклулраив? Юх, имцати хъуми трактор абацес агарти къасурби сари. Ванзаличил бархбас лебси цалра хъубзар къабулхеркур. Ил секлал пикрилизи касес гягнибиркур...» .

Итхели баяги Гирайла къайгили колхоз калахъунсири. Кинайс, илис шанти баркалла биклутири. Ге, лерилра гягти насихятунала вегл адам мажахят къаршиикес.

Цахнар деркибти дусмани Баху муруйчи бурсикарарилри.

Илини иличил се замана секъйда гъайрикес гягнилил, секъйда вяшрикес гягнилил багъурлири. Рурсила хекълизирра сунела хулуани муруйчил цугдикнили ил уркичеррарибсигъунари.

Хянчилизи ахьбхели, мурул рахъятиъни балули, Баху иличи ритаклиб. Гъалабван уркилизи къизбухъунси гъанбикличила бурес дигулиахьиб: илис къалли гъайра шинкъайс шинван хъажатти диъни аргъесири.

– Чи гягсил, чи вайсил гъанна багъес агара, дила Гирай. Мансурхъалира лехкахьибтиван буули саби. Рурси гъайрарибхели, бархбас зумабируси ахену гъати?

– Савгъатунира хили Гяжу раклибсиригу?

– Гяжу ракли баибсив? Илала урши Наби сен хешуси нушачи? Шагъарлизи пяхъикили сай. Илкъайда хебираргу?

– Илала, ашна, замана хебургар, дучлутази вархили сай.

– Юх, дучлутачила ну селра херикласи. Магъиятличи аварагарли ахенара или гъанбиркули саби.

– Гяжаибси хъунул адам лерри ху?!?

– Дигалли хуни пикрибара. Нушала рурсила хял балухели, ил зумали къарширикес гягнисири.

– Мекъ барайчи бархбасуни гягнити ахен!

– Ягъари, дила Гирай, цали ца багъни вайсив гъати? Илизиб цахдеш агара. Белики, Магъиятла хулуанира дарседиши. Набиклун чеэс далдикибти куц-бекла, духути гъайла, гягти баркъ-бацла урши сай. Нуни балас, чехъери рурсила урки дяг бухъунихибяхл булклуси чиглягуна бирар.

– Валлагъ, ашна, хела рурси къалли илгуна сари хейкус.

– Биалра, ну Набичи ташмишрикес рехрирхъулра. Нушани рурсиличи гужбирулра, сай багъандан, сунес гягдеш багъандан. Наби биалли гъархъашули сай.

– Виклулрагу, илала акъуси замана агара. Мансур леври кандидатла диссертация луклули вархили сай виклули. Илала дурабадра, уршила хял бегтани гягил бала.

– Вари или майклуд. Нушара нушала Магъиятла хял балулра диклутири. Гъанна чебиулрив?

– Чебиулра, амма ху сарри бекл гяйибла регл.

– Ну? Набич се гяйиб леба? Яра нуни варгисив рурсилис Загъидатла урши?

– Хуни рурсилизи жявлил аргъахъес гягнилири.

– Аргъахъес ну рурсила уркилизи кахерацлрагу. Илала дигяндешуни чинар далути?

– Ху неш сарри, нешли рурсила лебси-агарсира хебалули герги, дудешли балусив?

– Гъуя, Алаллагъ, сегуна адамрил ху! Хечил гъай даргес вирару? Хебалас, мурт нуни дурути иргъидал.

– Гъари диурну, тIашаа хIела лезми. Лас-чардирути дугъбазибад чисалра манпагIятдеш хIебирар. Мансур кIибяхIян адам ахIен.

– Мансур кабизалачевси виънилис дилара ташмишгъала агара. Амма Наби гIяхIхIейзур. Магъият чераэс вакIибхIели, ил урхIла адамличилван вяшикIулри. ГIелахъулиб кIелрацун батурхIели, илини Магъиятлизи цалра ванаси дев хIебуриб. Рурсбас къалли тиладлума, икрамтира, дурхъати хъямира сецад дигахъутил нунира балуси саби. Ванаси ца девлира хъумхIертеси асарбирули бирар.

– Эллелей, хIябилра духуси лерри! Илдачил хIура ляхъиррикIули лерли хIериши?

– Дугъбира гъари дахъал аги. Пикрибарагу ... «ХIед тухтурла хIянчи гIяхIбилзулив? – викIар ил. – Шилизиб бахъал зягIипти бирару? Шагъарла гIямруличи сен хъулхIерухъунри? Илаб адамтас гъатIира къулайли саби. Ну биалли тухтурли узес хIейрира...» МехIур гъай ахIену? ВегIлис ураркъибси рурсиличил ихтилат илгъуна бирару? Илди гъай дакъибхIели, дукаррирхIули хIилхIи калунра. Яра гъаннала гIулухъаби дигайличила илкъяйда ихтилатбикIулив?

– Ил чула къуллукъ саби.

– Гъай аман, чулацун ахIенгу! Набгъанбиркусири, НабичилцугрикибхIели, Магъият рарскарар или. ХатIарикира. Илизирад, Гирай, ну урухIулра.

– Рурсилизирад? Гье-гье-гъей, урухIулра рикIуду? – дукарахIиб Гирай.

– ХIу дукармакIуд, чехъерила уркIи илбисли селичи-дигара хъулбарес асубирар. Хъумартурлирив Лашала рурси Аминатли бегIтас сегъуна пашмандеш хибсирил? Сунес дигусилис шери хIелугули или, гумиличирад гIяхIкарухъунсири. Дерцахъаба, Аллагъ, балагълизирад!

– Валлагъ, ашна, илгъуна мехIеагрти дунъяличиб мицIирли калира гIягIнили ахIен.

– Гъуя гъари, сейкIусири, Гирай? Лерси ца рурси сари. Илгъуна кахдеш гъанбикалли, чарх зер-зербулхъули бирар.

– ХIебиалли, ишди тIимир-химир зузхIедарили, бируси барили, тамандарес гIягIнибиркур. ГIяжу се рикIиба?

– ГIяжус янила бехIибхъудлизиб мекъ барахъес дигули сари. ХIядурдешра леб рикIар.

– ИлхIели Набила белчIудира таманбируси хIебиэс?

– Наби гъатIира жявли шилизи ляхкъян, бикIар.

– ГIяхIна. Даг Мансурра къаршиикиб. Илисра мекъ гIелайчи архIебухахъес дигули сай. Нушалара камси агара къалли? Ца гIяхIдеш, ишди мезлукъунала мухIлубира къяпIдирар.

– Набра ил саби дигуси, дила Гирай...


ИлхIели илдас хабарра аги гIергъила бархIи савлилис чула вягIдурти дигаллира хIейгаллира дарсдарес чевкъули биънила, сенкIун илдачи Мансурла хъунул ГIяжу ракиб. Илини сунела мурул ца базлис Москвализи тухтуртала курсаначи урхъули виъниличила буриб.

(Хъарахъуд – гIурла номерлизиб)

////////////////////////////////////

Тямурузири дуьдти

Расул БЯХИЯММАНОВ



АЙДИ МАРГЕТ БЕЦІЛИЗИ РАТАХЪНИ

Глебшни. Ну – 9-10 дуьсла гІямура дурхІя, – мазаличил дукив сайри. Рахли ЧяхІила къадаларад хъунул адамла вьвла тІама чехиб. Илар ил чериули ахІенри: къада мурхъсири ва муза гьалабизурлири. Ну хъярхъли илавяхІ дуцІухъунра. Къадала каибхІели, тамашала анцІбукъ чебаира: хІеркІла итил шайчиб бецІ гьигъбикІулри, абхъили къакъра. ХІеркІла ишил шайчир, кигъала хъябличи релси рисули Айди Маргет сарри, дила унра ва зилан. Нуни бекІличибси гулила къапІа бецІлис игъубра, «Башен!» или ахъли тІамадарра. ГІелабяхІ тІяхІбухъи, бецІ бебшиб. Мурул адамла къапІализибад бецІ урухІуси саби ибси халкъла бурала бархъси буили саби.

Ил анцІбукъ Маргетли гьаман гьанбуршули рири.

ЦА ДУСЛИ КІЕЛ КЛАСС

Ну кІиибил класслизив учІулри. ИлхІелил жагали, саркъахъили учІес балулри. Чедирти классуназиб бучІутани набзи чула жузлизибад се-биалра бучІахъули, ну учІниличи тамашабирутири. ХІисабла дурсрачиб учительли 20-30-чи бикайчи лугІурби дурахъес хъарбирули вири. Нуни биалли азир дейгІес балулри.

Цагъачам нуни учительти саби-ургаб гъайбикІули аргъира, БяхІяммадов Расул хІябэсил класслизивра учІес бажардииркур или. КІиибил класслизив ну школализи савли вашусири. ХІери эгІергъи 3-ибил класслизира вашеси-ира. Ца базра-сера илкъяйда вашира. ГІур школала директорли хІябьибил класслизицун вашахъес буриб, сенкІун илавра ну гІяхІил бажардииркулри. Илкъяйда урегал дусли верхІел класс делчІунтири.

БЯСИЪНИ

ВиштІахІелил нуни халкъла дахъал хабурти ва далуйти далира. Илди цализи цали дуруси гІядат бири. Буркъунза кабиибхІели ва иткъи акъухІели, халатанира хабурти дури. Ургубализи бузес бякъунти хъунул адамти бамсри-ахъес кабиибхІели, далуйта бучІи. Илав дукив къаршиикасри, дахъал хІяб-

кубти далути рурсбачил ну бясиира. Ну илдас удихІеркира, сенкІун халкъла далуйти ва хІякубти делкІунти дила чумал тетрадь дири, илдазирад дахъл уркІиличир далира.

Набзи халкъла хабурти ва далуйти дурчен, лукІен викІуси чилра хІейри. Амма нуни лукІира. Ну 12-13 дус виубли ургаси, халкъла хабар, далайличи шурбатурли, районна газетализи бухира. Селра хІеили, ил сасиб. Амма, дурахІенб. ИтхІели далай яра назму лукІнила тяхІурти нуни далули ахІенри.

НЕШЛИ УЧІАХЪЕС ГЪУНИВВАТНИ

1946 ибил дусла август сабри. Шилизир верхІел класс делчІи гІергъи, ну учІес Буйнакъсклизі аркъулри. Набчил барх лебри МяхІяммадов Мажидра, Шамхалов Рабазанра. Нушала ваяхІ эмхІечи кадихъили, машиналичи кадаахъес Лаваша аркулри Мажидла дудеш ГІямарла МяхІяммали. Дила неш Зайнабли, ну гъуниввалтули, иб:

– Набчивад чевверхи, дила урши. Ну хІялалратаба.

ИтхІели илди гъайла мягІна нуни хІергъира. «Сен ну нешличивад чеввурхусира, нешли наб сегъуналра вайдеш хІебарибгу!»

...Нуша хІерейс Лаваша кадаира. Илаб бахъІагарли нуша кадиэс машина бикиб. Буйнакъск шагъарла дублар нуша кадацІахъира. Педучилище лебси мер балули ахІенри. Амма дила халал узи ГІялирзахІяжини гІеббурибсири: «Где Дагестанское училище?» адамтази хъарбиэная или. Илди гъай нуни уркІиличир дяркъурра. Урус мез «далуси» ну ветаурра. Илбагъандан кІелра гълмагълис ну гъаввашира ва къаршиикибси гъарил адамлизі ил суал бедлугира. Таврумира нушара дархъли педучилищела гІяйни даира.

... 1947 ибил дусла январьличив ну янила каникултачи хъули лявкъулри. Уркарахъи аира. Илаб базарла бархІи сабри. Базарличи бакІибти дила шан 3 рурси къаршиикиб: Илди дила унруби ва зиланти сабри. Илдачил варх ну шилизи ватихъира. Илдани дила чемодан ярга-яргали гІелайхъули, набзи атхІесахъиб. «Нушазирад чидил каририду» или, масхурта бугъи. Илдас жаваб хІегира, сенкІун наб неш гъаннири. «Неш наб разили гъунириур. Сецад разириэсара? Юх, неш мицІирли хІерургар, чераэс хІебиркур... Сен хІебиркуси – неш къалли хъулир сари...» Рахли ца рурсили иб:

– ГІялирзахІяжис акІубли рурси кІер.

Нуни пикрибарра: эгер неш ребкІили риалли, рурсилис нешла у – Зайнаб бирхъу. Илдази хъарбаира:

– Рурсилис чи бихъилив?

Дила бархкъяби цаличи ца хІербизур, гІур цали иб:

– Сегъуна у бихъибал хІебагъурра.

Дила уркІи зимбухъун: «РебкІибси нешла у бихъили бургар илис. Илбагъандан хІебалехІе бикІути саби».

Узила юртра нешличил нуша хІердируси юртра мякълар сарри. Хъули лявкъухІели, узила юрт гъалаб сабри. Къаршиикибси узини ну сунечи арукира, нешла юртлизі укъяхъес хІетурли. ИлхІяйзир дила биса дурадикиб: «Эгер неш мицІирли риалри, сайра вакІили, ну иличи аркира».

ГІе, уркІили балули буилри неш ребкІни. Узила рурсилисра нешла у бихъилри – Зайнаб.

Яни беркІахъес колхозла мицІираг Ташкечу хъарахълизи гечдирутири. Иларти авлахъунира ризкъили делгІутири. ПЕбшни арши диршахъес ила букибти колхозникуни байхъалара-сера зягІипбиркутири. Диркъала гъавара, дужути хІеркІла шинра, яшавла вайти шуртІрира дубурлантас далдиркули ахІенри, берхІила изайзибад бахъал бубкІутири. Узахъес ила укибси дила дудешра вебкІибсири. Илкъяйда нешра ребкІилри. Янила шуртІразив ну вакІес хІейрар или, неш ребкІни набзи хІебагъахъурлири. ИтхІели, учІахъес ну гъунивалтухІели, гІур чехІейъни нешла уркІили балули бурги. Илбагъандан «хІялалратаба» рикІуси рурги.

Дила каникулти кадерхайчи абала хІябличи вашули, нуни далутигъунти къулгъу-алхІям дучІира.

УДАРЕНИЕ

Буйнакъсклизибси урус мезла педучилищелизи керхурхІели, нуни урус мез дебали вайтІа далулри, сенахІенну ну школализив учІути дусмазиб (1940-1946) дила учительти 7 классла багъудила бегІти бири, чулира урус мез вайтІа далути. Радио, телевидение хІедири. Учителти-ургавра цапра урус вирхІейри.

Урус мезла имтихІянничиб преподавательли набзи хъарбаиб ударение селис бикІара или. Ну разивнубра балуси суал хъарбаиб или ва умутли жаваб бедира:

– Если ударять – ударение есть.

Преподаватель пишряхъиб ва иб:

– Молодец.

Илкъяйда цаибил курслизир имтихІян дедес хІейубси ну, хІядурбируси курселизи къабулварибсири.

ПЕДУЧИЛИЩЕЛИЗИВ

1946 ибил дуслизив урусла цаибил педучилищелизи учІес керхурра. Илаб бучІес бакІити нушала районна 25 дурхІя лебри. ИмтихІянти дедес виубси цаибил курселизи урцулри, дедес хІейубси – хІядурбируси курселизи. Амма ца ну сайри училищелизив учІули калунси. Лебилра хъули арбякъун, сенкІун дуги-хІерилис карточка хІясибли лугуси 400 грамм къацІла сабри. Ца буханкІа-къацІ базарличиб 120 къурушлис сабри. Гъар бархІи къацІ асес цалалра арц аги.

Педучилищела директор Елизавета Саввина Балковаяни ну кабинетлизи живарира ва иб:

– Молодец, хІу гъавмалхъад, хІед нуни кумекбирис.

Нуни илизи бурира дила дудеш агниличила, наб кумекбарес нешла ахъри агниличила. Ил наб складлизирад лугескарииб дерубти ниъ, дерахъубти картошка, капуста ва гІинцби. Завхозлизи, базарличи ухахъили, наб ботинкуни, шалбар-хІева ва чирча асахъиб, сенахІенну набчир кабцла дабри, нешли бершибси чІянкІила (пачала) шалбар сарри. Студентлагъуна куц бакІахъиб. Илав ну кІел дус учІира – хІядурбируси ва цаибил курселизив. Урга-ургади хъулирад нукъун дурхъи. ЦацахІели гушли калунти бурхІнира дири.

1947 ибил дуслизив карточкаби урасиб, училищела буфетлизибад ца кило къацІла арцлис лугескабиб. Аги цакъадар къулайбиуб. ИтхІели рах-рахли шагъарла тукейзирад 5 кило бетІула асес вирулри. Амма ярга халаси бири.

Илав учІухІели, кѣяндеш беркацун ахІенри. Автобусуни хІедири. Меу-сишавад Лаваша хѣурали вашес чевкѣулри. Илабад Буйнакѣсклизи дехла машина биркулри. Яра хѣурали Мамедкѣалализи укѣес гІягІнилири. Илав МяхІячкѣалализи башуси поездличи кайрусире. Илабад Буйнакѣсклизи башуси цархІил поезд бири. Поездличи кайѣс билетлис арц хІедири, поездла ганзухѣуначив вашусире. ЦацахІели, кондукторла уркІеѣидухѣи, янила замана ухІна айѣахѣира. Илди кѣяндешуни чекасес хІейрули, 1948 ибил дуслизив Сергокѣалала педучилищелизи шурухѣунра. Арукѣяхѣес хІебигули, документуни хІегиб. Сергокѣалала педучилищела директор СягІид МяхІяммадовичли дила студентла билет хІясибли кІиибил курслизи кѣбулварира. УчІесра вашесра гѣмадлири. Амма Сергокѣалализира хѣурали вашусире. Аргѣла кѣянти шуртІразивра вашес чевкѣулри. Гѣчамра, январѣла каникултала замана, дила халал рузи ГІяйшатра нура янила гІянручІ Сергокѣалализи дукѣес дурадухѣунра. Халаси дяхІи барили, аргѣ ряхІятбиублири, баѣла шалари. Шаладиркули дургар или, нуша дурадухѣунра. Бутау детаибхІелира (7-8 км.) шалахІедикиб. ЗятІу ИсмагІилла шинкѣани хѣурадиубра. Чяйла бержира. Шаладикиб. Кѣукѣубачи абиуси дяхІилизир кѣяяни ганздикІули, Мугрила хѣябличи дурадикира. Иларад катхІелдикибхІели гѣунила ца шайчиб дяхІила халаси бекІа чебаира. Наб гѣанбикиб, буѣІани вергунси адамла лига-кѣякѣя дургар или. ДяхІи лайбикІес вехІихѣира, бати рикІуси рузичи лехІхІехѣили. Илабад бетІули биѣиби си гулила тавра гѣаббакІиб. Илала удир гѣаргдиуб бетІули диѣиби кІел дех. Рузизи ну викІула:

– ХІуни дихес рирусицад бетІула мах барану, шилизи чаррухѣен, ца дех нуни архис.

Рузини иб:

– Ишгѣуна аргѣлизив хІуцун вархѣес хІерирус. Ишди бетІула кѣяйзи викибсила дургар. Илгѣуна адамла секІал касалли, бунагѣ биуси саби. Нушала гѣуни буѣили дашехІе.

МулебкІила цаибил махѣилизи кадаибхІели, эмхІера сарира 30-40 дус риубсигѣуна хѣунул адамра иличил рарх 10-12 дус риубсигѣуна рурсира кѣаршибикиб. Хѣунул адамли нушази хѣарбаиб:

– Дила мурул Бутау шинкѣала вякѣи, дуги чарулхѣухІели, букІми абухѣи, эмхІе хІебашули, бетІула дех гѣунчиб батурли вакІиб. Ил хІушани чебаираяв? Тебри или, илди разибаихѣубра.

БетІула дех итхІели халаси давла сабри.

ЧАКАЛА БЯХІЛА МИЪЛАХЪ

Сергокѣалала педучилищелизи вашу-арашухІели гѣунчир кѣяндешунира кѣаршидиркули дири. Илаб хІябал кІишан дурхІя бири: ГІялаудинов МяхІяммад, Мусаев Рабадан ва гІур нушала районнизив прокурорли узули калунси Сулайбан. Илди набчиб биштІати сабли, илдачи хІеруди бирули вираси. Гѣчам илдира нура январѣла каникултас хѣули ляркѣулри. Чакала бяхІ дубурла кѣадалабси миълахѣличи садаибхІели ѣяббиуб. Нуша дашуси дякѣ миъли кІапІбарилри. Удиб мурхѣси кѣада сабри. Иларад шалгІердухѣес урехилари. Дебали бугІярли сабри. Алавчар хІярибван ѣябли саби. «Гѣу, се бируси?! ВетулхѣухІели тякухѣи кайкалли, хараба кѣадализи аркѣяд». ИлхІели наб дис гѣанбикиб. Илини дврхѣули миъ бялчули, кѣукѣубау фуфайка убуршули, халаси кѣяйчил миълахѣ ахѣира.

ДГУ- ЛИЗИВ УЧІУХІЕЛИ

1958-1963 ибти дусмазив Дагъста пачалихъла университетлизив учІулри ну. 1959 ибил дуслу январь баз сабри. Нушани фольклорла имтихІян дедлу-гулри. ИмтихІян дурадуркІулри преподаватель А. Назаревичли. Нуни «4» -ла касира. Гергъила бархІи цархІил группала студентунани буриб Александр Фёдорович хІези жиикІулри или. «Нуни имтихІян дедилра, селис хІяжати-кибсира илис?» – пикриикІулра ну. Вяхъунра. Фольклорличила сегъунарил ца суалра гили, зачетка биха викІар. 4-ла къелкабарили, 5-ла кабатур. Ну тамашавиубра. 1-ибил курслизиб набчил барх бучІути 45 студент бири. Илдазивад ну гъаникни тамашабизур. ИтхІели къалли нуша цали-ца далулира ахІенри.

КЪЯНА БАГАЛАБИРУСИРА АНЦІБУКЪ БИРАР...

ДГУ-лизив учІухІели, дахъал предметуни руркъяхъули дири. ХІера, преподаватель Агеевани кабирхъуси предмет бири дунъяла художественный хІянчиличила бурси, нугъунти шилизибад бакІибти дурхІнас къиянбулхъусири. Сари преподавательра имтихІянтачир 5- 4-ла къиматуни кадатес дебали къиркъирри. ИмтихІянничиб нуни касибси билетлизир лерри Францияла ва чидирил цархІил пачалихъла художникуначила суалти. Нуни ца-чумал балулири, амма гІяхІси къиматлис илди камлири. Наб биалли 4-ла яра 5-ла къимат гІягІнилири, сенкІун нуни чеимцІаси стипендия кайсусири. Билет някълизи буцили, ну пикриикІулри: «Ишаб нуни балути хІябал художник саби. Гъари, ишгъуна секІал бирис: нуни балути художникунала умалагъунти ахиртира дакІахъили, сагати уми пикридирис. Художникуна дарибти суратунас умира пикридирис».

Билет хІясибли жаваб бедес ярга сабаибхІели, чІумакайубли преподавательла гъала кайира ва жавабти дурес вехІихъира. Гъала-гъала нуни балутигъунти художникунала умира, илдала хІянчурбира дурили, нуни «акІахъубти» художникуначила ва илдала произведениебачила чІума-чІумали угъес вехІихъира.

– Нуни илдигъунти художникуни хІебалас, – иб Агеевани. Ну хиххІейубра ва чекайзурли бурира:

– Илди художникуначила нуни журналтазиб белчІунси саби.

«Се дахъал журналти делчІунси левара иш?», – гъанбикиб бурги илис. Дахъал гъай хІедарили, 4-ла кабатурли вархъира.

КъияндикибихІиб къянара багала ирули буили саби.

ЖАМИГІЯТЛА ХЪАРБАРКЪУНИ

Университетлизив учІухІели, набчи жамигІятла чумал хъарбаркъ дири. Курсла парторганизацияла серетаръла, общежитиела санкомиссияла председателъла, НИИФ-ла директор А. Ф. Назаревичла заместительла къуллукъуни дузахънира.

Гъачам общежитиела умывальниклизи ацІибхІели, илав чейулра умывальник дебали нясбируси студент. «ХІуни нясбарибси умывальник умубара», – ира илизи. «ХІебирис», – жаляхъиб ил. Я сунела у бурахъес хІейубра. Ил нушала факультетла студент ахІенри. ЦархІилтазибад илала у багъурли, сан-

комиссияла заседаниеличи тІалабварра ил. Илавра хамли гъайикІули, нуша мучлаагардирули, сунела хатІаличи мукІурхІекІиб. Комиссияли хІукмубариб ил общежитиелизивад дугІаэс. ДугІра аира. Ца-кІел бархІила гІергъи ну университетла парткомла секретаръли тІалабварира. Илини бусравасиб баягъи ит студент сен общежитиелизивад дугІаибсирил. Нуни илала баркъудилиячила бархъли бурира. Илини малхІямли иб:

– Вария илгъуна анцІбукълизир къалабамадиркудая. Сегъуна-биалра цархІил кункси танбихІ барили валтеная.

Ил студент парткомла секретаръла рузила урши уилри. Амма нушала общежитиелизи ил гІур чархІериб. Илкъяйда нушани умудешлисра гІядлу-зегъалисра къараулбусири.

МЕРЛА ХІЯКИМТАЛА ЗУЛМУ

Партияла хъарбаркъуни, дархъти диаб, далкІти диаб, чараагарли удибти хІякимтани детурхахъес гІягІнилири. Ца мисал гъанбуршис. Ну парткомла секретаръли узуси «Маяк» совхозлизи хІябал ши кадурхутири: КІиша, Меусиша ва Шуркли. Райкомла хІябэсил секретаръли телефойзибад набчи хъарбариб Къызларла районнизи мура дердахъес бузерила бригада бархъахъес. Совхозла директор командировкаличив сайри. Октябрь базла ахир бишигу викІулра, яни часабулри. Нушала совхозла дердес гІягІнити дахъал мура лералри, ялчни камлири. Райкомла секретарълизи нуни бурира, илгъуна бригада бархъес нушала имкан агара или. Илини иб:

– Обкомпартияла хъарбаркъ саби ил. Чараагарли бархъес гІягІнили саби. Нуни гІурра бурира.

– Совхозла директор агара. Нуни ил секІал барес хІейрус, сенкІун, муракъянаби хІебиули, нушала хІедердибти дахъал мурби лерал.

– Хъарбаркъ таманхІебарадли, хІела суал партбюроличи хІербирехІе, – урехи багъахъур илини.

Ца хІябал бархІила гІергъи совхозла директор чарухъун. Нуни илизи аги бурира. Урухиубли директорли ила бригада, дехла машина, косилка ва ялчнас берк-берж дархъиб. Ца жумягІра хІедикили илди пуч-палакатбиубли чарбухъун. Хапли бугІярбиубли, дяхІи бариб. Ялчни бяргІили зягІипбикиб, гъундурачир косилкара автобусра заядиуб. Илар удути мура дуили ахІенрину, билхІлабачирти чІигІя дуилри. Илди къялкъяли дердес хІейрули, дисба ва бардна дирхъули дуилри. Илди ваяхІра ялчнала даари агарли, хІянчи бетхІеур. Илкъяйда совхозлис халал зарал биуб.

НАЛОГУНАЛА БАЛАГЪ

Наб адамтачибси налогунала балагъ гъанбиркули саби. Илди дедес хІебирутазира гужли кадирхъахъутири. Хозяйстволизиб хала хІяйван биаб-мабиаб, пачалихълис дусли дедес гІягІнитири 45 кг диъла ва 3,5 кг нерхла. ХІяйван агартани асили дедлугутири. Илкъяйдара дедес хІебирутала хъулибси гІяхІ-сигъуна ваяхІ гужли арбихи. Илдала дурабадра, заёмлисра арц дедес гІягІнилири. Ил заём, сай гІяхІулали лугуси саби бикІи, амма гужли кабирхъахъи. Хъулиб беркеси агарти язихъти адамтазира илди налогуни кадирхъахъи. Илдала дурабадра, холостой налогара бири,

Илди налогуназибад адамти мурт акъубатурал гъанна наб гъанбиркули ахIен. Дургъбас гIергъити шуцIали ибти дусмазибра гъамадли бетIула гавлаг асес хIебирки. 60-70 ибти дусмазиб нушала шилизибад бахъал адамти дура арбашесбииб. Илдала яшав гIяхIбухъун, шилизир хъулри дирес яра гъаларла дуркъа юртани къулайдирес бехIбихъиб.

ХИЛХИИ КАЛУНРА...

Ну совхозла парткомала секретаръли узулри. Ца бархIи райкомпартиялизи къалабали вакIахъес тIамадариб. Шилизиб «самосвал» ахIи автомобиль аги. «Ну районнизи каахъаба», – ира шофёр Магъдила МяхIяммадлизи.

– Тормозуни вайтIа сари къадин, – иб илини. Мякълав къаршиикибси школала шофёр Муъминни илизи иб:

– Катруглизиб скорость переключитьхIебарадли, селра хIебирар.

Ну кабинализи кайирагу – Уркарахъи аркъутани автомобильла барг бицIиб. Самосвалличи адамти кабатес къалли ихтияр агарси саби. Илдази кадацIирая викIалли, гымбуркIар: «Совхозла автомобиль биалли, хIякимтас ахIи кабиэс асухIебирусив?» – бикIар. ХIейгу-хIейгули гъайбарра. Уркухъла гIинзи кадаирагу, – гъаббердибси шарала хIеркIван, атомобиль къалабали катхIел кабухъун. Шофёрли ил тIашаэс вирули ахIенри, илини ил хIярлиу бяхIчаибгу – балуй шайчирти хIулруми гъунчи чесабаибси хъула къяйчир сарри, алгъай шайчирти – катругси гъуйчир. Автомобиль ругбяхъес урехи имцIабикIули саби. Ну дура тIяхIухъесра вирули ахIенри, сенкIун автомобиль дебали шайчибикилри. Нуни шофёрлизи ира:

– Машина гъунчи ласбара!

Шофёрлара илгъуна пикри лебсирил хIебалас, ил ласбариб. ЛагбяхIи каиб-хIели, тIашбизур. Кабинализивад къалабали дуравхъи, автомобильличибти адамтачи хIеризурра. УркIбухъи, лебталалра дяхIи цIублири.

Шофёр МяхIяммадлизи нуни гIур хъарбаира:

– Сен хIуни катлизиб хъархъдеш переключитьбарри, хIези къалли Муъминни мабирид или буриб?

– Цаибилличиб багълали башухIели, хIед анцIбукъи бургар или гъанбикиб, – иб илини.

Илкъяйда нуша халаси бехIемцIлизирад дерцибтири.

ФОЛЬКЛОР БУЧЕС АРХИЯ

Университетлизив учIути думазив ну даргала шимази фольклор бучес вашусири. ИмцIалин набчил варх вири цакурслан къуппакан ГIямаров ГIисара. Шимази дашухIели, жура-журала тамашала анцIбукъунира кадиркули дири. Гъачамра нуша кIелра гъалмагъли пикрибарира, МяхIячкъалаличи бегIлара гъамси даргала шилизирад дехIдихъили, дахъал шимази даэс. ХIера, 1962 ибил июль базличир ГъурбукIи дакIира. Илав исполкомла секретаръли узули, ГIисачил варх ГIярмиялизив калунси гъалмагъ къаршиикиб. Ил къаршиикиб-хIели, гIячихълигу, нуша разидиубра, фольклор бучахъес нушаб кумекбиру

или. Ил ши сабухъла-деклар убхлебхъун. Херобаиб. Нушаб къацли дукес гЯгГнилири. Нушачи пикри бяхИчиуси атхЕхъиб. Тукейзирад прянникуни асили, гаши ахъира. БерхИ дубуртачи кабицхИели, нуша хъурали Губдани датдихъира. Шила дубла адаайчи нушачил варх вакИиб ГПисала юлдашра. ИлхИели илини иб:

– Хушагъунти гЯхИли бакИибхИели, къацли букахъес шилизиб столовая агарли вайтIа саби.

Илала гъай нушаб тамашадизур. ГПисани набзи шутIбатур:

– Вашигу, хЕчи ляркъехЕ ирехЕ.

Нуни ира:

– Илгъунала къацI наб къяргIхИякъян.

Губдани детаира. ГПисала гъалмагъ Пузайруев ГъазимяхИаммадличи хъурадиубра. Ил – ГПисала цаибил валусиличи бекIлил мешуси увхЕвхъун. Нушала халаси хИурмат бариб. Шикад нушачил варх вашули, халаси материал бучахъиб. Илини бурни хИясибли, нуни «Сунени сари ригубси рурсила далай» бикIуси эпический далайра белIунра.

Губданирад нуша Сергокъалализи дакИира. Иларра гЯхИцад халкъла хабурти дучира. Ванашимахъилизи ардякъунра. Илаб лебри набчил барх 1951 ибил дуслизиб Сергокъалала педучилище белчIунти узби Саламра ХИяжиазира. Илданира нушаб гЯхИти гЯхИядеш дариб ва фольклор бучахъес кумекбариб.

Иларад дякъунра, ГЯялизимахъилизи, ГЯймаумахъилизи ва ГЯямахъилизи. Илди махъурбазиб хЕрбирулри дила гЯхИти гЯхИли: узигъуна гъалмагъ Сулабанов, Сулайбанкъадила рузи Сулайбанова ПатИмат, сунела берхъибси хъалибаргличил ва набчил барх Сергокъалала педучилище белчIунси ГЯбдуллаев Юсуп. Илдигъунти лебти шимазир дахъал хабурти ва далуйти делкIес-дучес имканбикIулри.

Илар кIел бархИи кали, ХИурехъи дакИира. Илав хЕрирулри дила гЯхИси гъалмагъ Мустапаев Гъапар. Ил шилизив валхЕйкили, нуша илала бегIтачи хъурадиубра. ИтхИели ДГУ-лизив учIуси цархИил дурхИялира нушаб халаси кумекбариб. Илини нуша дубурличибти букIуначи булан дукира, илабра хабурти далути леб или. ХИурехъибад гъарахъли ахIенси МулебкИила БахИмахъилизи дякъунхИели, тамашала анцIбукъуни диуб. Илди шимазиб нушала гЯхИли аги. Илгъуна агилизиб ну виштIахИели биубси ца анцIбукъ гъанбикиб. Ну 15 дусра-сера виубли ургаси. Дила халаси рузи ГЯйшатра нура нушала къял бицес ХИурхъила базарличи дякъунтири. Бицес хЕдиубли чардулхъухИели, БахИмахъилизив эмхIера сайра мулебкIан къаршиикиб.

– Иш эмхIес ил къял бехIсурбара, – иб илини.

«Къял бицадалли, эмхЕ асая» – ибсири нушази нешли. Рузили набчи хЕръиб. «ХЕд дигуси бара, хIу мурул адам сайрину», – бикIулри ил хЕр. Дила вайлиуб ханжалра лебри. Наб дигулри, эмхЕчи мурдали шилизи вакIесра. Къял бедили, эмхЕ асира. МурдайибхИели, эмхЕ гЯхИил-деклар башули ахIенри. Шилизи садаили, узичи адацИира, илав къацли укули леври узила хъу баци чариубси хъубзар Арсланбек. Ил эмихЕ чебаэс гЯйни кацIиб, цулби ахтардидариб.

– ЭмхЕ бухъна саби, хIуша диргИядиргилрая, – иб илдани.

Пергъила бархИи ну эмхIе букахъили, къял урсабукахъес вархъира. Баягъи мулебкIан викIули сай:

– Вачар белхъуси хIебирар. Бицили къялра агара. Ну иличи вирххIерули калунра, къял чарбара викIули. Чарбарес илала пикри аги. ИлхIели иличи 2-3 мурул адам бакIиб ва мулебкIайзи бикIар:

– Иш хIехарала къял чарбара.

Тяп илхIели дурхъи дебабарибси нушала къяй тIамадариб. КъантIли – нушала къял урсабукира. 15 дус гъалав вагъурси ил мулебкIанна юртличи гъамиубли, «Иш юрт дила гIяхIялла саби, нуша иша хъурадирехIе» викIула. Гъанна ил сагабарилри.

Илав нушаб гъунивайб жагати чарх-бекIла жагъил адам. Ил – малхIямси, гIяхIялдеш дарес балуси, гъарли-марси дубурлан сайри, Сиражутдин бикIуси. Илала гIергъи Сиражутдин дила гIяхIиси гIяхIял ветаур, набчи шилизи чуйнал вакIиб, ну – сунечира. БархIехъ нуша Мугри гъунирдалтухIели, илини хъарбаиб:

– Итав хIушала гIяхIял теvu?

– Агара, – ира нуни.

– ХIебиалли, итав узули хIурхъан ГIиса бикIуси учитель теv. Нуша хIечи мулебкIан Сиражутдинни дархъибтира или, иличи хъурадирая, – масли-гIятбариб илини.

МулебкIила махъурбира гIелар датурли, вацIализибси уркурла гъунчирад дурадухъунхIели цIябдаиб.

Къанси дуги даира Мугри.

– ХIурхъан учитель ГIисала хъали чинаб саби? – хъарбаира.

ГIисала юрт чиди сабил буриб.

Къанни дугели къутIдикIес абадкбилзулри. Чис дигахъу аргъагарси зама-на гIяхIял! Амма гIямалаги. КъутIдяхъирагу, ургарти гIямрула адам дуравхъун:

– Чи саррая хIуша?! Се гIягIинили?!

– БахIмахъилизивси мулебкIан Сиражутдинни бурили хIечи хъурадиэс дакIибти студентуни сарра.

– АдацIирая хIебиалли.

Хъули адацIибхIели, илини нушала някъбира дуциб. Мер-мераначи ка-бихъунти илала дурхIнира чебиулри. Сецад къанни биалра, илини хъунул аризахъур ва нушаб хинкIи дарахъиб. Жагали ихтилатикIес балуси адам сайри ил. Гъанна чумал дус Мугрила шилизив мугIяллимли узулри.

Савли къацIира дахи, нуша Мугрила гумайлизи дукира. Нуша чи саррал багъурхIели, илабти адамти дукаркIули саби, хIерагу сегъунти къачагъуни дуилра хIуша или. Нушаб къапу хIебхъибси баягъи хъунул адамли шилизи хабурти тIинтIдарилри, валлагъ, дуги набчи къачагъуни бакIиб, нуни илди гъабяхъира или.

Мугрантани нушаб гIяхIцад хабурти дуриб. Илдала ца хасдеш лебри: цархIилти шимала халкъли чучила дурути хабурти илдани царихIи ардихулри.

– Варгъила бутIни кадихъили барибси халаси чуду сабухили, сирагъунтли хIуша диргIядиргили, хIушазибад ванза сасни бархъсив? – хъарбаира нуни.

– Бархъси ахIен, – иб илдани. – Гъарли-марли халаси чуду барибси саби

илдани, диъбира нусбира кадихъибси ва уркурличиб хибси саби нушала шилизи. Илгъуна хІурматлис пешкешбарибси саби нушаб гъарахъси, амма сирагъунтлис гъамси Утти-Гъали бикІуси мер.

... КІиэсил бархІи сагали нушала шилизи датдихъира.

Батау къадала адаира. Илар миъван дяргІибти умути шинна хІеркІличир нуни дабри чердатурра, шалбарра гІегІдергурли ва хІеркІ ахъира

– Се саби хІуни барибси? – хъарбаиб ГІисани.

– Нушала хІеркІ нуни халахІебарасли, гІур чили халабирув!? Ишар 25 шинкъа дарибти дугІли ахІенгу.

ГІисани, пишяхъили, нуни барибси суненира бариб. Илар къяшми дирцира, дяргІибти шинни чурхри чахъдарира. Чула хала хІяйванти ва маза хІердарес бакІибти дила хъунул ПатІиматла бегІти лебри Бутауб. Нуша чучи дякъун-хІели, илди дебали разибиуб, нушала гъала ниъла халаси халдари кабихъиб. ДуцІрумла буцІар бархІи илди дяргІибти ниъличилра буртличилра бемжали-зиб берцІибси къацІ беркес дебали бизилири.

БархІехъ дила шилиубси Ккубе къадала садаира. Илабси Халдари гІиниз-ла амъурти ва дяргІибти шин чедаибхІели, гъункъяла милигХІейалра держес иштяхІдулхъан. ГІисара илдачи мяштІкайуб.

– Нуни хІу ишавад шинни хІевжахъи аркури, – масхара бурира илизи.

ГІиса дуцІли вякъи, гІинзивад шинни ужиб.

– Чебаирив, ужирагу! – масхара буриб илинира.

– Нуни хІевжахъири хІу, хІуял ужири, – дила гъайлис мариубра нура.

Набчиб шадиб-гъунира барили, гІергъила бархІи хабарла Сутта дубурличи ва Аллагъла хъайгІи дукъниличила сай ГІисани жагали белкІи леб.



Драматургия

МяхИяммад СЯГИДОВ



ИМАЦЦИ
(Комедия)

БУТІАКЪЯНЧИБИ:

ИММАЦИ. Шилизивси масхарачи
ГІЯЛИ. Имацила унра.
ПИСА. БукІун.
ИДРИС. Имацила урши.
ГІЯШУРА. Имацила хьунул.
ПОЛИЦЕЙСКИЙ. Участковий.
КЪАЧАГЪУНИ.
КУРАМЯХІЯММАД. Имацила гьалмагъ.
ЧАМСУДИН. Цашан.
УХЪНА. Имацила цашан сай.
ИЛЪЯС. Имацила урши, жагъил адам.
ХАМИС. Писала хьунул.
ЖАРИЯТ. | Имацила уршбала хьунри.
ЖАМИЛАТ. |
ГІЯЛИХІЯЖИ. Хамисла мурул.
ПАТИМАТ. КурамахІяммадла хьунул.
ХІЯМИД. Цашан сай.
ХІЯЛИМАТ. Цашан сари.

ЦАИБИЛ СУРАТ

Гъачам

(Вава-къарла КлапІрачир аръа маркала КІунтІри арцла мачниван, лямцІ-дикІуси сурат).

ИМАЦЦИ. Бахъ дигахъисгу иш гъар журала вавнани тІембикІуси гъава.
*(Шила дякъкад хъули аркъуси Имацини гІинзи шичи аркъуси ГІяшура чериу.
ГІяшурас ГІиса цугиркур).* ВяхІ! Сен дила ГІяшура-алав лукъуси их пандахъи?

Гъари, се бикѹли илди? *(Имаѹци галгала гѹела дигѹяниркур ва жагъилтала гъайличи лехѹилзан).*

ГѹИСА. Маза-масличил дубуртазив веткайхъуси Имаѹци хѹед селис гѹягѹ-ниси? Вашахъенгу ил урѹки агарси адам. *(Ванати хѹулбала хѹерличил илини Гѹяшурала урѹки гъузгъалдибиру).*

ГѹЯШУРА. Маза-масличив хѹябал базра-сера хъули чархѹевхъи виалра, Имаѹцигъуна гъабза нушала шав агара. Дугѹли гъаймайкѹдну, ветахъи хѹулбала гъалавад. *(Гѹяшура гѹинзирад хъули къалабариркур. Амма хъули сараибхѹели, рисисирар).*

ГѹЯШУРА. Хъайчикадиили кѹел дус дикили диалра, гъачамалра ихкъяйда ванали набчи Имаѹци хѹерхѹейзур. Гъачамалра дила урѹки хѹергъиб. Дирихъли кѹапѹбуѹибси хѹурхъла музаван лехѹикайхъули, дила дигайла мурхъдешличила ихтилатбарахъес гъачамалра илини набзи ихтияр хѹегиб. Гъай аман, секъяйда гѹямру деркѹишара нуни дугѹрухъ Имаѹцичил?

ИМАѹЦИ. *(Хъули ухѹнаулхъан).* Гѹяшура! Се рикѹлри хѹу? Гъачамалра хѹела урѹки хѹергъирав нуни? Хѹу дигахъули дигадли, лезми къанѹгѹбара. Халкъли буруливан, къянарлизирти дяргѹибти шиннира, шанглизирти дуѹѹарти хинкѹанира бирар хъунул адамла багъара имѹѹабируси хѹурматра лябкъяхъуси!

ГѹЯШУРА. Къянарлизир дяргѹибти шинра шанглизир дуѹѹарти хинкѹира гъачамалра нушала хъулир камхѹедиуб, амма гъачамалра хѹуни набзи урѹки хѹебурили, дусми ардякъун... Хѹябал базла бухѹнаб хъули бихуси гъуни хъумартурлиригу хѹуни.

ИМАѹЦИ. *(Дукарирхѹур).* Гузетличивси адам хъули вашес вирусив?

ГѹЯШУРА. Гузетличив виалра, Гѹиса хъули вашес вирулигу.

ИМАѹЦИ. Гузетличивад гъавухъи, Гѹиса къяйда хъули вашасли, дурзам чили бихѹу? Мурталра дукивси набзир сегъунтилра малхѹямдеш диѹс хѹеди-рар ибси гъанбику?

ГѹЯШУРА. Хѹебалас. Амма Гѹиса хѹуван къяркъси ахѹен.

ИМАѹЦИ. Ит бекѹбяхъ Гѹиса рикѹду? Сунечи хъарси хѹебирухѹели, акъуватурли, итала мерличив Расул узни балулрив? *(Имаѹци гѹясиирар, бяхъес алавулхъан, амма ил барес вирхѹейрули, гѹела витѹикѹур).*

ГѹЯШУРА. *(Урухрирар, сунези сари гъайрикѹули, кухнялизи аркъян).* Гъуя! Кураван дягѹути илала някъбачигу! Кѹел тѹуй хайдакъан хивира, някъба маза-масла лигубира дялчуси ихини Гѹиса каршугу...

(Сунела чурхти гъайличи ва баркъудиличи пашманиубси мурул чеили, Гѹяшура паргъатрирар. Гѹурра сунези сари гъайрикѹар. Юх, кахѹершу. Секъяйда кавишес вируси вегѹла унра? Сегъуналра гѹяйиб агарси адам кавишес Имаѹци илѹад вайси адам ахѹен. Амма илѹчил секъяйда хѹеррирусира ну? Имаѹцичил гѹямру деркѹиниличиб, мурул агарли хѹеррирни гъалаб саби... (Мурул гъимукѹахъес дигхѹейгули, Гѹяшура илѹчи гъамрирар, малхѹямли гъайрулхъан).

ГѹЯШУРА. Имаѹци, хѹела жан дат, бурагу, мурталра авлахъличивси, дугѹрухъван дурав хѹерирусиде адам селизивад-биалра урухкѹару?

ИМАѹЦИ. Урухкѹар.

ГѹЯШУРА. Селизивад?

ИМАѹЦИ. Хѹебаршили къяйкѹикѹуси тупанглизивадра хѹебержили кепкайрусиде адамлизивадра. *(Имаѹци пиширхъур).*

ГѹЯШУРА. Аргъира, дила Имаѹци, аргъира. Гѹяшура гѹурра урухрирар, кухнялизи чаррулхъан. Итмадан, гѹяхѹил белхъи, гавбикѹусиде дябра лебху, столличиде итан жершили тѹемдикѹути хинкѹала сукрумира кадирхъу. Гъалар чула сагасиде юртлизир камхѹедирути гъарушла хъабара кабирхъу.

ИМАѹЦИ. Хѹябилра сакѹубси, рахъ жагасиде адам руилригу хѹу, дила Гѹя-

шура. *(Пиширхъур Имацци).* Ил замана, далай-гъалайла тІамаличил къапула гъалав ГІиса вагъарирар).

ГІИСА. Гъей, хъа дегІти! Асубирару?

ГІЯШУРА. Бирарну, ацІи, унра. *(ХъуцІарличиб балиули кІикъяран тупангра, ита-иша улкІули, ГІиса хъули айцІур. Имацци илала куцІичи тамашаирар, хъунуйчира хІерикІули, таимишикІесирхІур. ГІур, багълалі айзурли, ратІал-гъунти хункІи чІумадиру).*

ГІИСА. *(Унрала декІси хІерличи уркІкалхъан).* Гъей, Имацци, вирхаи, валлагъ, Аллагъличира нуни бержили ахІенра!

ИМАЦЦИ. Марли викІуду?

ГІИСА. Аллагъличира хІебержира! *(Имаццичи тупанг бяхІчишу).*

ИМАЦЦИ. Балулра. *(Имаццини цулби къярждиру ва ГІисачи гъамирар. Урухуубси ГІиса гІелавяхІ вашесирхІур).*

ГІИСА. Имацци, хІу набчи гъаммайруд. Тупанг баршибси ахІен, амма къяйкбухъес асубирар.

ИМАЦЦИ. Балулра. ХІуни тупанг баршес хІебалниличила жявилл аргъибси саби. *(Имацци ГІисачи чевашар, ГІиса биалли къапула гІелав веткайхъур. Хъа вегІли, чариубли, гъарушла бужу. ГІясидеш черардукес дигули, илини гІурра умегІ бужу. Белхъунси дигъла кесекра чІямбиру. Урухриубли, дай хъулир дадкаризурси ГІяшурачи гъамирар).*

ИМАЦЦИ. ХІябал баз ну хІечила пикрумазивхІели, дила хІялалти ва марти дигайлис хІуни хаиндеш дарес хъулрухъунрив? Багъи, ну мицІирли левай, хІу цархІиллис къадархІерирни! ГІурра багъи, дила жанничирра наб ахІерси хъунул адам ГІисагъунти пандахъибази рикахъес хІералтни.

(Мура гъайли хІулрукІахъибси ГІяшура Имаццичи кІапІриркур).

ГІЯШУРА. ИшбархІила гІергъи нушала дигайлис чилра ва селра диргаллахебулхъан, дила Имацци. *(Далай бучІа).*

**ХІерхІедикІалли хІулби
ХІела дигайлис марти,
ЦІудар-цІябли бирар зак
Агартиван зубарти**

**УркІилизир алкунти
Агарли карцІайла цІа –
Хъали ванахІебирар
ЦІали бигалра вацІа.**

(Пардав)

КІИИБИЛ СУРАТ

ВагъхІегъуррав?

ИМАЦЦИ. ХІябилра анцІдукъи лер ишди мискиндеш. ДуцІрумла замана къарла чуднира дерки, къя ниъра держили гІямал бетарули саби. Янила замана, дубурти дяхІили кІапІдарибхІели, гІямал булъули саби. Алапаялра заманаличиб лугуси биалри, мадарри. Селис биуси алапа, хъалч букІуси иш юрт батурли, халабикІуси хъалибарглис сагати хъулри делшес гІягІинили биалли? Гъари, ГІяшура, гъуйчиб беркес, наб ца къяжара берцІа, лертигъунти арцІа ваяхІра цаладахъя.

ГІЯШУРА. Ва дила Имацци, се ваяхІ викІулри хІу?

ИМАЦЦИ. ГІяббасуни, кулхми, тІулкми, се лерал, лерилра дуча. УргІерила

базарличичи вякьби, камси багъалис биалра илди дирцис. Сагаси хъалчра бирис, ца биалра сагаси хъалира лушас.

ГІЯШУРА. БусягІят, дила Имацци: ца минутли гъар секІал хІядурли дирар. *(Камси замана арбякьби гІергъи, дицІибти хунжачил ил чаррирар).* Дубурлантала бурала лебси саби: «ГуихІейрус или къацІра, заб хІедиру или варгъира хъулир мадалтад» ибси. ХІера иш ца хунжлизир хІед деркестира ванати палтарра хер. Ишил хунжлизир – дирцути ваяхІ хер. *(ГІур лацІличибад касили, мургъи-арцли къандакъ белІунси тапанчара мура някълизи луга).* ХІуни иш тапанчара барх буха. БяхІличичи баршибси илини нушала кунби хІелукъахъуну, бица.

ИМАЦЦИ. ГІяхІси, дила хабчаб. ХІу рикІуси бирис.

(ГІянручІ бара шала пІякъдикибмад, Имацци, гІелахъили хунжсира сайра, базарличичи дураулхъан, аницІхІебукъахъес далай бучІа).

**Набра ахъри дигула
Ахъдеш ахъес адабла,
ЧебхІехъили калунси
Ламус ахъес адамла.**

**АхъхІели, адам къяйда,
Цакъадар гІяшли вашес,
ГІяшхІели гІяшхІейубли,
БекІ ахъбуцили вашес.**

(ГІиникъла гъала ветайбмад, илис гъала ярагъла безІти кІел адам дураулхъан. Имаццичи тупангуну чедуцили, тІамадиру).

КЪАЧАГЪУНАЗИВАД ЦА. Гъункъя! Къалабали хунжи дацІдара!

ИМАЦЦИ. *(Сунези сай гъайикІар).* Агъ, гІямал буарти, се хІяжурти вара ишди?

КЪАЧАГЪУНАЗИВАД ЦА. Гъу, хъярхъли, дацІдара хунжи!

ИМАЦЦИ. *(ГІурра сунези сай гъайикІар).* Иш алашасила куц-кабиз Къяннилайчи мешулигу. Амма, хІулби ахІенти, дяхІ кІапІдарили, ил чи саял, ахІенал багъес агара. Рахли иш хІяжар нушала шан виалли, се бирули ишаб ишини?

ИТИЛ КЪАЧАГЪ. Эй, къалабали хІези ибси бара!

ИМАЦЦИ. Секъяйда хунжи дацІдирути, базарличичи ветхІеили виасли? НабчикІун хъулиб дурхІнира хъунула хІерли саби. Лерил ваяхІ хІушаб гасли, хъули ну секъяйда чарулхъусира?

КЪАЧАГЪ. Ил хІела къуллукъ саби!

ИМАЦЦИ. Хунжи дацІхІедарес вирусив, кІелра хІяжарли набчи тупангуну дяхІчааили биалли? Илдазир ярагъ хІедиубти диалри, къачагъберхурти дугІрухъуни дила някъба тІунтІриван чІянтІири.

ВаяхІ хІедедасли, каршура. Кавшасли, набчи хъулиб хІерти дурхІнастра хъунуисра чили кумекбиру? МицІирли каласликІун, нуни илдигъунти ваяхІ гІурра асес вирус. *(Дуразлизи битІакІибси унцІливан, угъра дурабушили, илини хунжси ванзалличичи кадирхъу, багълали арцла ваяхІ дурайсесирхІур. Къачагъунани хІебакъесли, сунези сай гъайикІар).*

Мекъ барайчи нуни ГІяшурас савгъатбарибси тІулека ишди хІяжуртас сенсен лугуси? (Ил тІулека дигІянбарес валилзан, амма къачагъунани ил чебиу).

КЪАЧАГЪУНАЛА ЦА. Эй, нушачил барх хІедра пай касес дигуларив? Мургъила шалали хІулби сукъурдарили, ил кабихъес гІягІниси мер чехІебиулрив, мялІун? Къалабали, ваяхІла чеди илра кабихъа.

ИМАЦЦИ. *(ГІурра сунези сай шивкІивикІар).* Се гІямал бируси гъанна?

ИТИЛ КЪАЧАГЪ. Се калунал гІурра дураса!

ИМАЦЦИ. *(Хунжсла лутІилизибад тапанча хъархъли бакІахъили, илини къачагъуначи бяІчшиу ва бугъаливан вявбирхъу)*. Гъари, дирадалли, ца гІяб-басиялра касая, хІяяагар хІяжурти! ХІушала нуни жан айсис!

КЪАЧАГЪ. Гъуя, Имацци, сабурбара, адам кавшадли, хІед бунагъ биурну.

ИМАЦЦИ. Дила хІялалси мас кебасили, хІушаб бунагъ хІебиули, хІуша кадусадасли, наб бунагъ биусив? Бунагъ баалли бааб, дила секІайчи къяч-дикадалли, кадуршура!

КЪАЧАГЪ. Имацци, хІуни ну хІегъуррав? НукІун Къянни сайра. Дила тупанг баршибси ахІен. ХІечил ца масхара барес дигусири.

ИМАЦЦИ. Вари, дила махъикан, дила тапанчали масхурти хІедалану, мяхІкамли вирен!

(Къачагъуни гъарахъбиубхІели, ил пиширхъур). Ца гІяхІдеш: тапанча бар-шибси хІебиъниличи къачагъуни шахІебикни.

(Пардав)

ХІЯБЪИБИЛ СУРАТ

Шляпа ва эмХе

ИМАЦЦИ. *(Маза къапІачевли, хъули кайили)*. Дунъяла бухъяндешли, дус-мала гъалакдешли набра хІякимдешла пай баиб къалли, ГІяшура.

ГІЯШУРА. *(Гъалайхъанра баршили, къям-кІуцІузи рархили)*. ВегІли сабур-барес виалли, игъбарли адамличи гъуни бургуси саби, бикІар, дила Имацци.

ИМАЦЦИ. Бригадирдешличичи-декІар дила халаси иштяхІ агара. Амма итди хамбиубти нушала хІякимтас, нунира хІякимдеш дарес вирни чебаахъес дигула.

ГІЯШУРА. Гъардизаб хІела къасани, дила Имацци.

ИМАЦЦИ. *(Хъа вегІли улкъайлабад хІеръиру, къакъалав, шляпала вегІ чеши, пиширхъур)*. Нушала директорлира хІяйвантала тухтурлира шляпаби дихули саби. ГІяшура, ну-декІар илдачив усалсирав?

ГІЯШУРА. Селрайзивра усалли ахІенри, дила Имацци. Амма шляпа хІечи балхІебиркур.

ИМАЦЦИ. Биркур, дила хабчаб. Чубкар къапІалиуб чуйнара майалиба-турси дила бекІлисра ряхІятдеш гІягІнили саби. *(Къярдаличи чехъили чубкар къапІара, ил хъуливад дураулхъан, шляпа ису, чебиръу. Амма бургъуси дягІли илала бекІличибад хъямбарили, шляпа гербалта)*.

Агъ, хІела вегІебш, чубкар къапІаван, бекІличиб буули ахІенгу иш бай-тарман. *(Шляпа кайсу, уф-уфбириу, пяхъ-пяхъбириу, амма ил нясли кавлан)*. ГІяшура, гъари умубара иш шляпа.

ГІЯШУРА. ХІела чубкар къапІара хІура уадри, ил дягІли архІехи.

ГІЯЛИ. *(Разиси хІяйчив хъули айцІули)*. Ва Имацци, балулрив хІуни, ну вахъхІи хІерси урши акІубли сай! Иргъулрив? Урши акІубли сай дила! Ил-багъандан шадлихъ бирулану, нушачи ваши!

ИМАЦЦИ ВА ГІЯШУРА. Ургъаб хІела урши! ТалихІчевси ветааб!

ГІЯЛИ. Вари, Имацци, вакІи.

ИМАЦЦИ. Камси заманала ухІнав гІеввиус. *(Имаццили ГІяшура лнкІбириу)*. Чебиулрив, дила хабчаб, ну хІяким ветаурхІели, секъяйда шадлихъуначи

жибикІулил? ХІякимти-урга шляпа агарли кайасли, балбиркуру? ХІебиркур. ХІебиалли бархъси барилра иш, хІу рикІуливан, сакълала халдари асили. Гъу, дила ГІяшура, ну аркъяс.

ГІЯШУРА. ГІяхІ сягІят бираб!

(ГІялихъала хъулибад далайла тІама чебиху).

**Гъарил гІяхІси анцІбукълис
Диру халкъли байрумти,
Жагилтани чеббиркІу
Куц исбагъи къуймурти**

**Лебгачир жагарилзан
ДурхІя някъбазирси неш,
ДурхІяла дурхІя дукла
КІапІуцибси хала неш.**

ИМАЦЦИ. Мубаракбааб хІушала шадлихъ! Бургъаб хІушала къушум.

ГІЯЛИ. ХІяй, баркалла, Имацци. *(Разиси хІяйчивси ГІялини Имаццила някъ цІацІабиру).* Ваши, иша кайи. *(Ил столла гІела калта. Держлизи камли гъудуриуси Имацци гІяркъила ва конъякла шишинала дахъдешличи тамашаирар).*

ГІЯЛИ. Увас, Имацци, хІуни держла хІебужни балас. Амма сагали акІубси урши багъандан бержа.

ИМАЦЦИ. Гъалмагъла урши аккІнилис хІебержес асухІебирар. Дерхъаб!

ГІЯЛИ. Иш кІиэсилра – нушала гъалмагъдеш багъандан! Имацци, умегІ агъула биалра, юлдашдеш багъандан бужуси саби. ХІуни дила хІурматбирадли, бержа.

ИМАЦЦИ. ХІу викІуси бирис, гІур тиладимайкІуд.

(Дьѐла кесек беркес вализурси Имаццичи ГІяли гІурра гъамиар).

ГІЯЛИ. Урши варкъибси нешла хІурматлис лебтанилра нушанира бужулра. ХІунира, Имацци, хІебержес асухІебирар.

ИМАЦЦИ. Иш бегІла гІергъиси биаб, гІур хІебужис.

ГІЯЛИ. ВяхІ, Имацци, ишди бизити хинкІи дарибси хала нешла арадешлис хІебержес асубирару?

ИМАЦЦИ. Нуни бержили, хала неш арали кавлуси риалли, бержес чебиркур *(Кепкайубси Имацци, хъули чарухъес хІейубли, усальан. ГІергъила бархІи, цІахбилзахъули, ил багълали къакъакад ватирхъур. Илис эмхІе шинни бахес аркуси ухъна цугиркур).*

ИМАЦЦИ. ВелхІунрив, ГІиса!

УХЪНА. ВелхІунрив хІура! Шалали велхІаби Имацци!

ИМАЦЦИ. Биха набзи, нуни хІела эмхІе шичи аркис.

УХЪНА. ГІяхІси адам сайри хІу, Имацци, адамлис кумекбарес мурталра хІядурси.

ГІелабад башахъули эмхІера сайра Имацци къадалавяхІ ватирхъур. Шинни белкъунмад, эмхІе шилизи чарбухъес балбилзан. Амма Имаццини ил гІурра шинниччи чарбиру.

ИМАЦЦИ. Ягъари, эмхІе, хІела дебкІибти неш-дудешла гІяпа баркъабну, бужен! *(ЭмхІели бекІ шайчи ласбиру, шин хІедужу).*

ИМАЦЦИ. ЭмхІе, хІела хужаимла арадеш багъандан бужен!

Имаццини бекІ буцили, эмхІела мухІли шиннизи къузбиру. Амма эмхІе гІела битГикІур. Имаццини сунела бекІличибси шляпа эмхІела бекІличичи кабирхъу ва ухъначи арку.

УХЪНА. Баркалла, Имацци, дила эмхІе шинни бахнилис.

ИМАЦЦИ. Баркалла биаб хЕла эмхЕс, шляпаби дихути духути диалли, иш шляпа хЕла эмхЕла бекЛичиб гЯхИл балбиркур, дилайчиб илала бекЛ духули сабину.

УХЪНА. Имацци, сен или викЛуда?

ИМАЦЦИ. СенахЕнну ГЯлихъала шадлихъличив ну, дазуагарли держли ужули калунра. Заралагарти шин булан хЕла эмхЕли къадарличир имцЯкъ ца кЛантЛалра хЕдержиб.

(Пардав)

АВЪИБИЛ СУРАТ

Унра

ИМАЦЦИ. *(Унрубачи айцЛур. Илис хъа регЛ гьунириур)*. Хамис, ГЯли агарав?

ХАМИС. Маккализиди аркъути ургЕрантачил варх ХЯжлизив сай. Ца-кЕл жумягЛли чарулхъан.

ИМАЦЦИ. ЧарухъунхЕли, гъавикЛус.

ХАМИС. ГЯхИси саби, Имацци. Ил чарухъунхЕли, хЕзи нуни балахъас.

ИМАЦЦИ. *(Далай бучЛа)*.

**Дирихъ-дягЛли дирхъялли,
ХИурхъи дирар хИяйранни,
Дирихъмачил жалбухъи,
ХИурхъи ихъу жайранни.**

**Дила дигайла жайран
Калун дигай хЕхъили,
Усал гъабзала гъайли
ХИярхИяливан бяхъили.**

Гъари, дила хабчаб, ГЯличиди гъавикЛус. ХЯжливад чарухъи виалли, ил левкисну, хинкИ дара.

ГЯШУРА. ИлкЛун хИяж барила дебали варсиубли сай. Гъанна гъалав къяйда масхурта угъули ахЕн. Я держ, я папрус дужули ахЕн. Сунезиди вецЛал гъай дурадли, ца чараагарси гъай бурили, лехЛкайхъули сай. ХИуни держла бужули левалцадхИи, хИякъян ил хЕчи.

ИМАЦЦИ. ВяхИ, марли рикЛулрив гъари?

ГЯШУРА. Ге, дила Имацци. Унра-хунрали ГЯли ибхЕли, ил ласирхъули ахЕн. Гъанна, илизи «ВелхИунрив, ГЯли-ХИяжи!» яра «Чарухъунрив, ГЯли-ХИяжи!» викЛес гЯгИнисиди саби.

Гъанна иличиди хИугъунти башули ахЕнну, изайс сабабти делкЛяхъес, кЛами дарахъес, бунагъуназибад уцахъути балгни дурахъес шантИ ахИи, дурашанти-ра башули саби. Иличила хабар тИнтЛбикЛуцад, башутира бахъбиули саби, хИятта унра шимазибад чучи рурсбиди гЯшикъбиахъес кЛами дарахъес жагъил уршбиди булан башули саби. Ил давлачевиубли, хамиубли сай.

ИМАЦЦИ. Се хабурти сариди илди хЕла? ХИуни илди чинар аргъибти?

ГЯШУРА. ГИинзиди бакЛибти хъунул адамти иличила сабигу ихтиллатбикЛути. Я держла, я папрусла хЕбужусиди иличиди бахъал хъунул адамти гЯшикъкабиубли саби.

ИМАЦЦИ. ХИура гЯшикъриубли хЕриадли?

ГІЯШУРА. ГІяхІгъубзназивад гІяхІгъабза, хІу левхІели, наб ГІяли-ХІяжи-гъунти селис гІягІнити? Къял жиндрала дила биубли сабину, кІа бара, жита вацна бурцули ахІенну, кІа бара или рашуси Бикачи ил, хъайчикайили сай.

ИМАЦЦИ. Се рикІусири хІу? ИлалакІун хъунул лерси сари.

ГІЯШУРА. ШаригІят хІясибли, чум хъунул гІеббуцес вираллира, илдицад хъунри кабиахъес бусурмайс ихтияр лебси саби.

ИМАЦЦИ. ГІяли-ХІяжи цархІил хъунул кариили, Хамисли сабурхІебиру. *(Имаццила гъай мардаресван, ляжубикад цаагили гердикІути нургъбира ушқули, Хамис гъаррикІур).*

ХАМИС. Ва Имацци, хІуни дахъал гІякълуми даладну, гъаригу, хІела жайчира, ит дила хІяжис сегъуна танбихІ баришал, бурагу.

ИМАЦЦИ. Дила унра, рахли хІу къабулрикадли, нуни илис бареси балас.

ХАМИС. Жан, Имацци, се-дигара барес хІядурлирану, бура.

ИМАЦЦИ. ХІуни хІела мура магъар бушили, хъунула сайра юртлизибад дугІаа.

ХАМИС. *(ДукаррикІур).* Се-дигара бурид къалли хІуни, Имацци? Хъунра магъурти кадушес бирутив?

ИМАЦЦИ. Жявти замунтазир лерилра ихтиюрти хъунул адамтазир дири. Сунес гІяхІхІейзурси мурул сунела ужагъличивад хъунуй дурайули руили сари. Тяп илдигъунти гІядатуни дуили сари жявти замунтазиб хІербирути нушала хала бегІталара. Гъари, ца хІу пикрирухъен: хІяйван-къача хІердируси чи сая? ХІу сарри. Хъалибаргла палтар-къяш ицуси чи сая? ХІу сарри. Хъалибаргла вайтира гІяхІтира ибгуси чи сая? ХІу сарри. ГІялихІяжи валхусира хІу сарри.

ХАМИС. Валлагъ, дила унра, табтарла кІапІри садирхъни ахІенси ГІялихІяжини бируси агара.

ИМАЦЦИ. ХІебиалли, хъа регІра хІу сарри. Магъарла регІра хІу сарри.

ХАМИС. Масхурта мавгъудгу, Имацци.

ИМАЦЦИ. Ну масхурта угъули ахІенра, мар-марли викІула. Чили кумек-бариба хІушала юрт барахъес?

ХАМИС. Дила неш-дудешли.

ИМАЦЦИ. ХІебиалли, хІела юртлизиб се бируси ГІялихІяжини? Ахъушан викІуливан, баралли бирар дава. Рукъенну, цалабахъя хІела мура тухумти ва магъарла дугъби дура: «Ца тІалакъ! КІел тІалакъ! ХІябал тІалакъ – хІела магъар кабикаб! ХІела хъунула хІура хІед дигна дашена!»

ХАМИС. ХІуни ну бунагъунази гІеларушулрагу, Имацци.

ИМАЦЦИ. ХІу нургъбази гІеларушибси ГІялихІяжис бунагъуни хІедиули, хІед сен диути?

ХАМИС. ХІерирус, Имацци, нуни илгъуна барес. ИлкІун дила дурхІнала дудеш сай.

ГІЯЛИХІЯЖИ. *(унзала гІелав тІашли, Имаццила ва Хамисла ихтилатличи дигІяй лехІихъуси ГІялихІяжини хъехІбуришу ва айцІур).* Хамис, хІед хІейгуси хІебирисну, раши хъули. Бикара сунела хъули рурхъис.

(Пардав)

ШУИБИЛ СУРАТ

Даршубиуб

ИМАЦЦИ. *(Хъайчи кабиэс гъалакти урибази тиладиикЛули, хІяйранни алав хІерилзан)*. Гъай аман, дила дурхІни, ца юртлизиб хІушала кІилалра хъунри балхІебиркур къалли. ДекІар-декІарти хъулри дарайчи хъайчи кахІе-диили дуадалри вайли хІебири.

ИЛЪЯСРА ИДРИСРА. *(Пишбяхъили)*. Иш ца юртлизир нуша кІелра узи хІердиэс диубли, нуша кІилалра хъунри сен балхІебиркути? Хъунри-ургаб-си балгундеш муйлазибад дигахъу. ХІу пикримаикІуд, дудеш, гъар секІал далкадиркур.

ИМАЦЦИ. ГІяхІси хъунуй саби мура хІурмат имцІабирусИ, – бикІутири нушала хала бегІти. Белики, хІуша дархъли дииша. *(Супелти къяртІлукІули, ил урибачи къабулиркур. Илдала гъайлис ургахІерулхъули, ГІяшурали хинкІи диру. Имаццила уриби хъайчи кабирар. Хъярхъли цІикрумала бурхІни аркъян. Жагъил хъунри хъа хІянчилизи ихъур. Янила бугІярси бархІи дирцибти палтар дяхІяхъес Жамилат къиблала шайчибси балкойчи ляркъян.)*

ЖАРИЯТ. Иш балкон дила саби. Иша нуни дила ваяхІ кадихъилра, иша палтарра дяхІихъис.

ЖАМИЛАТ. ДяхІхІяйхъид! Иш юртлизи ну хІечир хІябал бархІи гъалар ракІибсира, хІечир циила-биалра ну халасира сарра, мухІли буцану, урризИ дила палтар дяхІяхъайчи.

ЖАРИЯТ. ХІела балкон северла шайчиб сабину, рукъен ита.

ЖАМИЛАТ. Путнук! Дудеш вачрукъя ветаурли, хамриублирив? ХІела дудешла арц дахъдаили или, набчи вяврикахъес ралтари или гъанбиркулив? УраризИ гъаларад! Иш юрт Имаццила саби, хІела ахІенну!

ЖАРИЯТ. Дила хъубеш дудешли иш балкон наб гибси саби...

ИМАЦЦИ. Ягъари, балкон багъандан цалис ца сен дургъулрая? Цали ца бархІи палтар дяхІяхъая, итилли – цархІил бархІи. КІилалра палтар дяхІяхъес гІягІнили биалли, цали ца шайчи, итилли цархІил шайчи дяхІяхъая. БирусИ хІянчира цахІнаб разили бетарар, букусИ хинкІра бизили барар.

ЖАРИЯТ. Жамилатгъунти мехІуртачил хинкІа рукули халараибси ахІенра ну. Шери рукъес багъурли сари, хурег барес балули ахІен.

ЖАМИЛАТ. ХІугъунти дибягъуначил бетІу балшули нура халараибси ахІенра.

ЖАРИЯТ. Дибягъ лерри хІу – цІах мас!

ЖАМИЛАТ. ХІералтари хІу нуни илкъяйда хамли набчил гъайрикахъес. УррацИ хІулбала гъаларад!

ЖАРИЯТ. Ил хІу уррацИ!

Жагъил хъунри цаличи ца чебутулхъан. Имаццира ГІяшурара илди декІарбарес бетулхъан. Амма гІяхІдеш хІебирар. Илдала тІама-гъамаличи полицияла хІянчизарти музабулхъан, илдани Жариятра Жамилатра участоклизи арку, бяргІибси ва хІябцбикІусИ хъули кабалта. КІелра хъунул, урухдарибти къакъбуниван, декІар-декІарти гІямзурбази пяхъбиркур. Улкъайла шишала ургабад башули, унзала тІярхъилабад арбашусИ дягІли илди биргІяхъу, рур-жескайу. БархІехъ полициялизив Имацци дакІуулхъан.

ИМАЦЦИ. Гъари, дила урши, ишди нусира къацІра Жариятлис деда, иш хІяка биалли – Жамилатлис.

(Жагъил полицейский тамашарар).

ПОЛИЦЕЙСКИЙ. ВяхІ, сен кІлисалра кьацІра кІлисалра хІякнира хІехибти?

ИМАЦЦИ. Ва дила урши, адамла лерил секІал хІедиалли, ил цархІилличи гІягІнииркуси ахІен.

ПОЛИЦЕЙСКИЙ. Аргъира, дудеш! Жариятлис – нусира кьацІра лугас, хІяка биалли – Жамилатлис.

(ХІякализирергурли, Жамилат Жариятличи кьакъбарили, кариръур. Жарият кьацІли рукесрирар, амма, руржули, Жамилатла хІякалиур ванариэс кьасбиру).

ЖАМИЛАТ. Чина ляркьулри, урезагар? (Илини Жарият кьужриру).

ЖАРИЯТ. Аллагъ багъандан, рузи, рахъ ряргІилрану, хІякалиур ванари-ахъес ратаба. Нуван хІура гушриубли рургудну, ма, нусира кьацІра хІунира деркен. ХІела хІякалиур ванариахъес нура ратаба.

(Жамилатла иличи уркІеуІидулхъан. Илини нусира кьацІра сайсу, ва Жарият хІякалиу каралта. Савли полицейскийли унза ибхъу ва гьалабла кьаршикартачи тамашаирар).

ПОЛИЦЕЙСКИЙ. ДелхІунрав, гІянтІикІаби! *(ГъинчІилзан участковъй).*

ЖАМИЛАТ ВА ЖАРИЯТ. ВелхІунрив хІура! *(ХІякара убасили, кІелра хъунул адам ахъбилзан, цаличи ца хІербизурли, гъинчІилзан).* Жан узи, гІур нуша кьалмакъарли хІедиркьехІену, даткааба.

(Пардав)

УРЕГИБИЛ СУРАТ

Чакарла гавлаг

ХАМИС. Ва ГІяшура!

ГІЯШУРА. Я-я! Се рикІулри, дила унра?

ХАМИС. Тукейзи хили чакарла гавлагуни херри! ХІед чакар гІягІнили биалли, кьалабарики тукейзи. Адерхес асубирарну.

ГІЯШУРА. БусягІят аркъяс, дила унра. БусягІят! Чакар агарли компотунира мураббара секъяйда даришара или пикририкІусири. ГІяхІ бакІаб хІечи, гІяхІси хабар бурибси. *(Разириубси ГІяшура, касили арира тукейзи дуцІрулхъан. ЦархІилтас гьаларухъи, илини чакарла гавлаг сайсу, амма ахъбуцес хІерирар. Гумайлавси Имаццизи жирикІар).*

ГІЯШУРА. Ва Имацци!

ИМАЦЦИ. Гъу! Се рикІулри?

ГІЯШУРА. Чакарла гавлаг ахъбуцес рирули ахІенрану, ваши. Гавлаг хъули буха!

ИМАЦЦИ. БусягІят, дила хабчаб! БусягІят! *(ВахъхІи пикрихІейІули, Имаццили, тья пухІялаван, гавлаг ахъбурцу ва арху. Цакамси тукейчивад гьарахъикили гІергъи, ил пикриулхъан).*

ИМАЦЦИ. Дила пикри хІясибли, ГІяшура, иш гавлаглизир шуцІали килограмм чакарла агара: гавлаг дебали кункли саби. Ит гІямултар ГІябдурашидли нуша диргІядиргилра.

ГІЯШУРА. Валлагъ, Имацци, хІу вархъли викІулри. Ил хІуни архуси гавлаглизир шуцІали кило чакарла агара. ГІябдурашидли председателъла хъунуйс бедибси гавлаг нушала гавлагличиб халасири. *(ГІяшурали Имаццила таиммигъала гІердурцу).*

ИМАЦЦИ. *(Байхъала гъуни ахъили, ил гIурра пикриулхъан)*. Юх, ГIяшура, ГIябдурашид – вархъси адам сай. Ил хIяжлизи укъес хIядурикIули сай. Илини нуша диргIядиргили ахIенра. Хъули ветаэс байхъала гъуни лебал, ну биалли гъаннал вамсурлира. ХIебиалли гавлаглизир шуцIали кило чакарла дургар.

ГIЯШУРА. ХIу вархъли викIули ургуд, дила Имацци. Гавлагла чедила арзIерзили, ГIябдурашидли секъяйда чакар убасес вируси? Илар шуцIали кило хIедиалри, вамсурли хIу илцад хIунтIенируси ахIенри.

ИМАЦЦИ. *(ЯхIлизикибси Имаццили майализи гIелакили гавлаг хъули бетиахъу)*. Агъагъай, ГIяшура, хIябилра къиянни леб гъанна, ну ухънавайбхIели, ишди ганзухъуни ахъес... *(ДекIли гъигъикIули, илини кIишбил дерхIичибси гъаргала гIямзила гавлаг кабирхъу)*. Валлагъ, ГIяшура, иш нуни сабухибси гавлаглизир шуцIали ахIенну, верхIцIали кило дургар. ХIедиалри, ну ишцад умсуси ахIенри.

ХIебиалли, ГIябдурашид – гIяхIси адам сай. Илини нуша диргIядиргили ахIенра. Баркалла биаб сунес. *(Имацци хIулуркIар, делхъ диру. Сунечил рулхъ-ахъес ГIяшура жириру ва далай бучIа)*.

**Набчилри хIу, набчилри
ПухIбикIухIели бирис,
ВацIала галгубачиб
БицIахъули цIуб сирис.**

**Набчилри хIу, набчилри,
ДилкъухIели цIуб бягIли,
Мургъили дикухIелра
Шиниша кIапIри дягIли.**

(Пардав)

ВЕРХIЪИБИЛ СУРАТ

Имаццила масхара

Имаццила унра, илала черикIла юлдаш, букIун ИсмягIил шилизи лявкъян. Имацци иличи гъавикIур, яхши-хушдиру, арадешличила хъарбиу. Юлдашунни букар, бужар, кIелра далайбикIар.

**БерхIи гIелабикалли,
Вавна букIри къухIдурцу.
Юлдаш гъарахъикалли,
Дай уркIи дардли бурцу**

(Имацци хъули аркъухIели, хъа регIли илис, сукурализи кабирхъили, мазала нусила бутIа луга). КурамяхIяммадли ил чебиу.

КУРАМЯХIЯММАД. Имацци, чинад бикиба хIед ил мазала нуси

ИМАЦЦИ. Тукейзиб. *(Масхара буру Имаццили. КурамяхIяммад биалли хъули къалабаиркур ва унабурхIичибад вявъиру)*.

КУРАМЯХIЯММАД. Хъунул! Хъярхъли тукейзи рукъен, илаб мазала нуси бирцули саби бикIарну.

(КурамяхIяммадла, хъунуй ХIялиматли, бакъибси лебил шантани балахъа. Илини сагаси хабарличила лебил тухумтази балахъу. ЦабехIли цархIилтази.

Илкъяйда хабар лебил шантази хъярхъли тІинтІбирар. Иличила ГІяшуралира иргъу).

ГІЯШУРА. Ва ПатІимат! Къалабали тукейзи раши, илаб мазала нуси бир-цули саби бикІарну: къандиэхІелли, нушаб селра хІебиркур.

ПАТІИМАТ. БусягІят! БусягІят!

(Хъунул адамти ахІи, мурул адамтира тукейзи дуцІбикІухІели, Имацци тамашаирар. Илини хъунрас гІелавад дуцІикІуси ХІямид чейу).

ИМАЦЦИ. ХІямид, хІу чина гъалаклири?

ХІЯМИД. ХІуни чехІебиулрив, хъунул адамти тукейзи дуцІбикІули? Мазала нуси асес дигула. Ил вайси биалри, лебилра тукейзи дуцІхебикІи.

ИМАЦЦИ. ВяхІ, марли тукейзи мазала нуси сабухилив? Или хІебиалри, лебилра ила дуцІбикІив? *(Имаццира лебтас гІелавад тукейзи аркъян).* Ягъари, чили саррая хІуша, тукейзи мазала нуси хили саби или, диргІядиргибти?

ПАТІИМАТ. Нуни ил хабарличила ГІяшуразибад саби аргъибси.

ИМАЦЦИ. ГІяшурани чизибад аргъибси?

ГІЯШУРА. Нуни иличила ХІялиматлизибад саби аргъибси.

ИМАЦЦИ. ХІялиматли чизибад аргъибси?

ХІЯЛИМАТ. Нуни иличила дила мурул КурамяхІяммадлизибад саби аргъибси.

ИМАЦЦИ. ХІуни, КурамяхІяммад, чизибад аргъибси?

КУРАМЯХІЯММАД. Имацци, хІуни сабригу тукейзи мазала нуси хили саби ибси.

ХІЯЛИМАТ. Ягъари, Имацци, хІуни КурамяхІяммадра виргІявиргили, нушара диргІядиргили, сен хІура иша вакІибсири?

ИМАЦЦИ. Лебилра тукейзи дуцІбикІулри – нура вакІира. Нуни хІебагъурра дила масхарали ишдицад тІама-гъама диру или.

ЛЕБИЛРА. Ишичигу, урузра хІекІули, гъинчІкайзурси! Валлагъил гІязим, хІу танбихІлахІерили хІелтари.

КУРАМЯХІЯММАД. Се танбихІ бирехІе гъатІи ишис?

ПАТІИМАТ. Савли шаладикайчи масхурта угъахъес хъарбирехІе.

ГІЯШУРА. Юх, ил камси танбихІ саби. Нушани иличи тІашбизагарли шаладикайчи улхъахъес хъарбирехІе.

ХІЯЛИМАТ. Яра шаладикайчи далуйта учІахъехІе.

ЛЕБИЛРА. Нуша диргІядаргили, нушачив чевдукаругили, паргъатли валтари или гъанбиркулив? Валлагъил гІязим, хІелтари. Гъари, Имацци, башахъен далай!

ИМАЦЦИ. Башуста.

**ХІушаб ахІенси далай
БелчІес къасра агара.
ХІуша агарли уэс
БикІлил пикри агара.**

(Агурби зайдулхъан. Лебилра булхъар)



МутГалим МутГалимовис - 60 дус

МутГалим МУТГАЛИМОВ



ЛЕБ АХЪДЕШ

Леб ахъдеш дила халкъла
ТНабигІятла хІяяла,
Дусмани хІялумцІурти
Зегъала ва ламусла.

Ил хазна чеббицІахъес
Чебси саб гъарилчи,
ИмтихІянти гъандуцес
Хъарси саб адамличи.

ХІелтари ил ахъдешли
Хандакълизи кайкахъес,
Ламус-хІяя дицили,
Адам сайра вицІахъес.

Леб ахъдеш гІеббашуси
ГІергъити наслубачи,
Дунъяличи дакІнила
Хабар гІелаб балтуси.

ЗУБАРТАЧИ

Дугила зубартачи
ХІерикІули кайилра,
Зурбаси ахъдешлизи
Пикрумазив урцулра.

ДуцІбухъун дила бидав
Далайла гІинизличи.

Зубарти-ургаб дила
Зубари чебиулра,
Дила уркІилизирти
Илизи гъаргдирулра.

Чедухъун азир суал,
Дирхъули мехІеличи,
Баргес лайикъси гІямал
Хъарси саб шягІирличи.

ЖурдикІар жалдяхъили
Азир пикри бекІлизир,
Дунъяла дигІяндешла
Ясирси шягІирлизи.

БумцІахъули дила гъанкІ,
Дургъули сар дугурби,
ХІисаббиуб бацла линкІ,
Дурхъули ванал дугъби.

ГІяршлизибад гІяхІси гъав
ГІяхІладли бакІиб набчи,

Илгъуна саб шягІирла
ХІяракат дунъяличиб,
Азир гІямал ирзули
Дагърила гІевдухълизир.

АХІЕН ВАНАБИКІУЛИ

Бурсиварес хІебиуб
Шагъарли ну сунечи,
Шагъарлизив виасра
УркІи саб дубуртазиб.

Къяна-шилтахъ гъаргъдеш сар
Алавбуцили шагъар,
Хъямчиба, хІякимта сар
Маслис дихъили магъар.

Ил хІекъдеш дила рухІли
Бирули ахІен къабул,
Кабяхъибсиван саби
Набзи даршлихъла гІябул.

Макру-шилтахъ дарили,
Шагъар дугъбазиб саби,
Баракат убасили
Къунби кеплизир сари.

ДугІла жанивартиван,
ХІякимти хІяйтли саби,
УрхІла къиян букули,
Къуртмаби багъли саби.

ХІякимдешла тахличир
Къалмакъар-къавгъа сари,

Цали-ца бергес булан
Илди хІядурли саби.

Илдачир дукаркІули
Сар дила уркІи, дагъри.
Дубуртачиб пархбикІар
Дила рухІла зубари.

Дубуртазиб саб уркІи –
Сайра урши хъубзарла,
Гевдухълизир хІерли сар
Набчи къякъра убзара.

Дубуртазиб саб уркІи –
РухІла ахъанайтачиб,
ЛавшардикІули арши
Сар мургъила хъумачир.

Дигахъира илкъяйда –
ХІякъикъат цархІил саби,
Пайтли сари, сепайда,
Хъуми, унхъри ва мурби.

Агъули гягІбикІули
Саби багъси шагъарра,
АхІен ванабикІули
Шилизиси анкъира.

ЦА ТЯНИШЛИС

ШутІни-къунби датину,
Гъарахъдара пашмандеш
ХІела уркІила дайлаб
Кабизахъа гІячихъдеш.

Ца ерсла гъаммайрахъид
БяхІягар кІибяхІяндеш,

Гъарахъдара, ванцІухъи,
Сабурагар ташмишдеш.

Чемайахъид къат бабзси
УркІиличи чурхдешла,
Виркмаркуд качІубаз
Къяркъдеш-жанивардешла.

СЕ БИРУСИ?..

Се бируси лебли цІакъ
УрхІладецІиличи гІянцІси,
Кумекличи хІяжатси
Баралра гІевхІевцибси?

Се бируси лебли мас,
Мурхъли дигІянбарисси,

УркІецІиличи хъарси
Пакъир харихІейруси?

Се бируси лебли пагъ,
УркІилаб бацІахъибси,
Пагъмула гъелизибад
Сабухъ хІебакІахъибси?

ХІУ ЛЕРСИ МЕРЛИЧИВ

(Далай)

ХІечи дила дигай
Адалки сари,
ХІечи дила карцай
Дургъули сари.

ХІу агар мерличив
Ну цІуръаванра,
ХІу чехІериънав ну
Ятимван сайра.

ХІу лерси мерличив
Шагъван шадлира,
Шагъдеш дакІибтиван
ТалихІчевлира.

ХІу агар мерличив
Ну сукъурванра,

Бацбуркъла дугиван
ЦІудар-цІяблира.

ХІу лерси мерличив
Мекъличивванра,
Ниъла шарализив,
Алжайзив сайра.

ХІу агар мерличив
Гаша убкІулра,
Беръубси галгаван,
ТІашли уръулра.

ХІу лерси мерличив
Карцайла цІара,
Нуван цІаурли
ХІебургар цІара.

ВАРИ...

Вари, вари, викимайкІуд
«Дунъя каш саби» или,
«Ну къулса сайра» или;
«Варг – урхъу саб» или.

Вари, гъанмабиркахъид
«ГІямру делхъ сари» или,
«Дунъяличив нугъуна
Делхъчи агара» или.

Вари, гъанмабиркахъид
«Ахърила вегІра» или,

«Дунъя убилчеббарес
Дила ахъри леб» или.

Вари, паргъатли вари,
Уэн иш дунъяличив,
Букули къадарла каш,
Дирули тяхІярла делхъ.


Ахъри-цІакъ агарсилис
Бирули даим кумек,
Мискин-пакъир адамлис
ДуртІули уркІи-дулекІ.

СЕН?

– Къагъсиван, кепсиван, кеп агарсиван
Сен хІу къунзикІулри дунъякад, адам,
КъакъавакІахъилрив, бура, хІу сели,
Чи саю ирхъуси хІела чархла кам?

Кайзурсирив, бура, сен хІу къямкъяван,
Суалти чедухъив ахир агарти?
Ца хІекъдеш, марлира, хІуни аргъилрив –
Суалтачир камли дирни жавабти.

Урусла литературализидбад



Л. Н. ТОЛСТОЙ

ХІЯЖИ - МУРАД

(Хъарахъуд)

Сунечи къаршили бархъибти Шамилла муридуназивад гъавулхъули деркѳибти гъанкѳ агарти дугурбала гѳергъи, ХІяжи-Мурад илхІяйзивал ускаун. Ил усулри палтар черхѳедушили, хъа вегѳли кабихъибси базла гІянайзи гІинибикибси някъличи хъаряхъили. Сунечивад гъарахъли ахѳи, вяхѳчили усулри Элдар. Элдар къакъличив усулри, тѳинтѳдарили сунела жагъти чѳумати биркѳанти, ахъси михъири цѳудара бирцѳлумачилси цѳуба черкескаличилси, сагали бялгѳи, гІянайчибад жибжиркабухъунси хъанцѳа бекѳличил. Цабара биштѳаталаван къукъбизурси, гъезла пушлибяхъибси илала чедибси кѳентѳ марли укусилагъунари, къакъарабирули гъарграбирули. Илра усулри ХІяжи-Мурадван палтарчевли, тапанчаличил ва шушкаличил. Хъа пичлар дигубли тамандирулри галгала къялуби. Хъали шалабирули пичлизиб алкири ца цѳуденга. Дайдуги унза гъичѳдухъун гІяхѳлала хъулир ва ХІяжи-Мурад илхІяйзив харчизур ва тапанчаличи хъямвахѳиб. Хъули мяхѳкамси ганзличил гІянжила чѳябарличивад Садо ацѳиб.

– Се гІягѳнилив? – хъарбаиб ХІяжи-Мурадли ахъси гъавличил, сай усра хѳевсусиван.

– Пикриикѳес гІягѳнили саби, – иб Садони, къукъубачи цѳуцѳиили, ХІяжи-Мурадла гъала. – Хъалчличирси хъунул адамли чеилри хѳу лявкъули, – иб илини, – ва муруйзи бурилри, гъанна биалли лебил шили балули саби. Гъанна хъунуйчи унра ракѳили бурилри хѳу тѳашаэс бухънаби чукурбиркниличила.

– Арукъес гІягѳнили саби, – иб ХІяжи-Мурадли.

– Урчи хІядурли сари, – иб Садони ва хъярхъли хъулилад дуравхъун.

– Элдар, – гІяшли шутѳухъун ХІяжи-Мурад. Элдарли бакъили сунела у ва сунела муршидла тѳама, сунела чѳумати къяшмачи тѳяхѳухъун, къапѳа балбирули. Ва кѳелра лехѳли бурхѳлиу дурабухъун. Цѳудара хѳулбар уршили урчи кадукиб. Урчала къяшмала тѳамаличи унра хъулибад чиларил бекѳ гъаббакѳиб. Урца дабрили къутѳикѳули чирил ца адам музаличибси мижитлавяхѳ дучѳухъун.

Бац бугаги, амма цѳудара заклизир зубарти дебали алкири. Ва цѳябдешлизир унраличирти хъулрала къаралдлуми чедиулри ва бегѳла чедибси

шила мижитла ахъси минараличилси хъалч чебиулри. Мижитлабад тѳамара чебиулри.

Хѳяжи-Мурадли ярагъра хапдариб, къяш къакъаси къяшликайзи кабатур ва ахъси улибхъала миндарличи тѳама агарли, лехѳли кайиб.

– Аллагъли хѳушаб гѳяхѳ габ! – или хъа вегѳлизи, цархѳил къяшли, гъар-бирухѳеливан, къяшликайзиб мер бургули. Гѳур урчи буцибси уршиличи гѳярчумагли бара къячикиб, ил гъарахъикахъес багъахъес. Урши гъарахъикиб, ва урчи гъайбиуб сунес барес гѳягѳниси, сунени балусиван къакъакад халал гъуйчи. Элдар гѳелавад вашулри. Хѳякачевли, някъбара гъакѳикѳули, илдас гѳелавад дуѳикѳулри Садо, цайна ца шайчи ветулхъули, цайна итил шайчи къакъаси къакъакад. Дураулхъуси шайчиб, гъунила чедиб журтѳикѳуси къаралди дакѳубиуб, гѳур – цархѳилра.

– Тѳаш! Чи сая лявкъуси? Тѳашизи! – вявѳиб тѳамали. Ва чумал адамли гъуни гъабариб.

Тѳашизесила мерлаб, Хѳяжи-Мурадли хапбарили тапанча дурасиб ва, хъярхъбарили урчи бархъли гъуйчиб гъалабизурти адамтачи бяхѳбариб. Гъуйчиб чукурбикѳити адамти цашайчибикѳиб, ва, гѳела хѳерхѳеили, Хѳяжи-Мурад хъярхъли гъуйчивад катхѳел арцур. Элдарра илис гѳелавад хъярхъли арцур. Илдас гѳергъи къяйкдухъун кѳел тупанг, арцур илдала бургала черкад кѳел хѳярхѳя, я Элдарличи я Хѳяжи-Мурадличи къячхѳедики. Хѳяжи-Мурад даи-миублири левси тяхѳярли вашес. Цахѳябдарш ганз ахъили, илини бамсурси урчи цабара багълабариб ва алав лехѳихъесвяхѳиб. Гъалар диалли, мурхъси къадалар, тѳама-гъамали диркъулри хъярхъти хѳеркѳла шин. Гѳелар биалли шила дагъналас тѳама-гъама дикъулри. Илди тѳамрала ургабад Хѳяжи-Мурадла къакъла гѳелабад дакѳудиуб урчала хъапѳарла ва гъайла тѳама. Хѳяжи-Мурадли урчи цагъуна паргъатси ганзличил гъайбариб.

Гѳелабад лябкъути бахъхѳи агарли Хѳяжи-Мурадлис гѳеббаиб. Илди гъалцад урчила мурда лебри. Илди Хѳяжи-Мурад тѳашаэс къасбарибти шила халкъ сабри яра Хѳяжи-Мурад уцес или Шамилла гъалаб умубиэс къасла бегѳти. Ил замана, илди гъамбиубхѳели, Хѳяжи-Мурад тѳашизур, лайбакѳили ургъурра, тупангла къап арзиб, ва гѳядатли бирухѳеливан ил дурасиб. Элдарлира илкъяйда бариб.

– Се гѳягѳнилив? – вявѳиб Хѳяжи-Мурадли. – Уцес дигулраяв? Гъу, уцабая! – ва илини тупанг ахъбуциб. Шила халкъ тѳашбизур. Хѳяжи-Мурад, ца някълизи тупангра буцили, увяхѳихъесвяхѳиб. Урчала мурдни иличи гъамхѳе-бирули, илис гѳергъи башулри. Хѳяжи-Мурадли ил гъярбик ахъили, цархѳил шайчи ветухъи, шалгѳевулхъухѳели, гѳелабад лябкъути урчала мурднани ахъли вявбяхъиб, чус дигуси бурахъес лехѳахъахъес. Илис жавабли Хѳяжи-Мурадли тупанглизибад къяйкасахъиб. Ил тѳашизурхѳели биалли, илис гѳергъибикѳит-тала тѳама-гъама аги. Хѳергъулри дагъналара тѳамри, чѳянкѳли иргъулри умути шинна умуси кѳухла тѳама ва рах-рахли тѳумала бисара. Цѳудара тугъла ваѳала бяхѳ дебали гъамли сабри. Ил сабри ит ваѳа, баягъи сунезибра сунечи хѳерли сунела марти муридуни лебси. Гъамиубли ваѳаличи, Хѳяжи-Мурад тѳашизур ва, хургърази халаси гъава бучили, шятѳиб. Гѳур шипѳвяргѳили лехѳахъиб. Ца минутла гѳергъи илгъуна тѳама бакъиб ваѳализибадра. Хѳяжи-Мурад гъуй-чивад шалгѳеввикиб ва ваѳализибяхѳи гъуни буциб. Даршал ганз каѳибхѳели, Хѳяжи-Мурадли галгуби-ургаб алкунси цѳа, адамтала къаралдлуми, цѳала

мякьла кабибти ва байхъу шалабарибси цџали урухбиахъубси улибхъачебси урчи чедаиб.

Цџала мякьла кабибтазивад ца адам хъярхъли айзур ва ХІяжи-Мурадличи гъамиуб, ургъур ва къяшликан дуциб. Ил сайри кџарахъан ХІянапи, ХІяжи-Мурадла ула узи, ХІяжи-Мурадла вегџдешлис къуллукъбирусси.

– Цџа бишеная, – иб ХІяжи-Мурадли, урчиличивад кайцџули. Адамтани ита-иша тџинтџибури цџа, ганзбиресбяхџиб.

– Леврив ишав Бату? – хъарбаиб ХІяжи-Мурадли, убушибси варгъиличи гъамирули.

– Леври, гъалавал Хан-МяхІяммадличил арякъун.

– Чиди гъуйчибад арбьякъуна?

– Иш гъуйчибад, – жаваб чарбариб ХІянапини, ХІяжи-Мурадхъали бакџибси чучи бяхџисси гъуни чебиахъули.

– ГІяхџиси, – иб ХІяжи-Мурадли. Чебахъили тупанг, ил янсавли бирцџе-свахџиб. – МяхІкамиэс гІягІнили саби. наб гІергъибухъун, – иб илини, цџа билшусси адамличи дугъаилзули.

Ил сайри чечен ХІямзалав.

ХІямзалав варгъиличи гъамиуб, иличи кабибхъибси къаплизисси тупанг касиб ва, чучи ХІяжи-Мурад вакџибси диркъала дубличи арякъун. Элдарли, урчиличивад каџили, ХІяжи-Мурадлара сунелара урчала ургъурти дуциб, ахъли зуздарили кџилалра бурги, галгализи дигъун, гІур биалли, ХІямзалав къяйда, касили тупангра ца шайчи кахъили, диркъала итил дубла арякъун.

Цџа бишун ва илхџели ваџа илцадра цџударли кахџебизурлири, сенкџун гъаларван алки хџедиалра, зубарти бара алкири.

Байхъала заки адаибти хІябдьяргъиличи хІеризурли ХІяжи-Мурадли багъур, гъанна бай дугира арбьякъи биъни ва дугела дехџибайс гъалабал замана баили биъни. Илини ХІянапизи, мурталра бихусси хунжлизиб гажин, хъарбаиб ва чегъурли варгъира сайра, шичи арякъун.

Чердатурли дабри, дазала дариб, ХІяжи-Мурад цайкъяшмачил варгъиличи тџашизур, гІур къукъмусикиб ва тџулба лихџибира кџапџарили, хІулбира чедихъили, къиблаличи вяхџиубли гъар бархџи дучџути балгна учџесииб.

Тамандарили дехџибалара, ил сунела мерличи чарухъун ва, кайили варгъиличи, някъба къукъубира къакъадарили, бекџ гІяшбуциб ва дебали пикриухъун.

ХІяжи-Мурад сунела игъбарличи мурталра вирхулри. Се – биалра барес балбурцухџели, ил гъалахили чџумали вирхулри ил секџал бетурхнилличи ва лерилра сунес дигусси тяхџярли детра детурхулри. Илкъяйда сабри, рахли ахџи, лерилра сунела дебали хъярхъти дергъла гІямрулизирра. Или бирар или ил гъаннара вирхулри. Илис гъанарулри, сунесра Воронцовли бедибси гІяскарличил, сай секъяйда Шамилличи къаршили дураулхъанал ва ил ясирлизи урцибал ва секъяйда илис чеббирцџибал, ва секъяйда урусла пачани сай шабагъатлавирибал, ва сай секъяйда гІурра лебил Авариялис буйрухъикџес вирибал. Авариялис ахџенну Чечнялисра бархли.

Илини муэртазиб чебиулри, секъяйда сунела багъадуртачил далайличил ва тџамрачил «ХІяжи-Мурад льявкъули сай» или, арцурли Шамилличи льявкъули ва ясирлизи урцули Шамил сунела хъунрачил ва бикъулри, секъяйда

агъи или бисулрил хъунри. Ил чеваргъиб. Илди сарри, хІяв буцІала авъала, чулира сай чеваргъахъибти. ХІяжи-Мурадли бекІ ахъбуциб, хІеръиб цабара шалабиубси галгуби ургабад бацла шалаличи ва сунечивад бара гъарахъли кайибси ца муридлизиди Хан-МяхІяммадличила хъарбаиб. Хан-МяхІяммад гъачамлис чархІевхъниличила багъурхІели, ХІяжи-Мурадли бекІ гІяшбуциб ва илмадан усаун.

Ил чеваргъахъиб, Батучил сунела вакилдешла архІяличивад чарухъунси Хан-МяхІяммадла разиси тІамали. Ил ХІяжи-Мурадличиди гъамиуб ва секъяйда чус солдатуни гъунибаибал бурес вехІихъиб ва секъяйда гъунибаибтирил марси князьличил секъяйда гъайикІил князьличил, секъяйда князь разивиубал ва къаршиикес къабуликибал савлила замана Мичик хІеркІла гІелав Шалила диркъаличив. Батунира ургаверхурли сунела баянтира имцІадирулри.

ХІяжи-Мурадли дебали чеветаили хъарбаиб марли сегъунти гъайли жаваб лугибал Воронцовли ХІяжи-Мурадли сай урусунала шайчи вакІес гъалабихъниличила. Хан-МяхІяммадра Батура ца мухІилилабад гъайбикІулри, секъяйда князьли чесибал ХІяжи-Мурад дебали гІяхІси гІяхІялван къабулварес ва се-дигара барес ил гІяхІли хІериахъес. ХІяжи-Мурадли гІурра хъарбаиб гъуниличила ва Хан-МяхІяммадли аргъахъиб, сунени ил гъуни гІяхІил балниличила ва саби бархъли аркниличила ил мерличиди. ХІяжи-Мурадли касили арц Батузи дедиб, сунени чесибти хІябал къуруш: сунелатази биалли хъарбариб чедихъибти таврумазирад касахъес сунела мургъила някъишличилти ярагъ ва чялмаличилси къапІа, саби муридуниди умубиахъес, урусуначиди жагали балкъаурли бакІахъес. Ярагъ умударая, улибхъа, урчала ял-къама далдарая. Хабурти дишун, дебали гІяхІил шалабиуб, ва савлила багъласиди цІуэри багъла-багълали сабухъун.

Савли гъачамлис цІябли лебалли, Полторацкийла някъла удир кІел рота бардначил дурадухъун ЧяХІригала ирхъяйла гІела вецІал километрла гъарахъли ва тІинтІбиубли солдатуни шала пІякъдикибхІели, дирихълизиди бархбикибси бикъурсиди цІала тІягІямли гавдикІути зярхІти тІякъярдикІути урца вера лагдяхІ ахъдирес дехІдихъиб. Ва гъалаб шел ганзла чехІебиути, бикъун бикъути цали ца чебиэскабииб, цІара чебиэсбяхІиб, галгубани кІапІбарибси гъунира, сабира вацІа-ургабад аркъусиди, берхІира шалабикІули дакІубулхъулри шаласиди дамгъаван дирихълизиди яра гІурра бетихъулри. Гъунчибад гъарахъли ахІенси диркъаличив даманачиди кабиилри: Полторацкий сунела офицер Тихоновличил хІябэсил ротала, кІел офицер ва, дуэль багъандан разжаловатъварибси, гъалавла кавалергард Пажеский корпус хІясибси Полторацкийла юлдаш барон Фазе. Дамани-алав тІутІулири берк-берж кадихъибти кагъурти, папрусунала къандакъуни ва дацІти шишни чедиулри. Офицертани гІяркъиди держилри, букулри ва даимбиублири портер дужес. Дамла вегІли гехІэсил шиша абхъилри. Полторацкий, сунени гъанкІ хІехъниличиди хІерхІеили, ца ахъсиди гъавлизив сайри, рухІла цІакълизив ва гІяхІдешлизив, сайра сунела солдатунала ва юлдашунала ургав, чинаб урехиди имцІали лебли биаллира мурталра вирусиди.

Офицери-ургар демжурлири бегІла гІеларти сагати хабуртачил гъай генерал Слепцовла бекІаличил. Ил бекІализиб чилилра селра чехІебаиб,

беглара гІягІниси ишти гІямрулизисби кІантІси манзил – сунела таманбиїни ва чарбухїни сунела бекІ урунжличи, сунезибадра саби дурабулхїуси. Чебиулри ца жагїдеш хїярхї офицерла, сайра шушкаличил чевхїунси дубурлантачи, илди кїирбирули. Лебтанилра, имцІали ил хІянчилизиб калунти офицерти, балули яра багїес бирули биалра, илхІели Кавказла дергїлизиб, я мурткІал чинабалра биїс биїни шушкначилси бїяхї, сабира мурталра бируси ва лукІуси, (рахли биаллира илгїуна някїла дїав шушкначил ва гїуцачил, я бирхїу, я кабуршу гїаббухїунтицун). Ил кїалп някїла дергїла офицертанира марбирулри ва лугулри илис ил паргїатси пахру ва разидеш, сунечилра саби, цабехІ жагїдешла, цабехІ иличи ургїебли, бегІла уктемдеш агарси куцличил кабиилри даманачи, папрус битІикІулри, бужулри ва масхурта бугїулри, бекІаличила кїайгїи хІебирули, сабира Слепцовлис кїайдали гїар минутла бухІнаб гїариллис гїеббаїс бируси. Ва марлира, марбирусиван илдала хІер, гїайла ургаб гїунила алгїай шайчиб дакІубиуб сакІубси жагаси тІама тупангла хїярхїли кїайкбарисби ва хІярхІяла, разиси шїятІла тІамаличил арцур чинаб-сабрил дирихїла гїавализиб ва галгализи минабиуб. Гїур солдатунала тупангунала ахїти кїайк-кїуйк жавабли диуб душа кїайк-кїуйклис.

– Эгї! – вїавїиб разиси тІамаличил Полторацкїийли, – итути цепїлизиб саби! Гїу, дила узи Костя, – дугїаизур ил Фрезеличи, – хІела игїбарлис укїен роталичи. Нушани гїанна цакїси дергї бирехІе, сегїуна жагадешал! ХІяз бирехІе.

Даражализив гІяшварисби барон кїяшмачи харчизур ва гавличивхІ вархїиуб, сунезибра илала рота лебси. Полторацкїийличи гїамбарис сунела бишгІаси кабардин урчи, иличи айиб ва ротара тІашбатурли, цепїлизибїяхІ бархїбарис, итути хІярхІубала тІамаличибїяхІ. Цепї тІашлири вацІала дублаб катхІелбїяхІ аркїуси чІянкІа кїадала гїалаб, амма ил мер дебали чебиулри.

Полторацкїий цепїличи гїамиубхІели, берхІи дирихїла удибад гїаббакІиб ва кїадала итил шайчиб, цархІил шайчиб камси вацІа лебихІиб, даршал-даршлим гехІцІали метрла гїарахїли чебиулри чумал урчила мурда. Илди сабри итди чеченти, сабира ХІяжи-Мурадлис гІергїибухїунти ва чебаїс дигути ил урусуначи секїайда аркїянал. Илдазивад цали сабри цепїлис игїубсира. Цепїлизибадти чумал солдатли илис жаваб чарбатурлири. Чеченти гїелабїяхІ арбїкїунхІели, кїайк-кїуйкра тамандиуб. Амма Полторацкїий гїамиубхІели сунела роталичил, илини хїарбарис итахїес ва илмадан буйрухї бедибхІели кІухдухїун лебилра цепкад таманхІебируси, разиси, гїав ахїси тупангунала кїайк-кїуйк. Солдатуни разили хІязличи хїярхїбикІулри, тупангуни янсавли дирцїес ва хІярхІялис гІергїи хІярхІуби датиулри. Чечентанира, марлира, гїав ахїбиубли бургину, илдира гїалабїяхІ тІяхІбулхїули, цалис гІергїи ца солдатуначидїяхІ чумал хІярхІя датаиб. Ца илгїуна хІярхІяли солдат вїахїиб. Солдатра дигІяникили кайибси Авдеев сайри. Иличи юлдашуни гїамбиубхІели, кайхїири ил кїакїчели, кІелра някїли канилизисби дїахїира буцили сайра ва цаагили гїакІакїули.

– Ярагї хІядурдарес вализурхІели бикїулла – чІярхїасили, – вїкІулри, сунечил варх левси солдат. – ХІерикІулра – илини ярагї баткаїули.

Авдеев сайри Полторацкїийла ротализивад. Чебаили чукурбикибти солдатунала кїукїя, Полторацкїийра илдачи гїамиуб.

– Гьу, узи, агибу? – иб илини.– Чина?
 Авдеевли жаваб хІегиб.

– Ца вехІцунри вихьибси ярагъ хІядурбарес, хІела чевяхІдеш, – гъайухъун Авдеевличил варх левси солдат, – бикьулра чІярхъасили, хІерикІулра – илини тупанг баткаили.

– Те-те, – лезмили тІямкъухъун Полторацкий.– Дебали изулив, Авдеев?
 – Изули ахІен, амма вашахъес валтули ахІенра. Чягъир диаллири, хІела чевяхІдеш. ГІяркъи, Кавказлизир солдатунани дужути спирт даргиб ва Пановли чебхъализир Авдеевличи гъамдариб. Авдеев держес вехІихьиб, амма итмадан някъли гъарахъдариб.

– УркІили къабулдирули ахІен, – иб илини.– ХІуни держа.
 Пановли спирт тамандариб. Авдеевли гІурра айзес къасбариб ва гІурра кайиб. Шинель тІинтІбарили, иличи Авдеев кайхьиб.

– ХІела чевяхІдеш, полковник льякъули сай, – иб фельдфебельли Полторацкийлизи.

– ГІяхІси саби, хІуни бекІвара, – иб Полторацкийли ва, гІярчумагли гъакІбарили, хъярхъли Воронцовлис гъала арякъун.
 Воронцов льякъулри сунела умути ингилис хІила цІа-рангла къарабяхІличив, полкла адъютантличил варх вашули, къазакъличил ва тилмаж чеченничил.

– Се биублив хІушачиб? – хъарбаиб илини Полторацкийлизи.
 – ХІера дурабухъун къукъя ва цепьличи чебухъун, – жаваб бедиб Полторацкийли.

– Гьу-гьу, илди лерил секІал хІушани дарадая.
 – Нуни ахІенригу, князь, – пишяхъили, иб Полторацкийли, – саби дурабухъун.

– Нуни бакъира солдат вяхъили сай или.
 – Ге, гъай-гІяйиб. ГІяхІси солдат сай.
 – ДекІлив?
 – ДекІсигъуна сай, – канилизи чегили саби.
 – ХІуни балулрив чина аркъулрал? – хъарбаиб Воронцовли.
 – ХІебалас.
 – Марлира, шакхІеркулрив?
 – ХІерикІулра.
 – ХІяжи-Мурад дураухъун ва гъанна нушачил къаршииркур.
 – Или биэс хІебирар!
 – Гъабил бархІи иличивад лазутчик леври, – иб Воронцовли, къияйчил разидешла дукелци тІашиули. – Гъанна виэс гІягІнили сай набчи хІерли Шалила диркъаличив; тІутІубара итанти диркъаличи бикайчи ва гІур хІура набчи вакІи.

– ЛехІихъулра, – иб Полторацкийли, някъ къапІаличи гъамбирули ва сунела роталичи аркъули. Илини сунела цепь алгъай шайчибяхІ арбукиб, лехІел шайчибадра илгъуна барахъес хъарбариб фельдфебельлизи. Вяхъибси виалли солдатунани къалализи арухиб.

Полторацкий гІелавяхІ чарулхъулри Воронцовличи, сунечибяхІ льякъути

урчала мурдни чебаибхІели сунес гІелабад, Полторацкий илди гьамбиайчи тІашизур.

Либтасалра гьалав вашулли цІуба кьамала бегІ урчиличив, цІуба черкескаличил, кьапІаличиб чьлмаличил, мургьили варахьдарибти ярагъла вегІ, халати чарх-бекІла вегІ адам. Ил адам сайри ХІяжи-Мурад. Ил гьамиуб Полторацкийличи ва чумал гьай дуриб татар мезли. Полторацкийли биалли, ахьбуцили недра, дурибтазиб селра хІергъни иргъахьули, някъби тІинтІадириб ва пишяхьиб.

ХІяжи-Мурадра илис пишяхьиб ва ил пишбяхьли Полторацкий хІяйрани-ахьуб, сунела виштІалла кІантІити хІял-тІабигІятли. Полторацкий хІядурли ахІенри илгъуна адам чеэс, илцадра урехила дубурлан. Ил хІядурлири чевасэс вамкьурси, верубси, урхІлагъуна адам. Сунела гьалав биалли тІашлири бегІла-ра гІядатла адам, илцадра гІяхІти пишначилси, сайра урхІлаванра кахІейзурси, вахьхІи валуси юлдашгъуна. Цацун сабри илизиб лебси хасси кьиликь: илди сунела дягІули кадатурти хІулби, сарира дебали чедетаили алтІути ва цархІил адамла хІулбази паргъатли хІердикІути.

ХІяжи-Мурадличил барх лебти авал адам сабри. Иличил леври Хан-МяхІяммадра, сайра ит дуги Воронцовличи вякьунси. Ил сайри дебали шала-хІунтІена вяхІличилси, кьапІикІуни агарти рурхІути цІудара хІулбачилси, журуга вяхІличилси, дебали гІямруличи разиси. Леври ца гьатІи дебали зантси, дягІути хьуцІрумачилси ва гьезли вертурси адам, дархдасунти нудбачилси. Ил сайри дубурлан ХІянапи, ХІяжи-Мурадра лебилра мулкличи хІерикІуси. Илини сунес гІергъи аркулри дебали декІли дицІибти хунжачилси урчи. Бархкьабазивад дебали декІарбулхьулри кІел адам: ца – жагъси чІяртІа-си хьунул адамван вайлизивад ва хьуцІрумазивад вягІуси, бара гьаббакІибси шала-цІудара муцІурличилси, исбагъити, кигъалагъунти халати хІулбачилси – ил сайри Элдар, ва цархІил – ца хІуызив валкІа, нудби я кьапІикІули агарси, цІа-рангла кьицІбарибси муцІурличилси ва лебил бяхІкадли кьанкь байбяхь-ибси хІяналичилси чечен ХІямзалав.

Полторацкийли чеахьиб гьуйчив дакІуухьунси Воронцов. ХІяжи-Мурад иличивяхІ ватихьиб, ва дебали гьамли ветаибхІели, михьирличи някъ ка-бихьиб ва татар мезли серил буриб ва тІашизур. Чечен тилмажли шурбатур:

– Лявкьулра, викІулра, урусла пачала някълизи. Дигулра, викІар, урусла пачас кьуллукьбарес. БахьхІи дигусири, викІар, Шамилли хІерхьира, хІетурра.

Тилмажличира лехІахьили сайра, сунела суранна хьаткаличилси някъ гьабуциб ХІяжи-Мурадлис Воронцовли. ХІяжи-Мурад хІеризур ил някъличи, ца секундцадхІи багълайуб, амма гІур чІумали буциб ва гІурра серил буриб, хІерикІули тилмажличира Воронцовличира.

– Ил викІули сай, гІур чичилра дураухьес хІейгулра, ца хІечицун ахІи, сенкІун хІу сардарла урши сайхІели. ХІела дебали хІурматбирулри.

Воронцовли бекІ гьакІбариб, сунела иличира хІурмат иргъахьули. Сунела бархкьаби чебиахьули, ХІяжи-Мурадли гІурра серил буриб.

– Ил викІули сай, илди адамтира сунела муридуни саби сай кьяйдали, урусла пачас кьуллукьбирули бирар.

Воронцов илдачивяхІ хІеризур ва илдасра бекІ гьакІбариб.

Разиси, цѳудара хѳулбар, кѳяпѳикѳуни агарси Хан-Мяхѳяммад, илкѳяйдали бекѳ гѳакѳбирули, се сабрѳил, белики, масхарарил, буриб Воронцовлизи, се-нахѳенну гѳезли вертурси кѳарахѳай пишдѳяхѳхѳилрину дебали цѳуба цулби. Цѳа-рангси Хѳямзалавли биалли Воронцовличибѳхѳ хѳули липѳла заманалис пархбухѳахѳун ца хѳунтѳена хѳулицун ва гѳурра сунела урчила лихѳиличи хѳерикѳесииб.

Воронцова Хѳяжи-Мурадра чучил барх лебгачил кѳалализибѳхѳ ар-кѳухѳели, цепьлизѳбад азадбиубти ва кѳукънадли чукурбѳикибти солдатунани дурулри чула гѳяйибти:

– Чумдехѳ жан асибал балагѳ бакѳли? Гѳанна биалли, хѳера, илис секѳяйда гѳунибиулил, – иб цали.

– Гѳур се биѳса гѳатѳи, Шамилла левси цаибил командир сай. Гѳанна би-алли...

– Сейкѳуси, гѳяхѳгѳабза сай, гѳабза!

– Цѳа-рангсикѳун сегѳунал, цѳа-рангси – жаниваргѳуна сай.

– Угѳ, хѳя ургар марли.

Лебтанилра цѳа-хѳунтѳена сайри пѳикриварѳбси.

Вацѳа бирхѳуси мерлабад гѳуйчи гѳамли лебти солдатунѳи хѳербѳикѳес дура дуцѳбухѳун. Офицер илдачи вѳавухѳун, амма Воронцовли ил тѳашаиб.

– Бати чеахѳес чула гѳалавла тѳяниш. Хѳуни баладу ил чи саял? – хѳяр-баиб Воронцовли гѳамли тѳашизурси солдатлизи, багѳлали сунела ингѳилис акцентли.

– Сеналра валули ахѳенра, хѳела чевяхѳдеш.

– Хѳяжи-Мурад, бакѳирив?

– Сен хѳебѳикѳуси, хѳела чевяхѳдеш, илкѳун вахѳна витѳибсигу.

– Гѳе, илизирад нушабра дикибгу.

– Мар саби, хѳела чевяхѳдеш, – жаваб чарбалтулри халал хѳякимличил гѳайѳухѳес бѳикиб или разиси солдатли.

Хѳяжи-Мурадли иргѳулри сунечила биѳни гѳайбѳикѳути ва илала хѳулба-зиб разиси пишбѳахѳ абалкири. Воронцов биалли бегѳлара ахѳси гѳавлизив кѳалализи чарулхѳулри.

(Хѳярухѳуд – гѳурла номерлизиб)

Шурбатурси Зубалѳат ГѳЯМАРОВА



Поэзия



Хіябиб КЪУРБАНОВ

СТАЛИННИ ШЯТІБЯХЪИБ

Леври, леври
Ца епрейтор.
Гуж-зулмули
Вождь ветаур.

Ил чеваэс
Карцілири халкъ.
ЛехІахъесра
Баши бахъал.

Илгъуна вождь
ДакІуухъни –
Сабри халал
Адам акІни.

Илгъуна вождь
Левли гІергъи
Халкъ хІебашар
Къацілис гІергъи.

Вождьла хІянчи
Къяшмала саб.
Илини халкъ
Бикути саб.

Сай вяшухъес
ХІейубли алх,
Чина аркув
Илини халкъ?!

Сунес дигна
Букаб, саткаб!
Нушаб макаб!
Я сай макІаб!

КІелра някъли
ГъакІикІули,
Чис бирхъусил
ХІебалули,

Барес хІянчи
ХІебургули,
Дяв чеббикІиб
ГІяхІбизурли.

Дяв бехІбихъес
Душман хІергиб:
Абзур дунъя
Душманбариб.

Ярагъличи
Жан шурдатур,
Дунъя буцес
ВяхІес кайзур.

Дунъя буцес
Ваца ахІен.
ХІебурцидну
Кайи, уэн!

Кайрару вождь
ХІяхІ букалли,
Пагъливанти
Гъандиркалли?!
Халал балагъ
БакІибсиван
ГъямикІулри
Гитлер хяван:

«Немецуни
ЧебяхІти саб!
ХІира бегІла
Умути сар!

Дезадиаб
Немецунас!
Лебил урхІлис
Ца хІелугас!

Илдачила
Хабардурхар!
Я ил хабар
БубкІхІебубкІар!...»

Вождьли илди
Гапбарилри,
ТІяхІкабухъес
ХІядурлири.

Сай Гитлерра
Ца ахІенри:
Халкъра Гитлер
Бетарулири.

Дунъя бурцув
Немецунна?
Дунъя бирцув
Ажужуна?

Бурцра бурци
Баталлири,
БириІра бириІи
Халкъ алхалри.

Цацун Гитлер
Се сайсири?

Илала кабц
Барес вири.

Азиргадли
Лебри илди –
Гитлерличи
Абикибти...

Нуша гъанкІли
Дусахъули,
Чесабухъун
Савли жявли.

Бусути халкъ
Кабушили,
Халал гъунар
Бариб къалли!

НушалакІун
Ярагъ аги:
Илбагъандан
Чера агиб.

Нушала цІакъ
Бархъдеш сабри
ХункІра яхІра
Ярагъ сарри.

Душма ярагъ
Дахъал лерри.
Нушаб илди
ХІедиулри.

ХункІла бургар
Гъабзала бяхъ.
Урухсила
Дирар ярагъ.

ХункІ – хІядурси
Ярагъ саби.
ЯхІра – хункІла
Юлдаш саби.

Заводуна
Тупи диру.
Заводли хункІ
БирхІебиру.

**Заводли хункI
БирхIебиру.
Бираллира,
КIантIибиру.**

**Заводлизиб
Бомба биру.
Заводли яхI
БирхIебиру.**

**Кадуцили
ХункIра яхIра
Вай душмайчил
ЦадяхIира.**

**Ца бяхъили
Чумиллара
БекIла вукъри
Пашдарира.**

**Цацун Гитлер
Се сайсири?**

**Илала кабц
Барес вири.**

**Азиргадли
Лебри илди,
Гитлерличи
Абикибти!**

**Кубци дахъал
Детарулри.
Дибби хура
ХIедугулри.**

**Гур гIелайзи
ТIакъни дигъи,
Гъабаира
Илагъигу!**

**Гур Гитлерлис
ГIелабадли
Ца шятIбяхъиб
Исталинни!**



Тавсулган СЯГИДОВ



ГАМУШЛА КЪАКЪЛА ЛИГА

(Поэмализибад бутIа)

СакIубти, садерхурти
ДирехIери итхIели.
Тяй урчилацад бири
ДурхIядешлизиб хIели.

Гъанна арцантиванра
Дуклуми чердахIибти:
Агъ, сецад уркалунал
Дарес пикридарибти!

ДурхIнала дурхIнас нуша
Разили пишдирхIула,
АрдякIунти дурхIядеш
Гъаман гъандиркахIула.

...Янила савли сабри,
ДяхIилира ургIури.
БугIарси аргIелизив наб
Хъулив калес дигури.

«Сен хIерхIири викIули,
ХIяжи-ази наб ургIар.
ХIед гидгар кабирхIула
БеркахIес дурсри-ургаб»,-

Махварили вархIира,
Нешли школализи.
ИтхIели ил нушала
Сабригу мижитлизиб.

Дурсрачир хIядяргIяхIес
Пич бири абилкъуси.

Ярга бири нушала
ЦIалис къуллукъ бируси.

Ит бархIи цаибил дарс
Алгебрала сабригу,
Калас бемжахIес ярга
Набчи сабаилригу.

Жявли бакIибти рурсба
Пичра бемжахIурлири,
Къя дарес хиб хIяжланкIи
Пичла духIнар дузулири.

Къя дерзили далкъхIеур,
Зянкъярай вякъярбухIун.
Някълизиб журналличил
Учитель ухIнаухIун.

«БагIадурти!» – викIар ил,
Някъби ванадирули.
Пичла духIнар илхIели
Къя сари тIяхIдикIули.

Гъала-гъала лехIизур,
ТIамаличи шакикиб.
ГIяшиубли, ца някъли
Пичла унза гIаргIариб.

ТIяхIбухIунси къяла къякъ
БархIели вяхIлизи чегиб.
Увверхес гIакIариб бекI
Партала дубла бяхIиб.

Гъала-гъала Темирха
Партализи ванцѳухъун.
Къяш изиаурбиэс,
Ил цаахъли цѳумухъун.

Гѳур пичличи ветухъун.
Ванцѳухъи, ил гераиб.
«Чила сабил иш хѳянчи
Наб багъес дигуѳра»,- иб.

– Хѳянчи къалли хѳела саб, –
Аргъахъиб ца рурсили, –
Пич булан гераири,
Хѳед саб бунагъ баили!

– Дила партара битиб,
Сунела бекѳ бяхъили! –
Имѳѳабариб Темирхай,
Гъимукѳни иргъахъули.

–Каласлизи хѳяжланкѳи
Чили хиба викѳуѳра?!
Дарсличи кадиили,
Хѳуша къяли дукуѳра!

Чѳябарличиб пич саби
Верали парчбикѳули.
Ил къяшмачи тѳашбатур,
Дурхѳна алавбакѳили.

Пичлизир къяла «къяцни»
Лералри тѳяхѳдикѳули,
Илдазираѳ цацадехѳ
Дура сарри урѳули.

Верала гулумтани
Пич саби парчбикѳули.
Разибиуб дурхѳни саб
Хункѳази пунчбикѳули.

Шинни биѳѳиб бадира
Жаняхѳлабад сабухѳиб,
«Багъбиубси» пичличи
Ил цахѳнабли баѳѳбариб.

Парчдурхъунти верали
Лебилра хъали биѳѳиб.

Верали белкъун дурхѳни
Цахѳнаб гѳемчбикѳесбиб.

Селра чебиул аги,
Хъали гавли биѳѳилри,
Дурхѳнала хѳулбазираѳ
Нургъбира гердикѳуѳлри.

«Ахират сабаибну,
Дирути дебширая!» –
Дила мякъларси Издаг
Рикѳули сари гъуя.

Вера дурадурхъахъес
Унза-улкъайти абхъиб.
Шиннизиб базахъибси
Пич булан дурабушиб.

Илди ряхъамализиб
Дарс саб байхъубиубли.
Ахирра ил бехѳбихъиб,
Лерил паргъатдиубли.

Дарсличи къаниубси
Хапли Хѳябиб дурайкиб.
«Ахират кабикайчи
Ну дурав уира!» – иб.

– Хѳедкѳун, юлдаш Хѳябиб, ил
Гъанна саб сабиуси!
Тавраличил хѳейиши
Шинкъанивад льявкъуси?

– Ила хѳу укъен, агу
Дила илаб калунси! –
Гъумурдариб Хѳябибли,
Сунна мерла кайрули.

– Даг хѳуни нешла гамуш
Уилри арцахъурли, –
Гъимукѳибси Хѳябиблис
Писбатур учительли.

– Урѳути гамушуни
Мурт чедаири хѳуни?–
Тавра мерлабирули,
Хъутурдяхъиб Хѳябибли.

– Гумиличибад гамуш
ТІяхІкаили уилри,
Кабиркуси ахІенри,
Гъаббуцибси виадри.

– Сен жявли хІебурири,
ХІуни ил балухІели?
Нуни шичи букира,
Неш зягІипли сархІели.

– Гамушла бурглизивад
Ухъунри къалли, дурхІя!
ЛянкІали виркъес къалли
Сайри хІу тамай вялхъя.

Къанра виублирину,
Дуравхъен доскаличи! –
Паргъатиэс учитель
Дугъайзур ХІябибличи.

ГІелавяхІ хІерикІули,
Доскаличи ватихъиб.
ГІягали суркбарили,
Доскара умубариб.

– Дергълизи урхъусиван,
Сен цІакъли урухІулри?
Ши бахес букиб гамуш
БекІахъили бикІулри.

– ГІур нуни се бариша?
Гумиличир цугдикиб.
Нушала ши белкъири,
Итил кункли хъячІбикиб.

Гамушличил варх нура
Каркулригу, верцира:
Чебухъунси гамушла
Хъябдигъала буцира.

Бемгес баибси гамуш
Миъличибад хІусбухъун,
ТІашбизес хІебиубли –
ХІеркІлизи тІяхІкабхъун.

– Ца гІяхІси – белгъес бикни.
Чили сабри белгъунси?

Халаси зарал саби,
ХІябиб, хІушаб биубси.

– Мешебей ГІядус леври,
Урчиличив лявкъули,
Эгер ил цугхІейкалри,
Сабри жаргабирули.

ХІябиблизи ца мисал
Доскаличи белкІахъун.
«Гъари, ил арза!» или,
Сай каласкад къунзухъун.

Цаагили ХІябиб сай
ГІелавяхІ хІерикІули.
«Гъала хІерикІен» или,
Учитель сай ургъули.

Мисаллизив узесра
АхІен ХІябиб вирули:
Таврализибси лига
ДурхІна лутІа викІули.

– ЛянкІа ахІен алгебра,
ХІуни хІергъули хъалли,
Учительли журнал сай
Багълали гъаргбирули.

Ил замана дурхІна саб
Лебил лига лутІули,
Цали ил итиллизи
Яргали бедлугули.

Итил къяйлизибти саб
Иличи чІяпІбашули,
Лигала мехІе булан
ДурхІна сар дурайсули.

БегІла гІелабси парта
Мулк сабригу Синкала.
Илра хъуликІулригу
Лигаличи ХІябибла.

«Дила пай батирая,
ЛихІби кали дигалли!» –
БелкІи, силтІа арцахъур,
Гъалабта бурцу или.

Дянгбухъунси кабикиб
Ил учительла гъала.
– ХатІ къалли Синкала сар,
Се тІалаббинурира?

«ЛихІби чердердес» чила
Ил мялгІуйс дигулира?
Къя заядарибхІели,
Набчи чевхъунси вара?

«КІилара» кабатурли,
ХІябиб гІелавяхІ вархъиб.
Хапли бетаурсили
Лебил калас уркІаиб:

«КІила» къалли буиши,
Лигара белтІи или,
ГъимукІибси ХІябибли
«Ишра беркена!» или,

Гамушла къакъла лига
Доскала гъала игъуб!
Вякъла тІамаличил барх
ЛехІдешра хъурабиуб.

Айзурли, учительли
Къакъла лига ахъбуциб.
ХІушала гамушлав иш? –
ХІябиблизи хъарбаиб. –

Нушази чебаахъес
Хили-мага хІейиши?

Ил спектакль нушани
Чуйнара кабихъира.
Гъарил ярга илизир
Дардешуни дирира.

Къя дузуси пичличи,
Гъайгъай, лархІедикІира.
Лига хибси вегІ гъар ярга
Калаславад урхъира.

Каласла рурсбанира
Учительла гІердири,
ХІябибли дурутира
Дигуливан дарсдири.

Диъ лебси биаллири
Нушанира белтІиши...

Марли, ишцад бирусив
Гамушла къакъла лига?
Тавра къалли бицІилри!
Гъанбикиб набра луга.

– Дила пай саби нуни
ХІела гъала игъубси,
Лебилра хІела саби,
Бара хІуни вируси!

– ХІела лигуби делтІес
КъяйцІу хя-мага сайрав? –
Гъари пяхІли ветяхъи!
ИмцІаси сайри ишав!

ДугІеибси ХІябиблис
ГІелабад лига игъуб.
Ил замана жаняхІлаб
Зянкъярай вякъярбухъун.

Харчизурли Синкани
Учительливан вявъиб:
«Дашеная дурадяхІ! –
Театир таманбиуб!»

Чус дикиб диъба букес
Лебил дурхІни бехІбихъиб.
«Гамушла къакъла лига...»
Рурсба далай батаиб.

* * *

ХІябиблисра дигахъи
Учительла гІердирес,
Темирха парталичил
Дигахъи илис вирхІес.

ГъимукІиб «учительли»
Дарсличивад дугІии.
«Синкала кагъарлизи»
ХІелукІуси хІебири.

Цакаласлан дурхІначил
МажахІят гІурра бикес
«Гамушла къакъла лига»
Гъалаб къяйда кабихъес.

**Гяли-АсхІяб
МЯХІЯММАДОВ**



ЭЛЕГИЯБИ

«...ЭЛЕГИЯ- лирикала поэзияла байхъу пашманси, байхъу разиси хІят иргъахъуси жура саби.Поэзияла ил жура нушала манзиллис гъалабси верхІя ибил даршдуслизиб жывхІелла Грециялизиб акІубсири.Илис итхІели «ШятІахъила пашманси макъам» бикІутири.

1.

Цуба дирихъ – заклизиб,
Цуба дяхІи – хІурхъазиб,
Цуба хІяндеш – бекІличир
Цуба пардав – хІулбачиб
Цаагар анкъи – хъулиб,
Цаакъагар уркІи – набзиб,
Цуба шяхІри – чархличиб,
Цуба жаназа – мякълаб...
...Цуба дарай – бекІличиб,
Цуздаги – хъуцІарличиб,
Цибац бац андаличиб,
Цадирхъ – уркІи – чархлизиб,
Цедешла тІем – дугъбазиб,
Ціала лами – хІилизиб,
Ціайба, дихану раши, –
Ахъес дигайла гаши!

2.

Цудара дубурличиб
Цудара варгъила сирт,
Цудара галгаличиб
Цудара къянала силтІ
Цудара анкъанилабад
Цудара гавла гулум,
Цудара турбалабад
Ціаб дуги бикІар гум-гум!..
... Цудара къяна, биха

Цудара хІела пяхІул,
Цудара хатІ делкІунси
Цуба кагъар арбуха
Цуб арцла андала регІ
Цуб магъила хІерла регІ
Ціабдеш цІуббарес раши,
Диршс карцІайла арши.

3.

Чял алкахъунну дубшаб
Чини-магъила бацли,
Чибара закли даршиб
Читличи урми цацли...
Чумиздагла чІухІяри
ЧебакІиб хІерли лебсин,
Чедаэс УлахІяри
Чури чубкиван бигъун...
Чи сейкІалра чумиздаг
Чехьерличил цугбурчис,
Чинарал дила издаг
Чераэс дунъя умцІис!
Чебяхъяхъес шяхІрила
Чаба лебхис варакъла,
Чутхъалис зурхІябтала
Чятир бушас ранг-рангла!

4.

ЧяхІ-забли кабикахъиб,
Чябхъин барили, чяка,

Чадурла къадаличиб
Чакбиуб сунна пукъа,
Чагъана лехІакахъахъиб

Чебихъи дирихъ, пуркъа...
...Чеаба ну чякаван
Чячмали къутІрули,
Чял агарси чирагъван
ЧерикІла нур дилшули...
Чирагъ – дила, чял – хІела,
Чеалкес ахъри хІела,
Чуду-хинкІла ибала
Чебирбес сихІру хІела!

5.

Чала алки пирхикІла
Чир бигуб деруб къарла:
ЧянкІубиуб алавла,–
Чябар кали ца-гавла.
Чалагъуна ца девли
Катурра ну вигубли, –
Чява луги аршила,
ЧухІяри арзи-къарла...
... Чака вираси гъалав,
ЧалтІа бягІуси, хамси,
ЧичІала чархлис-алав
ЧучІмаван хІебелсунси...
Чиагар буревали
ЧянкІи ибис рикІадли,
Чухъан белхъан гъамадли
Илбис бикІул рикІадли!

6.

Чурха къапІа-бекІличиб,
Чурт къарла къадагъуна,
Чурха муцІур-дяхІличиб,
ЧяхІбикІул чяхІигъуна...
Чи саю ил? Чинила
Чирагъ бишунси жявли?
Чеди ругерла къарла
Чевелсахъунси шявли?
Чи виэса? Ну сайра
Чехъери ретахъибси...
Чахусан дягІли сайра
Чедигълали вигъунси!
... Чераахъес гъарракІи,
Чегъаргала зубари,
Чераибмад дай уркІи
Чебиргъурну,гъайкІари!

7.

ХІяри кайхъиб ца жагъил...
ХІера, ит хІябразиб хІяб,
ХІярхІя барес кайибси
ХІянихІейубара кІукІай,
ХІяра, хІярхІя игъубси,
ХІебиубара кІибай?..
... ХІуни сен валтулри ил
ХІял хІебуи, жан Аллагъ,
ХІяя агар хІяв бецІван
ХІяйцІхІейкІахъули, валлагъ?
ХІериаб хІел билтІули,
ХІяниаб хІекъ белтІули,
ХІерикун къярхІякъули,
ХІелхъаван хІусикІули!

8.


ХІерухъес кайибхІели,
ХІурхъла дубхъи-дубличи,
ХІяйрай,кункли арцурли,
ХІурулгІян ракІиб набчи.
ХІисабухъес хІейубра,
ХІулбукІрили уцили,
ХІуруцІал ил муэрал,
ХІякъикъат хІебалули...
...ХІябдяргъи алкунихІи,-
ХІерикІулра заклизи,
ХІясибрарира хІилхІи
ХІурулгІян-зубарличир...
ХІулукІари анцІбукъгу
ХІуни зубари баргни,
ХІяниэси балагъгу
ХІуни ну цунни ватни!

9.

ХІериадра хІу Аллагъ,
ХІу идбаг сарри, валлагъ:
ХІуни рируд вебкІахъес,
ХІуни рируд акІахъес!
ХІезир-дунъяла сихІру,
ХІезир-карамат гІямру,-
ХІури дила хІяя-рухІ,
ХІезирну дарман ва гІяхІ.
ХІеръа набчи,хІерейчиб
ХІебла БерхІили улкас,
ХІу лерихІи дарайчиб
ХІед уркІи гъала лебхис.
ХІеръа набчи,вебкІасра
ХІечи айзурли лявкъяс,
ХІу лерихІи сеннира
ХІед хІеб ва дунъя лерхис!

Дийит Яати хабурти

МяхИяммад КЪАРАТОВ



ТАПАНЧА ГІЯБДУЛЛАГЪ

Калмыкуназив мицІирагличив узухІели, ну узуси колхозла цаибил бригадализив хала букІуй узули леври ца ГІябдуллагъ бикІуси дарган. Илала балуй някъла биштІал тІуйчирад дехІдихъили хІябал тІул агартири. Нуша базли гъачам къаршихІедикес ГІямалагарсири, сенахІенну базла духІнар гъачам колхозла ьотчетличи дашутири.

Гъайгъайра, илгъуна анцІбукълизир нуша – халабукІуни отчетуни тамандиубли ГІергъи цахІнадиркехІери.

Баягъи тІулби агарси ГІябдуллагъ бержибхІели дебали гъайикІес дигуси вири. Илалара дилара ургаб селичиларил гъай бетаур. Жалдухъунра. Сунела ахІенсицархІилли бурибси къабулхІебируси вири, жаликІи. Набчил жаликІухІели, гъачам илини сунела тІулби агарси някъ бяхІчаиб. Илала чебиахъан тІул наб тапанчаличи мешубикиб.

– Эй, набчи бяхІчимаид хІела тапанча пІянкъбулхъанну, – ира лебилра хала букІунала ва колхозла хІякимтала ургаб.

Илала ГІергъи ГІябдуллагъ «Тапанча ГІядуллагъ» ветаур.

ИМТИХІЯНТАЧИБ

ИмтихІянти дедлугуси студентлизи профессорли хъарбаили сай:

– ХІези гъамадти кІел суал гишав яра къиянси ца суал гишав?

– Гъайгъай, къиянси биаллира, ца га.

– ХІела дудешлис неш ГІяхІил дигахъив яра нешлис дудеш ГІяхІил дигахъив?

– ХІебалас, – викІар студент.

– Сен? – викІар профессор.

– Ил кІиибил суал саби, нушала вягІда ца суалличила сабри.

Профессорлис лехІкахъес чебурукъуб.

МЯХІЯММАДХЪАЛИРА ИВАНХЪАЛИРА

Калмыкуназив узуси замана сабри. Алапа лугули яргаличи тІашдизурлири.

– МяхІяммад, хІу сайрив бегІла ГІергъиси? – дугъаизур ца.

– Сайра, – шуряхъира ну. Нуни бекІлил хІелуси адам. – Чинад валусирав хІуни ну? Нуни хІу хІелулригу.

- Нуни хІура хІелусири.
- ГІур дила у чинад балусири?
- Хіуша лерилра МяхІяммадхъали сархІели, ибсири. Вархъизурли уилра хІела уличи, – викІар наб гІергъи тІашизурси урус.
- Нушала МяхІяммадхъаливан хІушала Иванхъалира бахъал саби, – ира нунира. Ил сайра Иван сайли увухъун.
- Илала гІергъи нуша гІяхІти юлдашуни детаурра.

ХІАТІАБИ

- Хъули хъарбарибси лукІнила хІянчи ахтардибарибхІели, ГІялизи учительница рикІули сари.
- Ну рирхаэс рирули ахІенра ца адамли ишдицад хатІаби дарес вирниличи.
- Сен ца адамли? Дудешра левсири наб кумеквикІули, – викІар ГІяли.

ИЛДАЛА ДУДЕШ САЙ

- Агъагъай! Хіябилра дахъал вьав-чІар лер къалли! ИшбархІи акІубти авал дурхІяла тІама-гъама дургар илди? – рикІули сари, роддомлизир рузуси тухтур цархІил тухтурлизи.
- АхІен! Тіама-гъамали виркъуси илди дурхІнала дудеш сай, бахъал сабли, уркІухъундешли.
- Ил материнский капитал лугуси замана ахІенри.

СУДЛИЧИБ

- Мурул-хъунул декІарбиркули, суд сабри.
- Сен декІардикес пикрибарилраяв хІушани?
- СенкІун шанг, къям, ягълав, се някълиу бикалра, иргъули сари наб. Илда мариркъуд викІулихъалли, гІяхІедеш агара.
- СецадхІи дарх хІердирулрая?
- Гъал дусличирра имцІали.
- ИлцадхІи яхІбарибхІели, гъаннала гІергъира яхІбарес хІейрулрив?
- Ягъари, гъалар илда итухІели, увверхес вирулри, игъубси чехІегахъес. Гъанна рархъли итули, гъар ихъубси набчи чейгули саби. ГІур яхІбарес хІейрулра, – жаваб бедиб муруй.

СЕ БАРЕС ПИКРИВ?

- Се къицІбирулри хІуни газетализибад?
- Макъала леб хъунул рархъратес баргибси багъаналичила белкІунси.
- Се багъана белкІив илизи?
- Хъунуй мура кисми умцІули руили сари.
- ХІед ил се бирусив?
- Нуни, дила юлдаш, иш макъала дила хъуна кисала кабирхъис.
- ХІуни ил кисала кабихъадли, се бетарара?
- ШакхІеркуси леври къалли! Хъунуй ил бучІа, гІур дила кисмази хІерхІейру.

ШЯТІАХЬИ

Ца милиционерла машинала сигнал бетахъили саби. вяхъи сай ил машинти далиусиличи. Сунела зугІяйчила бурули сай.

– Се бируси хІед сигнал, шятІахъи гибси ахІену хІед? – викІули сай машинтала уста.

Мякълаб къаршибикибти дукарбяхІили саби. милиционерлис ил масхарара къабулхІебикили гымукІили арякъи сай.

– ГымукІиб милица. ГІур хІякъян ил хІечи, – бикІули саби, илаб къаршибикибти.

– ХіекІалра авара агара, сегъуна хІянчи барасра, цагъачамалра арц гибси ахІенну.

НУ ХІУШАЧИР ХІЕРУЗУС

– Хіушани набчи дирхалабирхъули ахІенрая. РузхІерузус ну, аркъяс! – рикІули сари, хъа рухІнар рузахъес руцибси хъунул адам хъа бегІтази.

– Сен, дирхала хІебирхъулраяв, хІези нуни дила дурхъати гІягІниахъала кадихъибси, биштІаси къанигъунала умхъу булан гирагу? – рикІули сари хъа вегІла хъунул.

– Ил умхъу къаниличи балхІебиркули саби.

КІЕЛ БАЗЛА ГІЕРГЪИ ЛЯВКЪЯС

Шагъарлизиб лацличибсибагъахъни белчІи сай хІянчи агарси ца адамли. «Узес дигусилис хІянчи леб» ибси.

Вяхъи сай ил мерличи. Илис хІянчи гІяхІбизурли саби.

– Алапа сегъунав? – хъарбаили сай илини.

– Гъаларти кІел базлизир 15 азир, илала гІергъи 20-25 азирличи абиркур.

– Хіебиалли кІел базла гІергъи лявкъяс.

БЕГЕМОТ

Ца мурул адамла руили сари, сунес хІейгулихъалли бегІта зулмули кари-ахъибси рицІибси, цІахси хъунул.

Хъунуйзи ил мурталра, «Дила мегемот» викІули уили сай.

Бегемот чехІебаибси хъунуйс ил жагаси мицІираг бургар, сари дигухІели, иличи мешурурцусира или гъанбиркулри.

Гъачам шагъарлизи рякъунхІели, зоопарклизи рукъи сари ил хъунул адам.

Илини чебаили сари «Бегемот» или белкІунси. Ил дуцІрухъи сари бегемот лебихІи. Ил чебаибхІели, уркІрухъи, вайси хІяйчи рикиб. Ил хъули чаррухъун, муруйчил къалмакъар дариб, иличирад аррякъун. ДекІаррикиб.

Биубси анцІбукъ саби.

БУКІРАЧИ КАЙРУДУ?

КІел хІуллала бегІ мотоцикличиб, лебгІеб, цаличи ца цІапІаки абиили, аркъулри хІябал мурул адам.

Ил анцІбукъ чебаили милиционерли гъакІикІули мотоцикл тІашаахъили сай.

– Нушара хІилхІи кадурцулрагу! ХІед бургачи секІал айэс дигулрив? – викІар рульличивси. Илис гьанбикилри милиционерлисра айэс дигули сай или.

КУМЕК

ГІяхІлад жибарибти бакІес замана баили, хьунул берклумази рархилри. Мурул, кайили телевизорличи хІерикІулри.

– Жей, – рикІули сари хьунул муруйзи, – гІяхІли жявли бакІалли, берклуми дарили ралкъхІерусну, кумекбарагу наб.

– Се бариша нуни, жав?

– Ишди салат бирути секІал дибгІяндара, камси биалира кумек бетарарну. Муруй сунези дибгІяндарахъес дедибти хІясибдариб.

– ГІур ишди шиниша хъаралара хІяжланкІила къукъразирад чум-чум бутІа дариша?

– Гъуя, илди итира дибгІянти сарину, сарил дати, – рикІули сари хьунул.

– Камси гьалар лерилра дибгІяндара рикІади, гьанна се рикІулри?

ВАВНАЛА РАНГ

ГехІъибил март сабаэс гьалар, ца мурул адамли цархІил мерличир хІер-рируси сунела тяниш хьунул адамличи зангъдяхъили сай:

– Дила дигуси, ахІерси, хІед сегъунти вавни дигахъиду?

– Розаби.

– ХіунтІенаби яра цІубаби?

– ХіунтІенаби. Сен хъарикІусири? Вавни хили вакІес дигулрив?

– АхІенра гъари. Открытка бархъес дигулра.

ХІЯБА ЧИНАБА?

МяхІячкъалализив гаишникли ремень чехІехъибси шофер тІашаили сай: Право лебу?

– Леб.

– Техталон лебу?

– Леб, – чедаахъили сай.

– Сен ремень чехІехъибсири?

– Ягъари, юлдаш, – викІули сай шофер, – спортивный формаличил сайхІели, галстукра баршили ахІенра, ремень-декІар се бирусив баршили?

Галстукличила бакъибхІели, гаишникли ил ваткаиб.

ШИШНИ КАДИХЪАДРИ

– Ва дила хьунул, хІуни наб 23 ибил февральлис тІирихуни савгъатдарири. ХІуни илди наб дила уркІи хІечи гІяхІил разибіэсли гес гІягІниртири.

– Секъяйда?

– Ца тІирихла бухІна – коньякла, итиллизі гІярякыла шишни кадихъили.

ДАЛЛАКЧИЧИВ

Ца хІякимли, бекІ лугІяхъули сай.

– ХІела хІянчиличиб аги сен саби? – хъарбаиб даллакчини.

– ВайтІа ахІен, – кѡантІли жаваб бедлиб хІякимли. Чумал минутла гІергъи гІурра ил секІал хѡарбиули сай даллакчини хІякимлизи.

– ВайтІа ахІен. Сен хІуница суал чуйнал хѡарбиусири?

– Ил хѡарбаибхІели, хІела бегІла гъез чихъдилзули сари. Наб лугІес гъамадбирули саби.

АРЦ КЕРХУРХІЕЛИ

– Сен саби хІела аги, се напакъаличив хІериулри? – хѡарбаили сай цали чунела тянишлизи.

– ЛукІула.

– ВяхІ, журналист ветаурли хІейиши?

– АхІенра гъари. Неш-дудешличи лукІула, арц кадерхурхІели дурхъахъес.

НЯКЪБИ РУРЖУХІЕЛИ

Тухтурличи вакІили, ца держлукъ викІули сай:

– Гъалмагъ тухтур, дила някъби дебали руржули сари.

– Дахъал дужули ургуд?

– АхІенра, дахъал держес вирули ахІенра. Стакан мухІлила гъала абаайчи дайхъала держ чябхъардикІули дура аркъули сари. Илбагъандан вакІибсира хІечи се баралли гІяхІсира или.

– КахІертІадли, тІутІухІедирар.

ГЪЕЗЧЕБСИ БЯЛИХЪ

Бялихъчини сунени буцибси бялихъличила бурули сай:

– Гъачам нуни ишгъуна шука бялихъ буцира, – викІули сай ил, сунела някъ чебиахъули.

– Ураса къунби, гъезли бакІибси шука бируси ахІенну.

КЪЯШ ИЗУСИ ГІЯРА

* * *

Къаршидикили сари кІел гІяра, илдазибад ца, къяш изули, балкІбикІули буили саби.

– ГІяяркъянани бяхъили бургуд?

– Сабра.

– ХІед игъубти чячма хІедурги. Диалри, къяшлизицун чегили кахІевлади.

– Или ахІен. БекІлил игъубси ахІен гІяяркъянани наб.

– Гіур?

– Илини дила къяшличи ганзахъили, изули саби.

ХЪУНУЛ СЕ РИКІАРАЛ

Ца хала хІякимлизи виштІаси хІяким викІули сай:

– Дила хъунуй набчи хѡарбариб, наб алапа имцІабарахъес хІези тиладибарахъес.

– ГІяхІси саби. Нунира дила хъунуйзи хѡарбиис се рикІарал.

СЕ ХІЯЙЧИ ВИКАХЪИШАРА?

– Дила гІяхІтигъунти гІямру хІу багъандан харждарили ардякъун, вай держлукъ! – рикІули сари хъунул сунела муруйзи.

– Агъ, вегІебш, гІяхІтигъунти гІямрулизив итира хІуни инжитварибси ну, калунти вайти гІямрулизив се хІяйчи викахъишара? – викІули сай мурул.

ХЪАЛТАЛА ЧУДУ

Шилизибад декларси мерличив сайри ну хІериуси. Северла шали калайчи ахъти дубурти сари. Адамти камли бируси мер саби. Азбарла бухІнаб дяргІибти, бизити шинна гІиниз саби. Юртла гъалаб леб цедешла анхъра. Юртла мякълар дерхъибти, мер-муса жагабирути пІялпІялагла ахъти галгуби лер. Дашути машинти дебали камли дирар, дягІ бухъаллира, дила мулкличир хяса хІедирар, къантІли бурасли, жагаси мер саби.

Ну хІериуси бегІтала бахъІила юрт саби ил жагаси тІабигІятла мерлчи бекІлил балхІебикибси. Цайли хІериуси наб ил мер баили саби. Ну акІубти, халаваибти, хъайчикайибти мер-муса сари. Ил мер, буркъа биаллира юрт, дубурти, виштІахІейчирад далути, чуйна-чуйнара къяйцІдарибти, дет-сад-дяхъибти дубурти, гІяхІил балуси ургуба, сунезирра хІукІи, гІяби, гъанна детахъили агарти, гъулу, мурити мямри, цархІилти жура-журала дукути къар духъуси шила алавла хъумартес вирару гъатІи?

Илгъуна мерличив хІериуси набчи урга-ургади башули бирар юлдаш-тяниш, балу-бирхути ва цархІилти, беркес-бержес, шадиб-гъуни барес.

ЦацабехІтани зянкъдирхъули бирар, хъулив леврив, закускалис беркеси лебу хІядурси или. Нуни леб аслира агара аслира, чули сеннира биху беркеси биаб, бержеси биаб.

ХІебла шаладикибси замана сабри. БерхІи ванабикІуйхІир хъалта-къар дурадикилри, анхъллизир янира илар ванзализир калунти шиниша жершила кІапІри гІяхІцад ахъдиублири, диркъала мерличирад, Мурегила, МахІаргила вацІурбазирад дучили гъе хили, чахъдарибти кІантІити жура-журала хъалтара бара-бара ахъдиублири.

Дигахъис наб хъалтала чудни, чуду-хинкІи. ВиштІали вирухІелира, хъалта дучили, абазидирахъусири хъалтала берклуми. Гъанна чилра агарли, нуцун сайра хІериуси. Хъалтала ва цархІилти берклуми дихули рирар уршила хъунуй. ЦацахІели ну левихІирра диру, замана лебхІели.

ЦацахІели биалли нунира дирули вирус... хІера, цагъачам юлдашунани зангъдяхъиб хъулив леврив, шадиб гъуни барес дигулра тІабигІятла жагаси мерличиб бикІули.

– Левра, – викІулра ну, – даширая нуни барибси хъалтала чудули далхарану.

– Балусирив чуду барес?

– Гъайгъай, балусира! – викІулра ну.

Хили берк-бержра сабира бакІиб кІел «жигулиличиб» юлдашунни. Илди бакІес гъалаб амъурли лебси аргъ бамкъур, забли ургъес бехІбихъиб. Ил багъандан бакІибти нуни хъули жибарира. Кайхъиб чули хибти берк-берж ва шадиб гъуни бехІбихъиб. Илдазивад ца викІар:

– Чинаба хІела хъалтала чуду?

– БусагІят буцІули саби, яхІбара лебхисрану.

Чумал журала хьалта, букан жершила шиниша кIапри дибгIяндарили биштIаси бардали, бесбиубси хIяли, бухъмуй бурсили, гидгури дархаили ягълавлар дуцIули лертири лерилра илдала гъдурмай. Ил сабри дила чуду.

Столличи кабихъира ягълав, дедира ца-ца алтIанагра.

– Иш сабсив хIела чуду? – викIар ца.

– Хьалтала чуду саби, – викIулра ну.

ЦацабехI ахъли дукарбяхIиб, цархIилти уркIбухъи набчи хIербикIули саби, цархIилти биалли дила чудула тIем багъурли балкъаурлири.

– Наб гъанбекиб, гьалли-марси чуду барили ургуд или.

– Ягъари, се бехIсурдеш леба? Чудула духIна кадирхъути гъар секIал лер иш ягълавлизир! Касили къацIра, алтIанагличил хьалтали дукеная, чуду ахIену гъатIи ил? – викIулра ну.

– ГIяжаибли саби, – викIар ца, – ишгъуна чуду баресра багъесра гIягIнили саби, гъарилли хIебала ишгъуна барес, нуша ишар кайили лертазибад чули хибти закускабачи ца-кIили сабри пикри бяхIчаибси. Дила хьалтала чуду бахъIи кахIелун ягълавлизиб. Стол-алав кабибтазибад бахъалгъунтас чуду гIяхIбизур. Чудура ил барибси нура гапдарира.

– Эй, гIур барибхIелира ишгъуна чуду нушази багъахъи, ляркъяхIену.

– Нуни хIушази багъахъесичиб, хIушани набзи багъахъадалли гIяхIил бетарар или гъанбиркули саби. Ца бархIи гъалаб багъахъирая нуша ляркъяхIа или, хIуша дакIибхIейс чуду хIядурли бирар. Ил барес гIяхIцад хIянчи дарес чебиркусигу.

Чудула черкад набчи чилилра зянгъхIядяхъиб. Наб нуни барили ургади букули вирусра.

ХIера, ишдусра чуйнара барира илгъуна чуду.

Шиниша хьалта-къар багалати сари бикIар адамла арадешлис, дукеная ахIерахIедарили илди шинишли лералли. СирхIяла шими-махъурбазир илди янира дкулри, чяяни дирулри дерахъубли. Илди дируси тахIярра лебси саби. иличила хIебурисра. ГIяхIдизурли лебилра хьалта-къарлизи ахъалли, мицIираглис илди камкадирар.





**МяхІяммад
ТАХСУРМАНОВ**

КЪИЯНДЕШУНАС МУКІУРХІЕКІИБСИ

*Гъабзадешли урехи се сабил хІебала,
Сенека.*

Закерга ГІялибекович къиянти, урехила ва ламартла, агри-гашала дусмазив къул-лукъла хІянчурбачив калунси сай. Халати жавабкардешличил, хІялалли ва вархъли узули, халкъла баркалла сархиб, папалихъла орденгачи, хІурматла грамотабачи лай-икъикиб, арцличил шабагъатлавариб.

ГІялибеков Закерга акІубси сай 1906 ибил дуслизив Лавашала районна МикІхІила шилизив хъубзарла хъалибарглизив.

Ил бархъдеш, хІялалдеш, бутІацугдеш, бузери дигуси урши вири. Сайгъунтала ургав сакІубси, вемцІурси, урехиагарси дурхІя сайри.

Ил мурталра сайгъунти дурхІнас гъаввашан вири. Илгъунали ГІямрулис кара калун.

Бузерила цаибил гъарш каиб батагъализиб.

Закерга ГІялибековичли 1922-1931 ибти дусмазиб ВагІайс къуллукъбариб.

Илала Гергъи, ца дус сай ГІяхІулали мурдабала взводла командирла кумекчили калун.

1931 ибил дуслизив партияла къяянази керхур. Закерга узахъес Дагъиста Осовиа-химлизи вархъиб. Илавад учІахъес Ростовлизи вяхІвариб. ЧарухъунхІели, бузерилизиб мяхІкамдеш бирнила инспекторли Сергокъалала районнизи вархъиб.

Илав Закерга муреган исбагъи Муъминатличи хъайчикайиб. Илди бекІайичи барх хІерра биуб.

1934 ибил дуслизив Закерга ГІялибекович МикІхІила шила Советла председа-тельла къуллукъличи катур.

Ил бегІла къиянси, кулакуни хІукуматличи къаршили кабизурси, колхозуни ка-дилзахъниличи къаршили дурабухъунси, партийно-советский хІянчизарти кабурушуси, колхозуна зарулта биркъуси манзил сабри.

Шила Советла председателлисахъдеш, чекайзурдеш чараагарли ГІягІнилири. Закергазир илди чер-чердухъи лерра лерри.

Ил урехила манзил ГІялибековлис гъанкІагартти дугурби ихъес, къиян-жапа чекай-сес, илдачи къаршидеш дирес чевкъулри. Ил къуллукъличиб Закергани чебатаибси хІянчи бариб. Узес балуси хІянчизар сайхІели, Закерга ГІялибекович районнизи шуратур ва гъундурала отделла начальник вариб. Ил къуллукъличив 1936-1938 ибти дусмазив узиб.

1938-1939 ибти дусмазив комсомолла Лавашала райкомла цаибил секретаръли викиб.

Закерга ГІялибекович 1939 ибил дуслизив Калмыкияла АССР-ла Сарпинский районна дявила комиссарли урхъули сай. Калмыкиялизиб дявила комиссарли 1942-ибил дусличи бикайчи хІянчи бариб.

1939-1942- ибти къяркъти дусмазив дявила комиссарли узес дебали къяянсири, урехилари, Закергани ил къуллукъ гъабзадешличил ва халати жавабкардешличил бузахъи.

1942-ибил дуслизиб Сарпинский районна райцентрлизи немецунала отряд бухИнаберхур. Илдазивад урухиубли милицияла начальник сунела хЯнчизартира сайра вебшибсири.

Райвоенком З. ГЯлибековли биалли сунела хЯнчизартачил чевхъи, райцентрлизибад немецуни дугИиб.

Закерга чИумали кайзурси, ца гъуни буцибси, гЯхИгъабза руководитель сайри. Сарпинский районна дявила комиссарли узухИели, ца ишгъуна хъумхИертеси анцИбукъ бетаурсири. Военкоматлизи хъунрала къукъя дурабикили саби.

– Се бетаурли, се дикИутирая?!

– Нушала муйли дургъбазиб ВагИан багъандан улхули саби. ХИякимти, вегИбекИуни биалли бужули кеплизиб саби. ВагИан хИили иркухИели, халкъ кабурухИели, илдас сегъуналра авара агара.

Ил шадлихъличиб буили саби партияла райкомла секретарь, прокурор, судья, милицияла начальник.

Муйли дургъбазиб бургъути хъунрани илдас уркъубяхъили саби.

– Ишар нуша чягъирли дужули диахИелли, хИушала муйлани фронтлизир гЯрякъи дужули сари, – жаваб бедили саби кеплизибтани. Шадлихъличи кабиибти районна хИякимтала бронь буили саби. Илдада бронь каберхес хИябал бархИи кали дуили сари.

Илдада убяхИси баркъуди багъурхИели, Закерга дугели усаэс, хИерили паргъатли уйэс вирули ахИенри. Иличи гЯсидешла варачан чебашулри.

Илди хасмушунала бронь таманбиубси бархИи дявила комиссар ГЯлибековли илдас фронтлизи бархъес повесткаби делкИи сай.

– Нушала бронь лебси саби, нуша чилилра фронтлизи хИедурхъура, – бикИули саби илди.

– ХИушала бронь таманбиубси саби, дашена хИушара фронтлизи, цИуб гЯрякъили дужес, – уркъубяхъиб комиссарли. Дигалра-хИейгалра ГЯлибековли илди фронтлизи бархъили сай.

Ил комиссарла гъабзадешла баркъуди аргъибхИели, Партияла Калмыкияла обкомли Закерга ГЯлибекович тЛалабварили сай. Иличил варх – КАССР-ла дявила комиссарра уили сай.

– Обкомла секретарьлизи Сарпинский районна хИякимтала усал баркъудиличила мабурид, – тиладибарили сай КАССР-ла комиссарли Закергази.

Илди партияла обкомлизи бухИнахъибмад республикала комиссарлизи – иш саю хИушала урибси, хабардерхурси комиссар, или хъарбаили саби.

– Так точно! – или жаваб бедили сай Калмыкияла комиссарли.

– Нура урхъурав гъатИи фронтлизи?! хъарбаили сай обкомла секретарьли.

– ГЯгИнибкалли, хИура урхъури, – или, ГЯлибековли чИумаси жаваб бедили сай. Калмыкиялизиб халаси хЯнчира барили, Закерга Дагъистайзи чарухъун.

Дагъиста военный комиссарли ГЯлибеков 1942 ибил дуслизив Хивла районна комиссарварили сай.

1943 ибил дусла ахирлизив ил Тляратала районнизи военный комиссарли шурватурли сай. 1945 ибил дусличи бикайчи ил къуллукъличив калун. КИелра районнизив халати жавабкардешличил узули калун. ГЯрмиялизи хИябкъи калунти, букъес хИейгути, – фронтлизи бурхъули, гЯрмиялизибад бебшибти вершаби, ламартчиби бурцули ва танбихИлабурули узуси дявила комиссар ГЯлибекович Сергокъалала районнизи урхъули сай. 1945- ибил дусличивад 1947 ибил дусличи бикайчи Сергокъалала районна комиссарли калун.

Лерилра къуллукъла хИянчи дарили ,замана баибхИели ГЯлибеков оставкаличи вархъиб. Илала гИергъира, ил деклар-декларти хИянчурбачив узули калун. 1948- ибил дуслизив Лавашала сельхозотделла заведующийли узи.

1948-1952-ибти дусмазив ЦИудхъурла районна потребсоюзла председателли узи.

1952 ибил дуслизив ГЯлибеков МикИХИла Багъатировла уличилси колхозла председатель вариб. Иличи халкъ дебали разибиуб, сенахИенну бегИлара къяянси, урехиласи, гъабзадеш, сахъдеш тЛалабдиурси – 1934 ибил дулизив ил МикИХИла шила

Советла председателъли калунсири. Ил сегъуна саял микІхІента виштІахІейчивал валусири.

Халкъли иличи игъдибарбихъиб. Колхоз чІумали къяшмачи тІашбатурли, ил гъаркъятала къянази дураэс, колхозла зяхІматчибала яшавла шуртІри ахъдусес бажардииркиб.

Ил вехІихъиб колхозлизир гІяхІти низам-къяйда кадилзахъес.

Сагаси руководительли колхозникунас къяян-хІекъ бархъли лукІниличи, бухгалтерияла документуни дархъли дузахъниличи халаси пикри бяхІчиаиб.

Закерга ГІялибекович кабинетла хІянчизар ахІенри, ил авлахъла хІянчизарри. Ил мазалис къуллукъбирути букІуначив, хІяйванти адилкъути фермабала хІянчизартачив, цедешла унхъразив, муракъянабачив, аршикъянабачив, ургубалав хъубзарличив вири.

Илдала зугІлуми, тІалабуни дали ва илди бекІдарести тяхІурти далдурци.

Гъар бархІи бархІехъ правлениеби дурадуркІи, бригадирта ва цархІилти хІянчизарта дарес гІягІнити белгидири.

Правление дураберкІес гъалав председатель хІянчила мер-мусаличи вии, чи секъяйда узулил, бузерила сабухъ лебал, бузериличи чила уркІи изулил, се барилли, се хІебарилли, чис се хІебиулил, чис-сегъуна кумек хІяжатлил, бузерилизир сегъунти нукъсандешуни лерал белгидири.

Бузери ункъли тІашбатнила гІяхІдешличибли, колхозли гъар дус хІукуматлис диъ, ниъ, нерх, бала, цедеш дирцила планти дирцахъи. Илди планти дирцахъни багъандан ГІялибеков чуйнара хІурматла грамотабачил, медальтачил, арцла преми-ябачил шабагъатлавариб.

Заманаличир хъу дегІахъес, диршахъес, дергахъес, мура дяхъяхъес ва илди гІебнази дучахъес, унхърас къуллукъбарес, мазализи диркъаниб яни беркІахъес ва илди дубурлизи гечдарахъес председатель гІяхІил бажардиирки. Унхъри дирахъниличи, ризкъи делгІуси чІябар имцабикІахъниличи, шила духІнарти гъундури ункъдирахъниличи пикри бяхІчиини.

Закерга ГІялибековичли бекІдеш дируси Багъатировла колхоз мурталра гъаркъятала къяназиб, хІурматла уркъуйзиб бири. Челябинкыла мурхъли пикрибируси руководитель вири ГІялибеков. Илини сунела хІянчи чебетаахъили бири.

Масала, гъанна Первомайское ши мерлабиубси ванза микІхІила бирусири. Илаб микІхІила Багъатировла уличилси колхозла хІяйвантала ферма лебсири. Илаб къулала хІенкъулаби, дояркаби ва илдала хъалибаргуни хІердирутири.

– Мурт-биалра иш ванза нушазибад кебисуну, ца гъал-хІябцали хъалибарг иха гечдиарая. ХІушаб гІелабад цархІилтира лябкъян ва илаб микІхІила сагаси ши бетарар, – викІусири итхІели Закерга шантази.

микІхІента председатель викІуси бархІебариб, ванза кебасиб ва чечентазибад гечбарибтас бедиб.

Ну Лавашала районна багъудила отделла методкабинетла заведующийли узухІели, Закерга микІхІила шила Советла председатель сайри. Сут, алхІят бархІи ну бегІтачи гъавакІес шилизи вашаси.

Шилизив къаршиикибхІели, Закергани сунечи арикаси, жагъил адам, сай гъести гІямрула виъниличи хІерхІеили. ГІядатливан ваши хІейкІину ил, уцили гъайири. Къуллукъла халати хІянчурбачив узули кали хъалли, давла бучес гІелавадкайкибси ахІенри ил.

Ламус заманаличиб ахъни гІяхІси бирар. Илгъуна сайри Закергара.

ГІергъити вецІал дус, пенсияличи укъяйчи, Закерга ГІялибекович микІхІила шила Советла председателъли узули вири. микІхІила халаси шилис10 дус, ил шилизи кадурхути махъурбас къуллукъуни дузахъес гъамадси ахІенри.

Биалра илизир шила Советла председателъла къуллукъуни дузахънила халати устадеш лерри.

Закерга ГІялибекович районнизивра хІурмат-хатирла адам сайри. Районна шимала председателътас ил гІибратлис урусири.

микІхІента ГІялибеков Закерга ГІялибекович хъумхІерту, кайзурси микІхІен гъабза сайхІели.

Тярабла халъла хабурти

ГІЯКЪЛУ

Валричи клел гавлагра чедихъили, архяличивад чарулхъули уили сай ца адам. Илис гъуйчив къаршиикибси гъункъяни, яхши-хушра дарили, се лебулпри или хъарбаили сай.

– Ца гавлаглизир анкѝ сари,--виклули сай валрила вегѝ, – итиллизир –гъум.

Гъункъяни хъарбаили сай гъум седирутив или.

– Дех царугбикахъес ца гавлаг гъумли бицѝбси саби.

– Жаваб аргѝбхѝлели, гъункъяни гѝббурили сай гъум урасахъес, анкѝла гавлаг клел бутѝлаличи бутѝли, дех царугбикахъес.

Валрила вегѝли гъункъя виклуси бариб ва иб:

– Хѝабилра гѝякълучевси адам уилри хѝу! Гѝяхѝси хѝянчизар ургуд, яра хѝела тукен бургар. Вачарлизив бажардииркусиличира мешулири, хъалибарг хѝед дигуливан хѝербарес ахърира бургар. Наб биалли хъалибарг абикъес дахъал гунзри кацѝес чевкъули саби.

Гъункъяни жаваб бедили сай: «Валлагъ, хѝянчизарра ахѝенра, вачар-чакарра хѝедалас, хъалибаргра агара» или.

– Гѝур се бирулри, гъатѝи, хѝуни? – хъарбаили сай валрила вегѝли.

– Агара селра декѝлар бирусира, ишкъяйдали дунъяличивад къунзкайклѝли, адамтас гѝякълу брусира.

Валрила вегѝли, хапли тѝашизурли, валрила къакъличирад анкѝла гавлагуни уряхѝясили, илди цализи какъур, итил гавлаг гъумли бицѝили, сагали клелра гавлаг валриличи чедихъиб.

– Сен ил бирусирѝ хѝуни? – тамашавиуб гъункъя.

– Сенахѝенну, дила юлдаш, хѝуни я хѝянчи бирули ахѝенри, я вачар бузахъули ахѝенри, я хъалибарг бихѝули ахѝенри. Се бариша наб хѝела гѝякълу! Гъачам вегѝлис багъурли, гѝур ахѝену цархѝилтас гѝякълу брусѝи! Наб дила гѝякълѝра биур!» или, гъуни даимбарѝли сай.

КЪАРЛА ДУКАЛА

Аркъули дуили сари валри, унц ва кѝгъа.

Илдани гъуйчиб баргили саби къарла дукала.

– Ишди къар дила сари, – бѝклули саби унц, – ну Адам идбагли дукѝлизи бабгили, хъу далцули вири.

– Ахѝен, – бѝклули саби кѝгъа, – иш къарла хала наб биѝс гѝягѝнѝси саби, – ну Ибрагъим идбагли къурбанбарѝли белгъунси кѝгъачил барх буѝбсира.

Унцра кѝгъара жалдикѝлули лералли, валринѝи къар ахъдуцили, сунела къакъѝличи игъуб ва иб:

– Къар бажардиѝикибсила сари.

УСТАДЕШ

Палтарла клел уста барх бузули буили саби. Илдазивад цали палтар къалабали ибули уили сай, итил биалли – вахъхѝи кавлули. Вахъхѝи кавлусѝни ца гъачам суал бедили сай:

– Сен хѝу жявли валкъарусѝри, нуни биалли хѝянчилис имцѝали замана харжѝирусѝра?

– Хѝуни хѝясиббара, – виклули сай къалабали ибусѝи уста.

Хѝябал бархѝи хѝясибѝклули хъалли, устанѝи сунела суайс жаваб баргили ахѝен.

Илхѝелѝи къалабали хѝянчи бирусѝи уста виклули сай:

– Хіуни буробализи бухъянси чіи бетикіулри. Ил бирхули саби, хіу гьарбарес узулри, гьарбарес хіейадли, гіясиикіулри, гіур сагали бетикіулри. Замана аркьули саби. Нуни биалли чіи къантіа бетикіулра. Ил каберхурмад сагали бетикіес хіейрулив? Камси заманала бухінаб бетаруси хіянчилиси халаси замана харжмабирид, къантіли бурес вируси хабар бухъянмабилтіахъид. Илизиб саби адамла устадеш.

ДАРМАН

Тухтурличи вакіили сай ца ухъна. Илини, вахъхіи гъайикіули, сунела челукьутачила бурили сай.

Тухтур, паргъатли иличи лехіахъили, вкіули сай:

– Илди лерилра хіела ухънадешла авара сари.

Ухъна гымукіили сай: «Хіечи ну хіязлиси вакіилправ, гіяхіти дарман лукіа или гъанбикиб».

– Ухънадешлиси дарман лерти ахіен, – жаваб чарбатурли сай тухтурли.

– Гіяхіси саби, дила ухънадешлиси дарман агарти биалли, хіу ухънавайиб-хіейс се дарман дургидал пикриухъен! – Хямқдарили унзара, тухтурличивад ухъна дураухъи сай.

ДАВЛА

Давлачев мискиннизи вкіули сай:

– Ну гіямуриличи вахъ дебали разилирагу, дила давла лебхіели. Мискин, хіечи уркіецідулхъули сари!

Мискин вкіули сай:

– Дилара давла хіелайчиб камли хіебургар.

Давлачев тамашавиубли сай:

– Чинаб лебси хіела давла?

– Нуни дила давла гьар дуги муэрлизиб чебиулра.

Давлачев дукарвахіили сай:

– Давла бирару илгъуна? Хіулби гьаргдаралли бетихъуси!

Мискин вкіули сай:

– Хіела давлализибад деклар се гіяхідеша—хіулби къяпідаралли бетихъуси! Илбагъандан дила хіемира уркіецідулхъули сари.

САБУР

Цагъачам илбисличи гіяйиб барили саби, «Сен хіуни адамтала урга гъай-мез какъурли, инжитбигури?» или.

Илбис бикіули саби:

– Набчиб се гіяйиба? Адамтани, сабурбарес хіебалули чули чус дирули сари вайбаркъуни. Дигалли, хіердикіеная, камси секіайчибад анцібуку чина бетиркурал.

Илира или, илбисли азбарлаб къяціа бигъунси гъая гъакі-гъакібариб.

Къяцани, бет-садбашули, тіяхібикіули, илбисли хіярхібухъахъунси гъая батбухъахъун. Гьаргала бухінабухъи, илабси халаси дяхіимціайзиб сунела къаралди чебаиб ва мукури дяхъили, дяхіимціа тіутубариб.

Хъа регі дебали гымрукіиб ва къяца белгъахъун.


Хъа вегі чарухъунхіели, илис деціагиб сунени асибси къяца, сунези хъар-рахіебаили, хъунуй белгъахъи риъни.

Илдала ургар гъай-мез демжур, ахирра мурул-хъунул декларбикиб.

Илхіели илбис дакіубиуб ва иб:

– Се барра, гъатіи, нуни? Ца гъая сабригу гъакі-гъакібариси!

Шурдатурси Патімат МАЛЛАЕВА.



Янила савли

ISSN 0235 - 0149

Индекс годовой 31176
Индекс полугодовой 73892

